







Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3981/A





Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3981/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3981/A



Early European Books, Copyright © 2012 ProQuest LLC.
Images reproduced by courtesy of The Wellcome Trust, London.
3981/A







532
R

3981 A

N. vi. 8
7





66641

THEMIS APREA,

hoc est,

DE LEGIBVS

FRATERNIT

TIS R. C.

TRACTATVS

Quo

EARVM CVM REI VERITATE

nientia, Scilicet publica & priuata, nec non causa necessa-
ria, euoluuntur & demonstrantur.

Authore

MICHAELE MAIERO IMPERIALIS CONSIST.

Comite, Equite, Exempt. Phil. & Med. D. &c.



FRANCOFVRTI, Typis Nicolai Hoffmanni,
sumptibus Lucæ Iennis, 1618.



P R
AD



P R Æ F A T I O

AD LECTOREM.

Hemis, Dea antiquissima, post diluuium à Deucalione & Pyrrha consulta, quomodo genus humanum, aquis deletum, ipsis senibus, restaurari & multiplicari facile posset, de Magnæ Parentis ossibus post tergum iacendis responsum dedisse fingitur, quod cum de lapidibus illi interpretati recte intelligerent, effectum quæsitum obtinuerunt:

A

2

Vnde

Vnde prima legum promulgatrix Themis habetur, cuius tamen responsio non de hominibus reparandis à vetustissimis Poetis accepta fuit, at de duobus lapidibus, masculo & foemina, à quibus multiplicatio Medicinæ aureæ causata est: Masculus enim Deucalion & Pyrrha eius vxor sunt Gabritius & Beia, Sol & Luna, qui duo per lapides proiectos sui generis restorationem millecupla sobole instituunt & peragunt: Pyrrha rubea est carne intus, licet extus candidula appareat, vnde & Albifica & Blanca ab aliis cognominatur: Deucalion alter est leo, non corpore, sed animo,
non

AD LECTOREM. 5

non forma, sed affectu, quo sæ-
uit in suam vxorem, donec eam
interficiat, & secum pelle leoni-
na induat. Ad eam de Themidis
oraculo mentem rarissimi
acceserunt, cum quilibet de hi-
storia aut morali expositione,
quæ neutiquam hic locum ha-
bent, interpretetur. Causa itaq;
fit euidēs, cur hunc tractatum,
agentem de Legibus aureolis
Fraternitatis R. C. THEMIDEM
AVREAM inscripserim, quem
tuo arbitrio candido diiudican-
dum obfero: Cum enim homi-
nis sit ratiocinari, & de rebus
dubiis mente discurrere, æque
vt avis est volare & equi per
campos fugere, hinc, vt veritas

6 PRÆFAT. AD LECT.


eo fiat manifestior intelligenti,
hanc quoque scriptionem subi-
re non negleximus: Decoticu-
la dicitur, quod ipsa non acuta
acuat alia, & de Chalybe, quod
ex filice ignem, qui in neutro
est actu, excutiat: Talis ipse vi-
dear, dummodo tibi hinc com-
moditas proueniat, quam, qua-
liscunque sit futura, pro æqua-
nimitate & synceritate tua non
aliter quam humaniter & dex-
tre accipies & interpretaberis.
Vale.

EPI-



EPIGRAMMA AV- THORIS.

*V*ix bene de foliis, at fructu nobilis arbor
 Noscitur, & non ex pelle, sed & lingue Leo.
*V*na nec è ficu legitur, neque palmitis grossi,
 Lilia dantque rose nulla, nec illa rosas.
*I*ndole quaque sua Natura semina pollent,
 Resque solet patrium cuncta referre genus.
*H*aud secus ex propriis apparet **LEGIBVS ORDO**,
 Qui medicas agris porrigit & litro manus:
*Q*uales arte sua generosior indicet ortus,
 Fama perspicuos edideritque Libros.
*N*on odor inde lucri, nec honoris queritur illis
 Ambitus, ingrata est luxuriosa lues:
*I*nservire Dico, nec non mortalibus, una
 Omnibus incumbit cura, leuare malum.
*F*œdera concordie iungunt socialia mente,
 Dogmate & illustri sunt pietate pares.
*P*er gratas arcana vices sibi mutua reddunt,
 Natura fuerint quæ patefacta sinu.
*I*nuidia non ulla seges, nec litis iniqua,
 Quæ didicit, socios quisque docere cupit.
*C*andor & ingenuus seruat pudor ostia, **VIRTVS**
 Et **VERVM** decorant culmina summa domus.
*H*æc est porticibus schola doctior arte Lycai
 Aurifera, platanis atque Epicure, tuis.
*H*uic cedat meritis Academia magna Platonis,
 Diæque qua celebri nomine Stoa fuit.
*A*urea in hac una remanet Sapientia sede,
 Et Charites tantis cuncta dedere Viris.



INDEX
 SUMMAM SINGVLO-
 RVM CAPITVM HVIVS
 tractatus mon-
 strans,

CAP. 1.

Quod omnes leges, quibus Themis præfici-
 tur, ad utilitatem eorum, quibus præscri-
 pta sunt, spectare debeant.

CAP. 2.

Leges eas, quas Fraternitati R. C. primus
 author, aliis incognitus, præscripsit, ordine nar-
 ratas, non esse nisi bonas & licitas.

CAP. 3.

Quis effectus in genere sit harum legum, &
 quæ circumstantiæ Locī, mediorum, finis &
 temporis.

CAP. 4.

Quæ prima lex, & quanta Medicina sit di-
 gni-

INDEX CAP. 9

gnitas præ reliquis artibus, cui Fratres primas dederunt.

CAP. 5.

Quod medicatio, cum remediis specificis seu occultæ proprietatis, quibus dicti Fratres utuntur, facta, sit naturæ humana acceptissima, & morbo magis contraria, quam alia.

CAP. 6.

Quod, licet alij medici sua mercede dignissimi sint, tamen Fratres singulis medeantur gratis, non æstimantes valorem auri.

CAP. 7.

Abusus quidam taxantur in medicina, primo, quod longæ Receptæ præscribantur communiter non tam in agri commodum & morbi necessitatem, quam Pharmacopæi lucrum & Medici ostentationem, ne hic Empyricus videatur, cum satius sit paucis & probatis uti simplicibus.

CAP. 8.

Secundo, quod Medicamenta magnifici tituli ab aliis fiant ex opinione hominum preciosis, cum alias vilioribus & vernaculis curari ijdem morbi possint, sed non ita gratis.

A 5

CAP.

INDEX

CAP. 9.

Quod multi medicorum abhorreant ab omnibus Chymicis, non pauci à vegetabilium classe petitis & Galenicis Remediis, quorum neutrum fieri debeat, demonstratis causis, cum utrisque pro casus varietate, utendum sit.

CAP. 10.

De vitiis in persona medici non tolerandis, à quibus Fraternitas R. C. immunis est.

CAP. 11.

An dicti Fratres vocati ad morbum aliquem curandum teneantur comparere, & nuncurent absq^{ue} discrimine omnes morbos tam incurabiles, quam curabiles, & demonstratur, quod neutrum.

CAP. 12.

Quo remediorum genere utantur, quod esse non nisi licitum & naturale, probata causa, asseritur.

CAP. 13.

Secunda lex Fraternitatis R. C. quod sit de habitu peregre ituris mutando ex necessitate & absque præiudicio alterius.

CAP.

C A P I T V M.

II

C A P. 14.

Tertia lex est, quod quotannis ad certum diem & locum convenire debeant, ut nimirum fiat animorum coniunctio, inque rebus arcanis collatio.

C A P. 15.

Quarta lex est de Persona in locum cuiuslibet idonea eligenda, ad Fraternitatis continuationem inuenta, cum individua perdurare nequeant.

C A P. 16.

Quinta lex, quod literæ R. C. Fraternitati debeant usurpari pro symbolo characteristico, seu sigillo, quo agnoscatur.

C A P. 17.

Sexta & ultima lex est, Fraternitatem R. C. centum annis occultari debere.

C A P. 18.

Quid commodi vel incommodi ex Fraternitate illa in perpetuum tecta, vel certo tempore (ut iam factum) detecta Reipub. & literaria accidere possit.

C A P. 19.

Quod multa fabulosa sub Fraternitatis nomine

mine spargantur, quorum tamen non illa, sed
effrenata multicipitis belua, hoc est, vulgi, iudi-
candi de non intellectis libido, causa sit, ut solet
quoque in aliis.

CAP. 20.

Quod Fratres R. C. nullam reformationem
in mundo, religione, Iudaeorum conuersione, Po-
litia, qualem Enthusiastæ quidam etiam ex sa-
cris adducunt ad id probandum sententias so-
mniant, sperent aut intendant, at veritati &
Iustitiæ se semper addictos testentur.

CAP. I.



CAP. I.

*Quod omnes leges, quibus Themis
præficitur, ad utilitatem eo-
rum, quibus præscriptæ sunt,
spectare debeant.*

V Magna est legum diuersi-
tas, tum ratione efficientis
seu legislatoris dantis, tum
ratione accipientis, sic in vni-
co hoc fine conueniunt omnes, modo à
bonis & non tyrannis dictatæ sint, quod
ad publicum bonum eorum, quibus præ-
scriptæ sunt, spectent: Cum enim ad so-
cietatem hominum conseruandam, pie-
tatem, iustitiam & virtutem, colendam &
exercendam, ne cui præiudicium aut in-
iuria fiat, leges sint introductæ, ad Reip.
utilitatem & emolumentum maxime di-
riguntur. Si suum cuique tribuatur, non
erit

erit causa litis, querimoniarum aut belli, sed omnes tanquam in aureo seculo pace fruuntur ex æquo, cumque illud sit iustitiarum, quæ legibus propugnatur, hinc constat per leges pacem, qua nihil præstantius aut utilius est humano generi, foueri, Themini coli, Eryn excludi, & vberimum copiarum cornu ministrari: Vnde non sine causa fingunt Poetæ, Themini cœli & terrarum filiam, Saturni sororem, Iouis amatam, magnam laudem & summos honores propter iustitiarum singularem administrationem meruisse: Æquitatem enim seruandam præcepit inter mortales, quæ gratiæ Diis essent virtutes & ad vinculum societatis humanæ conseruandum maxime accommodata: Propterea ex æquo & recto viuendum, à violentia, iniuriis & rapto abstinendum, vnumquemque sua sorte contentum esse debere inculcabat: Id tantum à Diis petendum (vt notat Festus) quod fas esset & honestum, petitionem alioquin iure reiiciendam. Præterea dicebat, Deum illum summum de super in terras intueri quæcunque ab hominibus gererentur, siue bene siue male, & se-

cun-

undum admissa facinora malos æternis
 cænis & suppliciis punire; Bonis autem
 & piis præparasse mercedē & vitam nul-
 līs seculis interrompendam. Alii fuisse
 Themin fatidicam mulierem apud Græ-
 cos opinantur, quæ futura hominibus
 rēdixerit & rerum euentus incertos ex-
 licarit: quibus dotibus summā sibi con-
 siliarit authoritatem, ita ut eam diuino
 flatu plenam crederent & communica-
 re cum spiritibus & Diis cœlestibus, a qui-
 bus ortum duceret. Propterea etiam post
 obitum ad cœlos remeasse credita est, &
 illic plurimū potestatis in humanas crea-
 turas adepta: Cum Iustitiæ præesse puta-
 retur, regibus regni iura præscribere, cō-
 firmare & stabilire, cogere populos ad
 obedientiam & reuerentiam erga Prin-
 cipes, præscribere leges magistratibus, ad
 quarum normā & præcepta Politias re-
 gerent & moderarentur: Tantiq; est esti-
 mata apud Ethnicos, ut sine eius Numine
 mortales omnes existimauerint mun-
 dum constare non posse, ideo illi templa
 & honores diuinos statuerunt: Pri-
 mum illi delubrum erectum est in Bæo-
 tia

tia ad Cephissum amnem ad quod post diluuium venisse Deucalionem & Pyrrham scribit Ouid. 1. Metam. vt Deam consulerent, qua ratione genus humanum, quod illa inundatione perierat, reparare possent, his verbis:

*Dic Themis, qua generis damnum reparabile nostri
Arte sit & inersis fer opem mitissima rebus:
Mota Dea est, sortemq; dedit: Et quæ sequuntur.*


De eadem Themide hæc narratur allegoria: Cum prudentia esset singulari, forma quoque reliquas suæ ætatis Nymphas superaret, à loue adamata est, cumq; sepius eius nuptias recusasset & eius consuetudinem vitaret, tandem in Macedonia deprehensa, coacta est illi nubere, grandidaque reddita peperit Ioui **H O R A S** *Εὐνοίας, Δίκης & Γλυκύν*: Dicitur quoque ex eodem Ioue suscepisse Medium Fidium, qui Sanctus vocatus est; quodque fidei præpositum illum crederent, ideo iusiurandum factum per illius nomen, sacrosanctum esse debebat & inuiolabile; Et hoc sacramentum Patricii Romani usurpabant, tanquam illi ordini congruum, quod omni viro ingenuo peierare nefas erat.

erat. Verum nos etsi sciamus nullam unquam in terris vixisse Themis, quæ post diluuium consulta fuerit & oracula dederit, multo minus, quæ in cælum ascenderit, ut crediderunt Ethnici, tamen de iustitiæ idea seu virtute illa generali, quæ suum cuique tribuit, hæc intelligi posse non dubitamus: Ex hac enim Eunomia seu bonæ leges (ut reliqua taceam) prognatæ sunt, quamuis alii dicant has ex malis moribus exortas, quod per accidens intelligendum est. Eunomia tuetur regna, conseruat politias, Respub. & Ciuitates, facitque res ex minimis maximas: Tales enim sunt mores gentium, quales leges, si hæ bonæ vel malæ fuerint, ita & illos esse oportet: Eunomia est hominibus iuste viuendi norma & amussis, ad quam dicta & facta singulorum quadrare debent. Polycietus quidam celebris statuarius in sua arte fecit librum de proportionem singulorum membrorum humani corporis, respectu partium & totius, eumque Regulam vocauit, iustaquam cæteri artifices sua opera conficere & examinare possent: Tales Regulae

B

sunt

sunt in omnibus artibus & scientiis Axiomata, quæ à principiis ad finem earum tendunt: In rebus publicis vero sola est Eunomia, quæ omnium mores & actiones gubernat, ne ad iniustitiam aut facinora declinent, & multa incommoda ipsis aliisque apportent, quod plerumque fieri solet: Vt enim luxuria morbos, sic iniustitia damna mortalibus attrahit, tanquam pœnas: Et e contra vt sanitas omnium bonorum in terrenis optimum, quia secum alia quæcunque adferat, ita iustitia, quæ per Eunomiam seu bonas leges procuratur, multa & insignia hominibus præstat commoda & emolumenta, quod cum per se pateat, propriaque illustretur luce, probatione non eget.



CAP.

CAP. II.

leges eas, quas Fraternitati R. C. primus author, aliis incognitus, præscripsit, ordine narratas, non esse, nisi bonas & licitas.

Egum optimarum summam necessitatem & utilitatē ut nemo sanæ mentis negare potest, ita non immerito eas laudare & præconio digno extollere debemus, ne desit cunctantibus calcar aut incitamentum & virtuti præmium: Cumque eiusmodi sint istæ sex quasi legum positiones Venerabili Fraternitate R. C. suo ordine per primum authorem præscriptæ, operæ precium nobis futurum videtur, si eas exquisitius consideremus, & quatenus rei veritati, naturæ, æquitati & hominum utilitati conveniant, collaudemus quoque honore dignemur.

Rationi enim consentaneum est, societatem illam, si bona sit, bonis legibus regeri,

teneri, si secus, e contra: Verum non esse illam aliter, quam optimam & licitam, præsupponimus, singulisque ex circumstantiis colligimus, quibus absque dubio hæ positiones consentient: quarum numerum esse primæ perfectionis senarium nulla confusione aut rigore immodico confæderatos obruentem, agnoscimus. Vbi multæ & variæ leges conduntur, ibi multas enormitates contingere, probabile est: Qui enim rectam naturæ & rationis semitam negligit, illum per ambas varias incedere oportet, ut ad eandem metam perueniat: Ab hisce incommotis hæ leges sunt liberæ tum qualitate tum numero: Singulas quoque ad utilitatem eiusdem societatis, nec non aliorum, spectare apparebit ex earum elucubratione: Voluntariæ sunt omnino & plerisque vim habent, cum omnes eas consenserint, ut possibiles, ut rationabiles: Hac vero traduntur serie:

1. *Quod nullus eorum alius
quid peregre iturus profiteretur
qua*

quam morborum curationem,
dque gratis.

2. Quod nullus cogi deberet,
ratione Fraternitatis initæ, certo
quodam vestis genere uti, sed se ad
morem regionis accommodaret.

3. Quod quilibet ex fratribus
teneatur quotannis ad diem C. in
loco S. Spiritus comparere, aut ab-
sentia suæ causas literis declarare.

4. Quod singuli fratres eligere
debeant personam habilem & ido-
neam sibi post mortem successuram.

5. Verbum illud R. C. sit ipsis
vice symboli & characteris sine si-
gilli.

6. Quod hac Fraternitas cen-
tum annos celari debeat.

In hos articulos sibi inuicem sacro-

B 3 san-

sancte astringuntur & confœderantur.

Ex quibus omnibus in genere colligimus, quod nulli in præiudicium cedant, nec iniuriam inferant, sed directe ad finem suum, qui est Dei gloria & proximi utilitas, tendant: quod ut clarius elucescat, per causarum & circumstantiarum genera eas ducemus.

Vbi primo Author earum confide-
randus venit, an potestatem habuerit
eiusmodi Regulas sibi aliisque præscri-
bendi & obseruandas proponendi, &
quis sit, aut cur nomine ignotus ma-
neat.

Supremam legis sancienda, quæ omnes subiectos populos teneat & astringat, potestatem esse apud summum Principem, tanquam caput membrorum, indubitatum est, inprimis Imperatorem post quoque apud Reges singulos, qui merito fruuntur regnandi iure, nec non quosdam Principes, aliosque Primates & ciuitates liberas, quæ tamen leges ab inferioribus latæ non extenduntur nisi ad suos, nec sunt perennes, nec derogant ciuilibus legibus, sed sunt statuta ad tempus.

pus & locum, vel etiam personā aut rem: Apud antiquos vero viri sapientia, doctrina, authoritate, iustitia, sinceritate & usu rerum conspicui & insignes electi sunt, ut certæ genti aut ciuitati iura legesq; ponerent & introducerent.

Sic apud Hebræos Moses primus legislator & dux receptus fuit: Apud Ethnicos primi qui leges scriptas proposuerunt æquandæ libertatis causa, Zephyrii statuuntur.

Deinde Zaleucus Spartanorum & Cretenesium placita imitatus (qui à Minos vetustas leges recepisse credebantur) acerbiores leges promulgauit, pœnasque iure debitas, æqui & iniqui regulas scripto præfiniuit, ut metu iudiciorum & pœnarum à criminibus abstinerent, cum ante non scripto iure sed iudicis arbitrio sententia in reos ederetur.

Postea Athenienses à Dracone & Solone scriptas leges in Prytano ab eo fixas & propositas, iuraque & iudicia acceperunt, à quibus Romani, qui à condita vrbe trecentos annos suis moribus vixerāt, leges 12. tabularum per Decemviros missos

B

4

acce-

acceperunt; Hæ vero auctæ successu temporis à Romanis magistratibus & Cæsaribus lus Ciuile nobis dederunt, quo adhuc vtimur: Ne moremur aliarum gentium legislatores, vtpote Ægyptiorum sacerdotes, vel Iside.n, quæ à Mercurio, vt hic à Vulcano (aureæ enim fuerunt & in igne natæ) leges acceptas populo præscripsit, Babyloniorum Chaldæos, Persarum Magos, Indorum Brachmanas, Æthiopum Gymnosophistas, Bactrianorum Zoroastrem, Scytharum Zamolsidem, Corinthiorum Phidonem, Milesiorum Hippodamum, Carthagenensium Charondam, Gallorum Druidas.

Ex iam dictis facile apparet, quemcunque authoritatem habere sibi aliisque poscentibus sociis aut compromittentibus in fidem, leges aut statuta præscribendi, præsertim si omni æquitati & rationi suffragentur: Nam inter bonos bene agier oportet, vt inquit Comicus, at malorum fœdera vt sunt illicita & damnosa, sic & leges & conditiones inter eos contractæ; quorum fides seruata est deceptio; constantia, peruersio; sacramenta, Diræ; regula,

gulæ, enormes abusus, leges, facinorum illecebræ.

Privatus quidem harum fuit author, nec publicus Magistratus, at in suo directorio satis magnam authoritatem obtinuit, ut se aliosq; astringeret certis regulis, tum ut Patertamilias seu castri Dominus, tum ut Ordinis Philosophici & aureo-medici primus author & fundator: Si quis in alios nullo titulo aut iure subiectos sibi, ipsis insciis ac nolentibus, legem ponere statueret, inanem absque dubio conatum præ se ferret, cum præiudicio aliorum coniunctum & falcem suam in alienam messem mitteret, non absque iniuria illorum, quorum interest: At tale quid hic factum, non præsumitur, cum omnes sui iuris fuerint, qui consenserint, resistente prorsus nemine. Ad hæc præscriptio temporis, quod aliquot ætates hominum duravit, si cuiquam dat ius, cui ante non fuit, quid ni confirmaret illi, cui fuit? Nulla itaque causa est, quæ impediat dicti Authoris privatam hanc legislationem, nec de iure Diuino, nec Ciuili, multo minus naturæ, gentium aut positiuo,

B 5 nec

nec de consuetudine, nec lege scripta.

At quia Author nomine sit ignotus, nec innotescere velit, id alicui dubium mouere posset, quod diluendū erit: Ignotus quidem dictus Author remanet, quia iam pridem in Christo defunctus sit, ita & iam viuentibus fratribus, at nihilominus hi eius nomen & familiam in memoria suisq; arcanis voluminibus obseruant, causam habentes grauissimam, cur ea in vulgus non propalent aut publicent. Deinde habent successionem ab eodem ad se vsque, & Lampada sibi in cursu traditam acceperunt à noto dictæ Fraternitatis consorte seu fœderis membro legitimo; Vident Authoris animum ex libris, faciem ex picturis, veritatem ex effectis, bonitatem ex factis, habentque manus oculatas, vt multa credant, quæ cernant, aliis incredibilia, impossibilia existimata. Quid iam dicemus de illis, qui à primo authore electi & confœderationi adiuncti fuerunt ab initio, an non hi cum nouerunt? Imo, illi familiarissime conuixerunt, obedientiamq; in his & aliis præstiterunt gratissimam: Ad reliquos vero extra confor-

sortium illud existentes cognitio eius nominis minime spectat, nisi forte sint curiosiores, quam esse deberent: Nam ut ad nos nostrasque aures non pertingit, quid intra muros Illi fiat, quis in India certo, nobis nondum viso, populo leges aut statuta dicter, nec decet, ut de eo simus solliciti, ita & dicendum de hac Fraternitate eiusque sociis vulgo ignotis. Ignem non videntes in domo conclusa ex fumo exeunte speculamur: Cur non legum harum authorem, eiusque successores fratres, etiam si oculis non notemus, mente ex his legibus & has sequentibus effectibus observare liceat & sufficiat? Arborem de fructu, etiam ablato, iudicamus, hominem ex verbis, unde Socrates ad adolescentem bonis moribus quidem præditum, sed tacentem, loquere, inquit, ut te videam, canem ex latratu, philomelam ex cantu, & sic de cæteris omnibus: Quid ni igitur hunc Authorem ex suis positionibus, factis, dictis & scriptis diiudicemus à deceptoribus, falsariis & fictitiis, quibus mala mens, malus animus est, aliorum damna & circumuersiones in lucrum cedunt, tædia

tædia in voluptatem, pericula in gaudium.

Anonymus est, at fide dignissimus, incognitus vulgo, at suis notissimus: Sui vero vulgum cur morarentur? Nulla est ratio, quæ id suadeat, causa non vna, quæ prohibeat, sed variæ: *Ἀθέτουτος*, viue latenter, Philosophi antiqui est dictum, in quo magnam suæ fœlicitatis partem positam putauit. Cur non idem recentioribus conueniat, rebus ita postulantibus, & longe magis, quam apud illum? Scimus enim in quo immundo mundo viuimus, non quoad creaturas Dei, quæ omnes bonæ fuerunt, sed morum deprauationem: Polydorus illi se non credidisset, si præsciuisset suum euentum, aut alienum affectum: Huius exemplo alii cautiore facti, non minus Polydori, oderunt prophanum vulgus, & arcens, hoc est, se ab illius oculis abscondunt, cum, vt dici solet, occasio faciat furem, & qui thesaurum in vertice portat, cupit eo spoliari: Homines ab humo nomen, & naturam duxerunt; Illa nunc caret & hiat, nunc humer & fluit, pro solis, venti aut imbrium copia
vel

vel defectu; Ita humana mens non semper easdem patitur adfectiones: Nunc hiat & appetit, quæ non sunt sua, mox vitio virtutem & raptu iustitiam permutat, quod non intelligendum de omni, (quod absit) sed qui minus hominis præ se ferunt, hoc est, mentem incultam produnt.

Cavit itaque harum legum author non iniuria sibi, cavit successoribus & toti Fraternitati in eo, quod nomen suum obscurari potius, quam illustrari voluerit: Non enim sapiens est, qui sibi non sapit, quod Aristippo, Anaxarcho, aliisque probro obiectum. Quilibet famam ex magnificis factis, nonnulli quoque ex sceleribus, ut Herostatus Dianæ Ephesiæ incensa æde, aucupari desiderant: Sed hic author, eiusque successores silentio se inuoluunt & populares rumusculos, qui plus fellis quam mellis non raro habent, omnino declinant & auersantur: non quod sint Milanthropi seu Milandri, sed ut videant multorum vitia, non experiantur: Democritus se oculis orbavit, ut aiunt, ne cerneret plena omnia vacuo, hoc est, capita cerebro, aut vacua pleno: seu referta inanitatibus, vanita.

nitatibus, dolis, vitiis, & libidinibus: Re-
ctius hic Author, eiusque sequaces, ab a-
liorum oculis, qui Marfos & Pſyllos imi-
tantur, ſeſe absconderunt & ſubdixerūt:
Non enim fidendum eſt pupillæ duplici,
nec manibus Mercurii aut Martis (quo-
rum ille furum, hic prædatorum patronus
eſt) imo nec Longimano Ioui, nec arti-
bus polito Apollini, ſiquidem is fulmina,
hic ſagittas iaciat, aut diſcum, quo Hia-
cynthus periit & in ſtorem ſui nominis
migravit.

CAP. III.

*Quis effectus in genere ſit harum
legum, & quæ circumſtantia,
loci, mediorum, finis & tem-
poris.*

DE cauſa efficiente ſeu promulgato-
re, dictarum legum ſeu regularum,
ſatis ſuperq; diſſeruiſimus, nunc de effectū
earundem aliisq; circumſtantiis dicen-
dum erit: Effectus in genere ſux cauſæ
corre-

correspondet: Nam si legum author sit vir integerrimus & optimus, & illæ erunt non malæ; si bonæ, nec harum effectus, tanquam soboles à patre & auo, degenerabunt.

Sunt autem tales, quod fini suo responderint, & venerabilem Fraternitatem in ordine continuerint inseparabili: Quod si non cum ratione omni, natura & rei veritate conuenirent, iam pridem concidissent, vnaq; cum societate illa in obliuionem, aut nunquam in notitiam mundi peruenissent. Multa statuuntur ad bonum finem, quem non assequuntur, & plurimi ad portus nauigant, quos contingere nequeunt vi ventorum abrepti & fluctibus abducti: Non semper gubernator navis est in causa, quod obliquanda via & vela sint; vincit non raro hyems & procella: Ita qui aliquod opus aut negotium incipit, sæpe ab interuenientibus impeditur aut retardatur, quod tamen hic minime contigit, idque Dei benedictioni ascribendum erit:

Non habet euentus non mala causa malos,

Vixe-

Vixerunt dicti Fratres sub harum legum iugo gratissimo huc vsque fœlices, & absque dubio, annuente Deo, viuent per plura secula, cum tanquam summi Regis vassalli (mediis debitis nō exclusis) illi arent, ferant & merant, illi annuos reddant redditus in eo, quod pietatem ante omnia colant, ex natura, vt & sacris literis, eius omnipotentiam, prouidentiam & clementiam obseruent, priuatim & publice celebrent, & pauperibus, quo possunt, modo subueniant: Hæ sunt virtutes, quæ Christianos vere decent, in quibus à Turcis vel Ethnicis Idololatriis eos superari sit nefas & Christiano nomine indignum.

De Loco huiusce congregationis aut legum promulgationis ne quoq; quis sit nimis curiosus in indagando, videndum erit: Non enim hoc vtile est sciri ab omnibus, sed sufficit si à solis confœderatis & electis agnoscatur: In Vtopia non est, vt opinor, nec apud Tartaros aut Lappones, sed forte in vmbilico Germaniæ, cum Europa forma virginem, & Germania in ea ventrem referre dicatur: Non conuenit virgineos sinus patefacere vulgo, ne mere-

meretrix potius, quam virgo, videatur:
 Satis est scire, eam non esse infœcundam,
 sed in vtero suo (vt Themis ex Ioue) hanc
 Eunomiam concepisse, aut hos Palycos
 fratres, tanquam ignotos & extranea-
 tos, (vt Thalia ex eodem) protulisse: Ven-
 ter hic quidem virgineus est, at permul-
 tas artes & scientias, ante incognitas, edi-
 dit, GERMANIAM dico & intelligo, quæ
 germinat nunc perpetuo ROSIS & LI-
 LIS, quæ nec hyemem nec æstus ignis
 reformident, & in Philosophicis hortis
 seu Rosetis conseruantur, ne petulca ma-
 nus tenellos flosculos lædat aut carpat.

Huc iam migrarunt Hesperides Nym-
 phæ, Ægle, Heretusa & Hesperetusa cum
 suis arbusculis aurigenis, ne bis patiantur
 Herculem, in nemoribus abditæ: Hic
 sunt punicei Geryonis multcorporis bo-
 ves in pascuis optime circumsepti & præ-
 muniti, ne Cacus ex Auentino, id est, ma-
 lus abactor eos transuersos rapiat & in-
 tercipiat: Quis neget hic esse Colchica
 vellera, à Mercurio inaurata, hortum
 Martis & Ætæ Regiæ, qui Solis fingitur
 filius Augiæ & Phaetontis frater: Hic
 C Solis

Solis equi, de quibus Ouid. lib. 2. Metam.

*Interea volucres Pyrois, Eous & Aethon
Solis equi, quartusque Phlegon, hinnitibus auras
Flammiferis implent, pedibusque repagula pulsant.*

Hic eiusdem Solis oues & boues nunc
pascuntur, hoc est, pecudes, vnde **PECV-**
NIA dicta est, Regina mundi.

De mediis, quibus ab Authore primo
hæc peracta sunt, non opus est multa hic
adducere, cum Fratres in Fama & Con-
fessione, aliisq; scriptis ea satis indicaue-
rint, quod nimirum ex Arabia primitus
illa, qualiacunq; sint, in Germaniam eius
patriam illata occasionem Authori præ-
buerint sibi alios socios monachos con-
iungendi primo 3. deinde adhuc 6. à qui-
bus primis prima pars libri M. facta seu
delineata & descripta traditur, cuius in
Fama sæpius fit mentio, quod nimirum
ab Authore primo ex Arabico sermone
in Latinum, (in Arabia etiamnum agen-
te) translatus sit & ab eodem portatus do-
mum, ac deinde quod multa arcana ex li-
bro M. didicerint, totiusq; mundi imagi-
nē seu ideam ante oculos habeāt: Quem
librū M. absq; dubio Mundo cogētilitio,
nem-

nempe paruum maiori, breui dedicabū
 & admirandum doctrinę auidis offerent:
 Nec n. spero Natalē eiūdem diutius ab-
 futurū, sed iam iam exoriturum, vt ex vn-
 guiculis tantus Leo appareat: Vt n. flu-
 xus & refluxus maris (teste Basilio Valen-
 tino in 2. clauē) multa bona & diuitias re-
 gnis diuersis adferunt, sic quoque seme-
 stres istę nundinationes huic mundo seu
 luci publicę, mundi magni cęlestes har-
 monias & concentus (quos Pythagoras
 ipse obstupescens admiretur) ac deinde,
 quę sequuntur forte suppeditabunt.

Nec vero duos in hoc theatro Me-
 nęchmos adeo sibi similes iuueniri arbi-
 tror, quam hunc, illi M. Imo hic F. est ille
 M, nec alius liber M. nisi me fallit opinio,
 expectandus est.

Causę impulsuę dictarum legum seu
 finales, communis est utilitas, quę partim
 ad ipsos fratres, partim ad alios vel doctri-
 na animi, vel corporis viribus egentes, re-
 dundat: Dum enim sibi & bonis omnibus
 bene cupiunt, hac ratione vitā instituere
 ipsos decuit: Et si quis dicat eos parum si-
 bi cauisse, ex his refutari poterit, si parum

aliis prospexisse, ex iisdem: In æquilibrio videtur hæc bilanx pendere, & vnitas prima æquiualeat quinario seu binario & trinario iunctis: Sibi quisque est proximus, & riuuli, iuxta sapientis dictum, ita sunt emittendi foras, ne fons domi sitiat vel funditus exhauriatur, donec arescat: Qui dat vni ita, vt multis, semel vt sæpe dare possit, nulli facit iniuriam nec sibi, nec alteri.

Quando vero initium sumplerit hic ordo, aut hæc leges primitus latæ sint, ex Fama innotescit, forte circa annū Christi 1413. Si anno C. 1378. sit natus, & 16. ætatis peregre exiuerit, 6. annos emanferit, ac redux per 8. & 5. annos expectarit, antequam tantam rem in effectum duxerit præscriptis suæ societati dictis regulis: Verum in hisce potius coniecturis, quam demonstrationibus certis vti cogimur, cum historia integra & prosopographia debita destituamur.



CAP. IV.

Quæ prima lex, & quanta Medicina sit dignitas præ reliquis artibus, cui Fratres primas dederunt.

AD primam nunc legem accedemus, quæ est, ut Vnica hæc sit fratrum omnium professio, MEDICARI ægris, idque gratis: Multa & varia sunt officiorum, artium & functionum genera, quæ humana aut necessitas, aut curiositas vel luxuria nuenit: Horum alia sunt nobiliora aliis in respectu vel opinione hominum: Imperare aliis diuini quid habet & est regium; Deinde bella gerere foeliciter cum hoste atrocissimo, eumque superare: Sunt Mercatores, Opifices & agricolæ in Republica, quorum omnium pietas Theologos, iuris iuridicos, ægritudo medicos requirit; ne quid de aliis Philosophiæ & artium speciebus dicam: Omnibus iis Medicina existit tam grata, quam necessaria:

C 3

Me-

Medicus in valetudine afflicta imperat ipsi Imperatori, cui facienda & omittenda dictat, quod de legisperito intelligi nequit, cum præsente summo Principe taceant leges scriptæ, refigendæ, si opus sit, ab eo, qui fixit, & abrogandæ, qui rogauit. Idem Medicus, tanquã miles seu centurio, cõtra morbos humani corporis acerrimos quotidie pugnat, pro sanitate, qua nihil præclarius homini contingere potest: Hinc Aristoteles inter ea quæ nulla probatione vltiori egent & à cõmuni hominum notitia deducuntur, recenset sanitatẽ, dum inquit, Optimum est, bene valere & huic proximũ diuitias possidere.

Medicus itaque Optimum inter bona corporis ac fortunæ tractat & curat, morbos pellendo, valetudinem amissam restaurando, bonam conseruando: Dei est, hominem creasse, Naturæ, Dei ministræ, eundem generasse ex bino semine vtriusque sexus, & sanum enutriuisse, Medici illum aegriũ sanitati pristinæ restituisse: Vnde aliquid diuini nõ solum est in morbis, vt Hippocrates testatur, sed quoq; in tota Medicina & officio Medici, siquidem
hoc

hoc participet cum creatione & generatione hominis, dextre intelligendo, h. e. quia nobilissimū tractet subiectum, HOMINEM, ad Dei imaginem formatum, qui Naturę & Dei fuit subiectū, huius in creatione, illius in propagatione: Quod cum ita sit, medicari voluit corpori, qui animæ est verus Medicus, HOMO. DEVS, cū in terris versaretur: Medicationi Prophetę apud Israelitas operam dederūt, apud Ægyptios Sacerdotes, ex quibus reges eorū eligebantur: Eidem magni Principes dediti fuerunt, nō vt mercede conducti sed quasi misericordiam & opem afflictis, donum & eleemosynam pauperibus, omnibus ex æquo sanitatem conferrent: Nouimus quosdam in bello non iniusto cruentatas sanguine humano manus expiasse, vt aiebant, Medicamentis salutaribus ægris per easdem porrectis.

Tam sancta ergo, tamque preciosa & prælustris cum sit MEDICINÆ professio, hinc Fratres R. C. non immerito huic palmam & principatum obtulerunt inter tot artes & scientias, quibus abundant & clarent. Credo equidem eos

naturales effectus mirificos edere posse & callere arcana Naturæ profundissima, quæ videntem & causas non intelligentem, tanquam saxificum Medulæ Gorgoneæ caput, ad stuporem redigerent, sed præ omnibus illis Hygieia placuit, Apollo arrisit & Æsculapius cordi fuit.

At hic mox obstrepent nobis illi, qui omnium cupiunt esse primi & non sunt, dicentque, Fratres non esse medicos, at forte Empyricos, qui Medicinam exercere satagant: Verum hi manticam in tergo non vident suam, alienam semper habentes in conspectu: Fateor, plerosque fratrum non militasse in eorum castris, ideoque pro commilitonibus haud agnoscere: Sed nec id quidem desiderant, cum sub Phœbo, Musis & Charitibus omnibus non solum tyrocinia, sed quoque summa officia meruerint & exercuerint: Medicina, quam faciunt, est illis propria Medulla magni corporis, remotis ossibus, nucleus dulcissime nucis reiectis corticibus.

Et ut verum fatear. Fratrum Medicina est igniculus Promethei, auxilio Minervæ, à Sole mutuo acceptus & ad homines delata-

delatus in ferula, vt Poetæ allegorizant,
 post quem etsi morbi & febres à Diis ter-
 ris immissæ sint, tamen bonum præualuit
 danno: Ignis est propagatus per totum
 orbem, eoque Medicinæ præparatæ, quæ
 tam animo, quam corpori opem præ-
 stant; huic, quoad morbos: illi, quoad ad-
 fectus grauiores: Nil enim magis lætifi-
 cat cor hominis, quam hæc Panacea: Nil
 oculos magis delectat, quam hic Chryso-
 litus, Saphyrus aut Smaragdus: Hic est
 preciosus ille cordialis puluis, in quem
 præter alia, ingrediuntur lapilli nobiles
 subtilissimi & A V R V M Foliatum; voca-
 turque vulgo Edel Herß Puluer: Æschio-
 lus Prometheo Iapet. filio Pyromantiam
 tribuit, Medicinamq; & Pharmacorum
 mixtionem, auriferi, metallorumque o-
 mnium inuentionem: Vnde cum Palla-
 de & Vulcano Aram communem Athe-
 nis Prometheus habuit, cum per ignis
 scientiam multa arcana Naturæ indaga-
 ta sint: Ignis enim quadruplex ad Me-
 dicinam eam perficiendam necessarius
 est, quorum si vnus ignoretur, tota com-
 positio ignea nullius momenti habetur.

CAP. V.

*Quod medicatio cum remediis
specificis seu occulta proprietatibus,
quibus dicti Fratres vtuntur,
facta, sit nature humane
acceptissima & morbo magis
contraria, quam alia.*

QUæ iam dicta sunt, non debent ita intelligi, quasi huius Societatis Medicamenta nou essent naturalia, tam ex vegetabilibus, quam aliis naturis deprompta. sed quod vnum altero sit preciosius & efficacius, idq; ex occulta & magis admirabili, quàm perscrutabili virtute: Idem enim vsu venit in aliis, ex solis vegetabilium speciebus, concinnatis Pharmacis; multo magis itaque in diuersis: Sunt illis Panchresta, Polychresta, Manus Christi & alia magnis titulis insignita & Narcotica & Alexipharmaca, de quibus Galenus aliiq; miras laudes prædicant, in quot & quantis morbis conueniant & præsentaneum

neum leuamen præstent, adduntque non raro hanc cautionem, ne quis illa propinet alicui, antequam bonam mercedem seu præmium acceperit. quasi tum maiores vires haberet, cum maiore precio sit emptum, Græca fide, hoc est præsentibus nummis,

Eodem modo huic laudabili Societati absque dubio variæ classis & gradus sunt Medicamenta, ex quibus vnum Regis, alterum Principis, & sic deinceps, nomen meretur, ob vires maiores vel minores: Sunt & satrapæ satellitesque illis Medicinæ non contemnendæ; Verum, quod obseruatu dignissimum est, nulli ex illis ascribunt, antequam hoc des, sis certus de mercede: Non calceandi sunt bimus & quadragenarius vno calopodio; Huic vncia, illi drachma correspondet de eodem Pharmaco: Callosa rustici vel operarii manus efficacius Emplastrum postulat, quam literati aut Nobilis.

Sunt in personis differentiæ, ad quas Medicum respectum habere oportet in vno eodemq; morbo, vix lure consultum in vna eademq; causa, si Arcopagiticum
iudi-

iudicem agere velit: Vtuntur itaque fratres pro diuersitate personarum diuersis medicinis: Quantum vero ab experientia innotuit, habent selectissima vegetabilia, tempore conuenienti collecta, quæ characterismum suæ proprietatis efficacissime ostendunt impressum, vsu probatissima, nec sola ociosa speculatione inuenta: His vtuntur in morbis, quibus maxime appropriantur: Vbi enim qualitas illa specifica cuiusdam simplicis operari debet, non oportet eam confundere vel obtundere cū innumeris aliis, in hoc vel illo gradu (vt æstimatur) calidis, frigidis, humidis vel siccis, ex primis qualitatibus ad alterandum, ex secundis ad incrassandum vel attenuandum, & sic de reliquis: sed necessum est vt pro suo valore quodque pugnet, suamque vim contra hostem exerat, quod si vero vnum ab alio conturbetur, morbus, velut hostis, grassatur latius, & potius in sede sua stabilitur, quam inde expellatur.

Querere autem quis posset, quid dicatur specifica qualitas? Respondeo, idem quod Medici vocant occultā propri-

prietatem, quia rationabiliter deduci nequeat ex calidis, frigidis, humidis & siccis, qualitatibus primis.

Quid autem Galenicis hæc occulta proprietas proprie sit, ex recentiori quodam, Valeſco de Taranta adducam, qui Philonij ſui libro 7. cap. 12. de Quartana paragrapho, Declaratio in quartana, ſic ſcribit: Secundo quæritur, quomodo locuſta ſuſpenſa ad collum curat quartanam? Dicitur, quod ſi iſta Empirica aliquid operentur, illud faciant à tota proprietate, quæ eſt virtus abſcondita, continens formam ſpecificā illius rei mediante certa alicuius, vel aliquorum corporum ſuper cœleſtium influentia: Sed tunc dubitatur, quæ ſit illa tota proprietas? Iuxta hoc multa dicta dixerunt Authores: Nam Auerrhois in 5. coli. videtur dicere, quod ſit complexio: Alii dicunt, quod ſit forma ſubſtantialis illius compositi: Alii dicunt, quod ſit totum mixtum, ſcilicet forma & ſubſtantia & complexio, quod Auicenna vocavit totam ſubſtantiam in doctrina 2. Fen. 1. Canon. cap. 15. cum dicit, quod res, quæ non eſt ope-

operans à materia, nec qualitate, illa est operans à tota substantia. Nota hic quod intentio Auerrh. vbi supra fuit, quod complexio propria sub ratione, qua declinat ad qualitatem obiecti sub debita proportionem, illud dicitur tota proprietates.

Vt verius & clarius loquamur, dicamus, quod tota substantia vel proprietates, per quam mixtum operatur aliquem effectum, cuius productionis causa, naturaliter loquendo, est ignota, est quædam virtus vel naturalis positio, continens immediate formam substantialem rei acquisitam cum influentia corporum supra-cælestium ad hoc specialem influentiam habentium introductione formæ: Et videtur esse de mente Auicennæ in 2. Fen. 1. doctr. summa prima cap. 15. Et in libello de viribus cord. tract. 1. cap. ult. Vnde Arnoldus in tractat. de causis sterilitatis ait sic: Dicitur autem proprietates propria natura, ad quam acquirendam propria & substantialis forma mixtionis disponitur, sicut accidit cuilibet mixto & hæc natura occultata dicitur, tum ignorata vt plurimum

tum

tum quia via rationis nunquā cognoscitur, sicut cognoscitur dominium cōplexionis qualitatis complexionalis: Et proinde complexio dicitur natura, non quia proprie nominari potest, & via etiā rationis cognoscitur, tota autē proprietas nunquā, nisi per viam experimenti cognoscitur: Et in hoc cognoscit intellectus, quod in aliquibus operationib. Medicinæ præfuit experimentum, quā ratio, quia multastant in experimento, quæ nunquam fuerunt nec de præsentistant in ratione. Secundo cognoscit intellectus, quod non omne experimentum potest vallari ratione, nec confirmari: Ista autem proprietas potest sic describi: Proprietas est quædam virtus vel naturalis positio cōtinens immediate & inseparabiliter formā substantialem rei adductam super ipsam subdeterminata proportioneadiuuante cœlesti influenza.

Ex supra dictis patet, quod tota proprietas non est complexio; patet, quia si sic, illa quæ haberent eandem proprietatem; haberent eandem vel similem complexionem: Consequens est fallum, quia
rha-

rhabarbarū & tamarindi à tota proprietate attrahunt choleram, & tamen non sunt eiuldem complexionis. Huc utique Valefcus.

Ex quibus constat experimento potius cognofci rerum medicinalium proprietates, quam regula à ratione præfcripta, quæ nec vnus fimplicis vel minimi natura vera indagari poteft, vt patet in vna Roſa, quæ odorata eſt & rubea, non reſpectu qualitatis frigidæ & ſiccæ, ſed virtutis alterius propriæ roſæ inditæ: Vnde colores & odoratæ qualitates ex primis deduci nequeunt, quæ ſunt ſenſiles primo contactu, imo nec guſtabiles, nec palpabiles, vel audibiles, & per confequens nullæ, cum ſpecificæ, vt dictum, longe aliunde proueniant.

Quomodo igitur primæ qualitates ſunt obſeruatæ? Non per ſe, ſed per ſenſum aliquem indicem, à quo ratio hoc deduxit, quod non eſt: Vbi dicendum, quod ratio in iudicio de Roſæ qualitatibus primis nihil iudicare vel diſcernere poſſit, an ſit calida, an frigida, an humida, an ſicca, niſi ex ſenſili qualitate, ita quod
vel

vel iudicet ex colore, vel odore, vel gustu, vel tactu: Sed hæ regulæ sunt incertæ, & plures habent exceptiones, quam exempla directa: Quis enim vere dicere possit? Frigida non sunt odorata; omnia calida sunt odorata, vel vice versa, omnia odorata esse calida, & omnia non odorata esse frigida, aut alba esse frigida vel calida, rubra calidiora albis, vel e contra: amara esse calida, aut narcotica frigida; & sic de aliis: Opium enim, Spiritus vini, Rosa, & his similia, omnia ea refutant; ita ut tanta incertitudo inducatur qualitatibus cuiusque simplicis; quo melius sit soli experientiæ insistere & proprietates rerum scrutari, nec ex incertis primis qualitatibus secundas, ex his tertias colligere; aut sensu rationem vincere velle, ratione experientiam, quod inane est & caret efficacia, nisi quo ad contrarium, in morbis curandis, hoc est, in natura confusis qualitatibus & mixtionibus perturbanda & magis infirmenda.

Hoc cum Ægyptiis antiquis innotuerit, solam amplexi sunt Medicinam, quæ ab experimento suæ veritatis & probatio-

D his

nis testimonium secum portaret, nō eam, quam Phantasia vel ratiocinatiua (quæ destituta sensitiuis medijs nunquam non fallitur) excogitasset vel talem, qualis nō est, præsupposuisset: Ideoque ægros suos in triuijs vel ante ædes, vbi populus frequens transiret, collocarunt, vt à prætereuntibus, qui simili morbo forte laborassent, remedium specificum, quo ipsi curati essent, acciperent: Vnde adhuc videmus non raro contingere, vt vetula aliqua vel Empyricus specifico Remedio instructus in certis morbis plus præstet, quam medicorum longæ cateruæ.

Vbi & hoc inconueniens intercurrit, vt quamplurimi ægri, magis medicorum sibi inuicem aduersantium odijs & rixis offendantur, quam Pharmacis mixtis iuentur: Ratio enim vel potius phantasia diuersos in diuersa rapit, ne vnquam videantur consentire inter se, aut alii alijs cedere in ægri salutem aut morbi propulsationem.

Ex quibus hoc non deduci debet, quasi statuam, nulla ratione vtēdum esse in adhibendis medicamētis, at sola nitendum

dum experientia, sed hoc saltem, Medicinam siue artem medicandi rationalem seu dogmaticam, esse omnibus suis partibus cōcinnam, si hæ debite intelligantur, sed soli rationi nō fidendum in inueniendis & præscribendis Medicamentis secundum primas qualitates: Imo quæ experientia longa probauit, etiã si ratio causas extundere nequeat propter ignorantiam rerum abstrusarum & latentium aut mentis & discursus imbecillitatē, pro remediis sola vsurpanda esse, ac cum ratione & methodo adhibenda, quod nullus ex dogmaticis, nisi peruersi sit ingenii, ac nullius iudicii, negare poterit, cum ab omnibus practicis inculcetur.

Nec vero scio, an ille sit bonus dogmaticus & rationalis medicus habendus, qui habeat longas illas tabulas omnium simplicium fere in procinctu, qualitatis calidæ primi gradus, secundi, tertii & quarti, ita quoque frigiditatis, humiditatis & siccitatis, & sic de secundis & tertiis qualitatibus dicendum, atq; si ad ægrum veniat, hinc tanquam ex equo Troiano omnem suam militiam seu armaturam de-

D 2 pro-

promat, cum interim ignoret veras & proprias qualitates eorundem simplicium, quibus morbos oppugnet, an vero alter, qui eadem noscat, sed non vsurpet, nisi cum experimenti ratio ea approbet, seligat ex omni numero pauca, probata, infallibilia, misceat cū iudicio, non vt videantur multa, sed apta, & effectus sequens Rationem præuiam non eludat, qui occultas proprietates seu específicas virtutes cuiusq; simplicis habeat cognitatas, & in quoque morbo delectum eius modi Triariorum Remediorum instituat, quibus magis fidendum, quam tu multuariæ congeriei innumerorum? Habemus enim nunc Oceanum medicamentorum, vt magis cogitandum sit medico de delectu, quam congestu: Nam copia sola remediorum non vincit morbum, vt nec militum hostem, sed qualitas efficax, ordo & modus iis vtendi, rei & naturæ conueniens, dexteritas & felicitas medici in tempore & loco singula adhibentis, etiam si sint numero pauciora.

Ex historiis Leonidæ, Spartanorum regis animositas & peritia inclaruit, quæ
man

manu quadringentorum fortissimorum
Lacedæmoniorum angustas fauces, Ter-
mopylas dictas, per quas Xerxes Persa-
rum Imperator cum exercitu centum &
septuaginta myriadum, hoc est, 1700000
hominum transiturus erat, occupauit &
præclusit, adeo ut magnam stragem bar-
barorum fecerit: Laconum vnus forte
mille Persis restitit, & vel decem interfe-
cit: Tanta fuit virtus in triariis, quorum
vni cum Persa quidam diceret gloriabun-
dus: Hodie solem præ nostrarum sagit-
tarum multitudine nō videbitis, respon-
dit ille, ergo in vmbra pugnabimus: He-
rodotus lib. 7. de Leonida, veluti altero
Leone, leonum duce scribit, quod exhor-
tatus suos ad manum conferendam cum
barbaris, dixerit, estote forti animo, ho-
die fortassis apud Inferos cœnabimus,
qui in ea pugna cum Mardonio Persici
exercitus duce commissa cecidit. Victus
deinde Xerxes à Themistocle, Neoclis
filio, Atheniensium duce, qui vix qua-
tuor hominum millia secum ducebat, ad
Salaminem, Eubææ insulam, natali præ-
lio, seapha euasit.

D 3

Vnde

Vnde & his similibus exemplis apparet in bello copiã confusam & imbellem cedere paucitati selectorum militum: Quidni quoque in Medicinali militia, in qua contra hostem tergeminiũ morbum, causam & symptoma, pugnãdum est, potius veteranis, quam tyronibus, cordatis quam timidis, cataphrãctis, quã levis armaturæ, fidẽdum sit? Iustæ magnitudinis exercitum quidam centum millia excedere non debere asserunt, propter multa incommoda, quæ maioribus exercitibus contingere possunt, inter quæ confusio immẽsæ multitudinis præcipua est: Constare n. oportet magnos exercitus ex pluitibus nationib. gentibus, linguis, religionibus, ducibus, quæ omnia confusioni ansam præbent, & hæc interitui vel damno. Ita & iudicãdum de medicis auxiliis, quæ si numero excedant, potius inter se bella ciuilia & intestina, quam aduersus hostiles morbos, suscipiunt & gerunt: Fit n. in iis tã variis confusio proprietatũ specificarũ & vnus impeditio ab alia, cum tamẽ ea sola sit virtus, quæ naturæ amica, morbo inimica resistat, & de hoc illi victoriam polliceatur.

CAP.

CAP. VI.

Quod, licet alii medici sua mercede dignissimi sint, tamen Fratres singulis medeantur gratis, non estimantes valorem auri.

IN diuersis historiarum monumentis legimus de medicis celebrioribus à magnatibus, Regibus aut Principibus nō solum in magno precio habitis, sed quoque pro curatione certi alicuius morbi aut pro salario annuo, ingenti pecuniæ summa donatis, vel ad summos honores euectis: Erasistratus medicus primus cognouit morbum Antiochi ob amorem Stratonices noueræ, quo sanato rege, centum talentis à filio eius Ptolomæo donatus est, cuius meminit Gelius lib. 16. Democides Polycratem Samiorum tyrannum curauit talentis duobus: Idem à Dario (quem sanitati restituerat) duobus aureorum compedum partibus & ab vxoribus ipsius Darii aureis
D 4 phia-

phialis ornatus est, authore Herodoto in Thalia; Vt Iacobum Cocterium Gallum Ludouici II. medicum, qui supra quinquaginta millia aureorum pro annuo stipendio habuit, & Thadeum Florentinum, qui 50. aureorum mercede in singulos dies peregrinatus est ad curandos ægros, & alios forte magis ob auaritiam reprehendendos, quam largitores eorum extollendos, præteream.

Quibus artis præmiis discipuli permulti inescati ad eam discendam se contulerunt, suoque ingenio & labore excoluerunt, magis ducti honorifica mercede & lucro, quam aliis causis: Et si rem, ut est, consideremus, vitam hanc mutuis officiis distinctam Medicorum ope carere non posse, ut nec victu & amictu quemuis ex mortalibus, animaduertemus: Vnde medicos esse & lucrari aliquid ob impensam ægris operam, omnino necessarium est: Nemo enim gratis alteri seruire in re medica, ut nec apud Iurisperitos, tenetur: Exceptis pauperibus, Notarius non cogitur, sicut & nemo alias, propriis stipendiis militare, (*c. cum ex offic. de præsc. l. sed si quis*

quis ex signatoribus. 7. ff. quemadmodum testam. aper. l. si seruus. 61. §. quod vero. 5. ff. de furib. l. 2. §. queritur. 3. ff. de cura. bon. dand.)

Nam aridum & rigorosum nimis esset, si quis cogeretur de suo beneficium facere, (argu. c. charitatem. 12. q. 2.) Menecrates Syraculanus medicus gratis quidem medicinam fecit ægrotis, at ab illis pro loue liberatore haberi & vocitari voluit stulto potius, quam laudabili conatu; Dum enim auaritiæ Scyllam fugit, incidit in superbiæ Charybdin.

Verum tale quid hi fratres neutiquam affectant, cum ne quidem agnosci desiderent, tantum abest, quod gloriolæ insignia appetant; Curant gratis omnes absque discrimine, visitant ægros, solantur afflictos, subleuant pauperes: Ipsi enim labor præmium & impensa lucrum est, cum eorum aceruus nō diminuatur mure, formica aut gurgulione, & fonticulus non exiccet a Draconibus, feris aut pecudibus: Cælius tradit lib. 10. cap. 10. Philonem medicum, cum medicamēta quædam ad medendi vsum exquisitissima cōginasset, & Regias nōnullas Alexiphar-

D 5 ma-

macas potestates confecisset, vocasse eas
DEORVM MANVS, velut diuinas & salu-
tares: sed illæ titulū, ceu hederam suspen-
sam, ostentarunt, vt legentiū oculos illi-
cerent, audientium aures excitarent, quo
aurū curiosorum vel ægrotorū venaren-
tur facilius, cum forte vix humana auxilia
præstare possent, in fronte pulchellæ, in-
tus fæcibus repletæ vel in recessu cloacæ.
Fratrum vero Medicinæ etsi sint omniū
efficacissimæ, Silenos Alcibiadis imitan-
tur, h. e. in non tanto, quo deberent, pre-
cio ab aliis habetur, cum forte puluisculi
inbelli cinabaris vel abiectionis ordinis
iudicetur, sed plus re ipsa præstant, quam
promittunt. Possident Phalaïam & Asam
Basilii, & Nepenthes luctifugum Homeri
& Hermetis Trismegisti, Apyron (vn-
guentum ex auro) Plin. lib. 21. Demopho-
ontem Thesei Alexicaci filium more ex-
primunt, qui in vmbra calebat, in æstu ri-
gebat, nec non Iouis Hammonii fontem,
qui noctu feruebat, meridie frigebat, in
ortu & occasu tepebat, dum lucrum re-
spuunt, quo cæteri alliciuntur medici, ho-
norem negligunt, quo multi efferuntur,
famam

famam & notitiam sui nominis, (qua ille quoq; laborat in scius, Tullio teste, qui de contemnenda gloria libros scribit, siquidem & nomē suum in vestibulo eorū ponat) auersantur, seq; Sigalioni vel Harpocrati, h. e. tuto silentio, consecrant: An nō hoc est nouū & inauditum genus hominum, q; neminem lædat, pro sit omnibus, vnicuiq; suū reddens: Hi non sunt ex illis, qui solē orientem adorant, h. e. qui odore lucri capiantur, vt stent ac loquantur taceant ve ad nutum aliorum potentium vel diuitū: De Dianę simulachro tradunt ita arte dolove gubernato, vt munera adferentibus aduenis lætā exhibeat faciem, sine iis austeram, tristem & minacem: Ita est mundus, vel sic regitur ab hominibus, iuxta Pentametrum:

Si nihil attuleris, ibis Homere foras: Et,

Aurea nunc ætas, auro venalia cum sint

Omnia:

Auro humana cuncta gubernantur, cōseruantur, possidentur, confirmantur, corrumpuntur & delentur: Huius humi vel mundi parū aut nihil apud illos est, quibus summa aliis, sunt infima, vel par erga quæ
ma-

maximis ingeniis sunt intricatissima negotia: Phocylidis hæc sunt oracula vero veraciora:

Χρυσὸς αἰὶ δόλ' ἐστὶ καὶ ἄργυρος ἀνθρώποις,
Χρυσὸς κακῶν ἀρχὴ καὶ βιοφθόρος, πάντ' ἐκαλίπλεον.

hoc est:

*Aurum semper fraus est & argentum hominibus.
O aurum malorum dux, vitæ labes, omnia euertens.*

Et quæ sequuntur:

*Vtinam tu mortalibus non esses malum desiderabile:
Tui enim gratia pugna & præda & cedes:
Inferensque liberi parentibus, fratresq; consanguineis.*

Apud hosce rerum naturalium indagatio præfertur auro: quod nisi fieret, precio se conduci, vt alii, sinerent & nihil haberent auro carius aut preciosius: Salomonis sapientissimi Regis ætatem, siue etiam Saturni aureum seculum æmulantur, quorum ille sua sapientia effecit, vt tantum esset auri Hierosolymis, quantum regularum in tectis, tantumque argenti, quantum stercoris in plateis viseretur, vt binis locis in Bibliis inuenitur scriptum, alter vero auri vsum neglexit, vtpote mortalibus tum incognitum, singulis paucissimis & simplicissimis Naturæ bonis

bonis contentis sub patrisfamilias moderatione, nulla lite, emulatione, luxuria, pompa, superbia in mundo existente, multo minus bello & armorum usu.

CAP. VII.

Abusus quidam taxantur in medicina, primo quod longa Recepta prescribantur communiter, non tam in agri commodum & morbi necessitatem, quam Pharmacopaei lucrum & Medici ostentationem, ne hic Empyricus videatur, cum satius sit paucis & probatis uti simplicibus.

Quanta hoc quo vitiorum seges increbuerit ex vnica habendi auri radice nata & per omnes terras instar luxuriosi graminis propagata, quotidie animaduerti-

uertimus : Et hæc non solum Politias & ciuitates oppressit, virtutemq; in femine suffocauit, ne vnquam folia, flores aut fructus proferat, sed quoq; artes liberaliores & scientias contaminauit, adeo vt fere seruales ex iis fecerit.

Consideremus saltem sacrosanctam Medicinam, relictis cæteris, & inueniemus eam, veluti fontem sua origine clarissimum, quo longius deriuetur, musco & illuue immunda infici, hoc est, multis abusibus dedecorari. Naturam paucis contentam esse iam diximus, idq; intelligendum tam in ægritudine de remediis, quã in sanitate de esculentis :

Cæna de dubia quod surgat pallidus omnis

Cernimus,

iuxta Poetæ mentem, & quo cibi sint simpliciores quod eo sint salubriores: Nõ enim vis concoctrix ventriculi & epatis varii generis assumpta alimenta tam bene aut cito in succum & sanguinem, hoc est Chylum & Chymũ corpori nutriendo aptum conuertere & vnire potest, quã vnus & simplicis essentia: Ita & iudicandum est de Remediis diuersis, quod in mor-

morbis curandis magnam diuersitatem inuehant: Non tantum enim in affectu contra naturā oppugnando sunt minus apta, utpote minus inter se vnita & cōcordia, sed quoq; in natura propugnanda & conseruanda, quam si forent simpliciora. Scimus equidem causam compositionis medicamentorum esse pernecessariam, & non posse omnes medici intentiones, q̄ requirūtur, vno simplici remedio obtineri, ideoq; duo tria aut quatuor componi debere, ut cōpositum ex pluribus simplicibus id efficiat, q̄ simplex per se non potuit, neq; contra id quicquā dicturi sumus, at immodicam illam congestionem calidorū vel frigidorum, primi, secundi, tertii vel quarti gradus, deinde secundarū & tertiarū qualitātū, inq; singulis herbas, radices, semina, flores, fructus, cortices, ut ta excrelcat Recepta (ut vocant) sæpe in viginti, triginta aut plures simplicium numeros: Hoc esse artis omnino putatur, & Pharmacopœis ut plurimum extollitur eluti dogmaticum, rationale & doctissimi medici opus.

Econtra si quis conscientię tenacior auca, sed selecta & probata præscribat

(veluti olim laudabilis ille trium Cæsarium medicus Iohannes Crato) hunc indoctum esse oportet & fere Empyricum; licet multis doctrinæ patalogis antecedit illos congestores & omnium herbarum earumque partium messorēs, tam rationis quam experientiæ expertes.

Illud scilicet est, quod hoc capite censoria dignamur & obelisco notamus; Pharmacopœæ oderunt breues illas delineationes medicorum, nō iniuriā, quia ipsis sunt minus lucrosæ, at cubiti longitudinem æquantes exosculantur & amplectuntur contrariam ob causam: Medici plerique has præferunt illis, quia honorificæ sint sibi de doctrina & experientia sua testimonium reddentes, imo & de diligentia, quod ægri salutem tot armigeris reuocare & postliminio reducere; morbum vero oppugnare præsumat; Non uerunt quoque eas Receptarum formulas Pharmacopœo pergratas esse.

Verum abusus in his omnibus delictoscit, & quod in commodum ægri directum simulatur, in eius detrimentum cecidit: Hic enim exhauritur bonis absque causa

causa dicitur alius, morbus protrahitur
 et discordibus remediis, natura proster-
 nitur: Scelus est, inquit Damascenus,
 compositis uti medicamentis, ubi simpli-
 cia suffecerint: Frustra fit per plura, quod
 fieri potest per pauciora, commune est
 Axioma: Cur igitur hi ab hoc scelere non
 abstinent, cur hoc axioma non sequun-
 tur? Ipsi sciunt, quod multitudo nimia
 confusionem pariat, praesertim in naturae
 simplicibus, quorum proprietates omni-
 no non sunt cognitae.

Exemplum videmus in comitiis ma-
 gni alicuius regni, ad quae si multi con-
 ueniant, & singuli suam sententiam orete-
 nus exponant, fiet distractio negotii in
 tot fere opiniones, quot sunt capita, nec
 inquam concordia expectanda est ante-
 quam ad pauciores rerum summa con-
 trahatur, iisque arbitrium multorum com-
 mittatur: Hi vero pauci selecti sunt Prin-
 cipes vel magnates pro caeteris minutio-
 ribus ad consilium vocandi: Eandem dis-
 cordiam & confusionem in multis sim-
 plicibus animaduertimus, habent enim
 singula, quasi suas voces, hoc est qualita-

E tcs

tes agentes, quæ si congerantur, in tot diuersitates, quot sunt illa numero, scindentur & discrepabunt.

Oportet itaq; eligete ex multis pauca, ex bonis optima, quæ pro illis morbo resistent & naturæ adsistant: Quod si fiat, medicus non ex numero seu quantitate discreta præscriptorum, sed qualitate doctus habebitur, Pharmacopola satis lucrificiet, & æger minus sumptuum, morbus magis oppugnabitur & natura defendetur.

Non enim omne quod magnum est mole, semper est melius minore, vt patet in homine & auro: Bruta, vt boues, equi cerui magna habent capita, homo minus, at plus cerebri & sapientiæ, quam illa: Exiguum est magnitudine aurum & longe minus cæteris metallis, quæ tamen in pondere duplo vincit, in virtute, pulchritudine precio & caritate longe exsuperat: De Tydeo dicitur, quod paruus fuerit corpore, sed animo longe maior: Idem de paucioribus simplicibus, sed efficacioribus statuendum est.

Sunt qui dicant ex compositione quorun-

rundam simplicium, quæ sua natura & per se singula sunt innocua, fieri posse venena, vt de ficibus, alteri fructui seu semini, iis quo ad gustum valde simili, & noto, mihi à fide digna persona relatum est, producta intoxicatione fortuita aliquius magnatis; Quod si ita est, non semper tutum erit congerere Indiam, Arabiam, vel Americam cum Germania; Vix enim illæ gentes inter se conuenient, an simplicia seu vegetabilia, in dubio est. Sol & cœlum alias illis locis, populis & plantis impressiones fecerunt, quam nostratibus: Imo in vna Germania, ac forte in vno eodemq; campo vel orto crescere possunt ea, quæ singula per se bona, coniuncta vero mala & venenosa sint: Habemus exempla in mineralibus notis, sal cōmune innocuum est, ita & argentum viuum commune non est venenum, at si hæc duo sæpius cōiuncta à se inuicem sublimētur, fit inde mixtura venenosissima, nempe Mercurius sublimatus, deterrimū venenū: In quo, ne quis venenositate argento viuo ascribat, hoc delitescit nihil mutatū in sua natura, cū inde

E 2 iterum

iterum educi possit, currens & viuum, vt antea: Ita Spiritus vitrioli intra corpus sumitur innocue cum liquore alio mixtus, nec non aqua salis petrae, sed ex his duobus simul iunctis & destillatis, fit aqua illa fortis, corrodens metalla omnia, praeter aurum, venenosissima, nec vnquam sumenda intra corpus, si illi sal armoniacum, quod similiter innocuum est per se, addatur, aqua fiet fortior & Regia, quae aurum quoque aggrediatur & in aqueam tenuitatem reducat, natura tamen illius incorrupta & illaesa.

Verum obiicient alii nobis Theriacam, Mithridatium, compositionem Hammech, & his similes, in quibus omnia simplicia etiam in magno numero, ita sunt congesta & per fermentationem digesta, vt in saluberrima Medicamenta euaserint, quae sesquimille fere annos in usu extiterint & multis myriadibus hominum opem attulerint.

Respondeo, hoc inficias nonimus, imo easdem compositiones longo usu probatas amplectimur cum omnibus dogmaticis medicis, & sexcentas alias, modo sint ab ex-

ab experientia pro classicis & authenticis, receptæ, qui enim eas primitus confecerunt, non tam rationem seu qualitates calidas & frigidas respexerunt, quam experientiam & proprietates naturæ específicas, quibus vel veneno resistunt, vel febrem corporis impuram educunt, veluti in Theriaca est viperina caro, in antidoto Saxonica vicia lupina & multa alia eiusdem virtutis & intentionis: Noster autem sermo ad ea non extenditur, at saltem ad extemporaneas iuxta frigidum aut calidum congeries, quæ à nonnullis affectantur & ostentantur.

Nouimus aliquando medicum, qui gloriabatur, se ne vnicum habere experimentum in morbis usurpandum præ aliis; sed communi methodo insistere, hoc est, iuxta qualitates primas, secundas & tertias omnia præscribere, quam iactantiam potius ignorantiae sciendorum, quam scientiæ scitorum annumeramus & magis præposteræ voluntati, nihil amplius addiscendi, nisi quod in genere traditum sit, quam solertiæ animi, qua ad specialia inuestiganda accedendum, imputamus.

Longe equidē facilius est regulas vniuersales ab aliis accipere, & iuxta generalia præcepta iudicare de specialibus, quam singulorū specierum lustrationem & delectum instituere per experimēta & effecta, sed illud longe incertius & veritati rerum incōuenientius, quā hoc agnoscitur: Causa hæc est, quia omne simplex seu vegetabiliū species singulares habeat proprietates, dotes & qualitates, quibus vnū ab alio differt, imo nō raro contrarias, q̄ nō solum verum est in diuersis, sed in vno eodēq; simplice, vt patet in Rhabarbaro, quod qualitatibus primis caliditate & siccitate, bilem in humano corpore augeat, epatis calorē intendit ratione vero qualitatis specificæ, minuit eundem & cholera ex eo educit & expurgat, in Periclymeno, q̄ dicitur contrarias obtinere qualitates, calidum enim est & frigidū, vt taceamus opium, acetum & innumera alia diuersarum qualitatū simplicia, q̄ in secundis & tertiis qualitatibus sibi aduersantes operationes in humano corpore præstant, coagulum leporis sanguinē incrassatum extenuat, nimis tenuē incrassat, ita vitriolū penetrat & astringit, plumbū exterius

admotum discurrit & repellit, argentū viuum ponderosissimū quoq; igne in superiora cogitur & densissimū in penetratissimum corpus redigitur, post rediens ad pristinā naturā: Totum hoc mundi Theatrum his exemplis abundat, nec vlla est natura tā vilis, q̄ non peculiare quid reconditum habeat, tanq̄ signaculū suæ speciei proprium & characterē suæ virtutis: quem si quis nō cognoscat, potiorē simplicis alicuius potentiā ignorat, putamina, nō medullas rerum in precio habens & vestē seu materiam, nō fartum vestiū, vt Comicus inquit, h. e. formam amans: Ne itaq; error contingat inemendabilis & periculū fiat in humano corpore, tanquā in Care, cautionem hanc adhibere est operæ precium, vt nimirū pauca probata simplicia vsurpentur præ multis ex tabulis generalibus depromptis: Nec vero admittendū id vitii, quod à male moratis filiis aliquando effectu declaratur, dum potentia, honore vel diuitiis elati humiliores parentes agnoscere dedignantur: Estne Empyria seu experientia vna & vera mater Medicinæ & Remediorum vsurpandorum

E 4 dorum

71 DE LEGIBVS

dorum? Imo; Cur igitur illam excludere
vellemus & soli rationales, si diis placet,
audire, tanquam experientia non indi-
gentes: Solet quidem experientia dici
stultorum magistra & ratio sapientum
Domina, sed diuerso respectu: Qui enim
à ratione se duci & regi non vult, vt expe-
rientiam cum damno cōiunctam admit-
tat, necessarium est in communi vita: Ni-
hilominus multæ & variæ experientiæ ra-
tionem excoluerunt, & perfecerunt, siue
in actum duxerunt, cum sine illis hæc
bruta & inexculta omnino sit
nec actu existat.



CAP.

CAP. VIII.

Secundo, quod Medicamenta magnifici tituli ab aliis fiant ex opinione hominum preciosis, cum alias vilioribus & vernaculis curari iidem morbi possint, sed non ita gratis.

PRæter iam dictum abusum & alius inoleuit, tantundem damni agro, lucri medico conferens, sub alio tamen titulo: Illi numero & quantitate remedium congestorum, hi qualitate & preciositate peccantes de aliorum pelle & loculo ludunt: Animaduertunt enim, quæ rara aut in æstimatione sunt, esse omnibus acceptiora aliis in copia existentibus & vilioribus, non quidem propter horum doctes aut qualitates minores, illorum maiores, sed quia ita consuetudo & opinio hominum postulat.

Vnde Galenus non sine ratione occul-

E 5 tauit

tauit aureum suum Emplastrum dictum
in Angina feliciter vsurpatum, quo cer-
tum coronatos lucratus est, plures lucra-
turus, si aperuisset, cū esset omnium rer
vilissimū, nempe Cyprii bouis pabulum
Nam multa per se optima & vtilissima pe-
solam diuulgationē vilescunt, siue quo
vulgus sua fece omnia contaminet, siue
quod imaginatio vsurpantium ea, quæ al-
te bona fuit, in contrarium vergat & ope-
rationem illorum magis impediat, quam
promoueat: Etsi enim aliorum opinio i-
me nihil agat tamē mea ipsius opinio m-
gnos in me motus causari potest, quæ re-
media vel adiuvet, vel retardet in effe-
debito præstando.

Exemplum patet in omnibus fere mo-
bis & præcipue in Melancholia Hype-
chondriaca, cruce Medicorum vocata
quæ rarissime curatur à medicis etiā valde
ideo sollicitatis & sollicitis, cuius frustra-
tæ curæ causa est, præcipua ægroti im-
ginatio in desperando, quasi curari non
queat: Tristitia enim & cura vel despo-
ratio sanguinem alterat, cor comedi-
spiritus obtenebrat & inhabiles ad sus-
fur

functiones efficit: Tollatur itaque in illis præpostera imaginatio cum tristitia iuncta & desperatione, nec impossibilis erit curatio tanti mali.

Hinc quidam sagaces & ad odorem lucri captandum prompti, ut simul magnâ de se suisq; rebus & auxiliis spem & estimationem in aliorum mente, veluti aculeos, excitent & se qualicunq; medio tollant & ditent, preciosissima Medicamenta concinnare student aut præ se ferunt, ex AVRO, argento, gëmis, perlis, Bezoar, ambra grysea, musco, Zibeto & hic similibus, iisq; magna nomina, instar Polypyr-gonicis, induunt, iactantes hæc esse Balsamū vitæ, Mercurium vitæ, Elixir, Sperma & Restauratiuū vitæ, aurum vel argentum potabile, axungiam, butyrum vel oleum solis, & quis enarraret omnes eorum titularū phaleras & illecebras, ad alliciendum ignaros excogitatas? In qua sentētia pleriq; non falluntur; Balsamum n. vitæ suæ & restauratiuum intelligunt, axungiā vero & butyrum solis alieni, hoc est, auri, quod quoq; potabile facere se posse, non mentiuntur.

De.

Demus eos tantorum remediorum
authores & ebuccinatores ex illis rebus
admodum preciosis posse quid medica-
menti utilis efficere: Sed dabunt hoc illi
vicissim, ex aliis rebus minus caris, non
minus utilia Remedia fieri posse, licet
non adeo accepta, quam ista.

Adhæc dubitamus illos sincere agere
& non salem pro auro vendere, vel venci-
num vitæ pro balsamō; Scimus quosdam
Mercurio illo vitæ periclitatos, eiusque
authoribus dicam dictam, ut alii sint cau-
tiores, ne opium pro apio ministrent æ-
gris, nec faciant experimenta per alio-
rum mortes.

Deinde hæc putamus morbis omni-
bus & singulis non ita conuenire, quam
alia iis appropriata, licet ad corroboran-
dum forte conducant.

Quæ si ita sunt, abusus est pessimus, iis
uti medicamentis, quæ ægro sunt magis
sumptuosa, minus utilia, & nescio quid
fæcis vel corrosione habentia, & negli-
gere & alto supercilio despicere illa, quæ
plus virium, minus precii aut sumptus
pollicentur, diuq; in usu extiterunt, quo-
rum

rum pericula superiora secula tulerunt,
& inuenta bona non repudiarunt, sed no-
bis quasi per manus tradita reliquerunt
pro probatis & expertis.

De primo, si quis dubitet, videbimus,
nimirum ex vernaculis & domi natis sim-
plicibus posse æque vtilia Remedia con-
fici, quam ex exoticis ex India magnis ex-
pensis allatis, vel preciosis, auro & eiuf-
modialiis.

Est sane hæc quæstio à multis & ma-
gnis viris exagitata sæpe & demonstrata,
ne nos opus habeamus latius in eam ex-
currere & operam terere: Aromata In-
dica & Arabica neutiquam ab usu homi-
num in alimentis & medicamentis exclu-
dimus, sed in suo valore & precio relin-
quimus, nec alia exotica & præstantissi-
ma Dei dona: Tantum enim non conclu-
dimus, sed nec nobis denegata esse ad
morborum curationem apta & efficacia
simplicia & Remedia, asserimus: Utamur
illis & his in loco & tempore, non omni-
bus, sed passim: Preciosiora ex metallis
nobilioribus, gemmis & aliis rebus caris-
simis facta medicamenta, si bene sint præ-
parata

parata & absque fūco aut noxa, sint pro magnis, qui non nisi magnis curari velint, pro diuitibus & Midis, qui aurum edere & bibere gestiant, sperentq; ex eo sanitatem obtinere, veluti omnia alia terrena: Nec vero negamus vires auri medicinales, quas efficacissimas nouimus & alibi demonstrauius, sed carpimus abusum multorum, qui aurum potabile fictitium, à se factum, pro vero docent suos discipulos, auro, aut pro eodem propinant aliis non sint imposturæ nota, qui ex gemmis, vt quoq; ex auro, varia fercula butyracea, oleosa, lacticia & his similia, & acetaria, cum nec acetum, nec sal auri illis desit, si opus fuerit, facere sciunt, si modo illis credulissimus: At coquere & recoquere illos aurum, nullam autem inde Medicinam veram & proficua facere posse, pro certo cognouimus: Menstrua sua dāt pro auro soluto, spirituali facto, eaq; vix absque vi corrosiua, à qua cuique cauendum erit: Imitantur malos coquos, qui si pisces ex aqua, in qua coxerunt, amiserint raptu aliorum, nudum ius apponunt esurientibus, in quo nil spei aut rei insit, nil virium

ad

ad nutritionem sufficientium: Ita illi
 eum decoxerunt aurum salibus, vstula-
 tionibus & aliis modis, eius cortices amif-
 so nucleo, nidos volucris vacuos, vendunt
 magno precio pro auro potabili, spiritua-
 li, (quia inuisibile) facto, butyro, oleo, sul-
 phure, & aliis aureis mercib. Potest fieri,
 quod posuerint aurum in vas, macera-
 rint, per aquas & ignes, ad suum captum
 & libitum, at quot tales inde medicinas,
 quales iactant, effecerint, fieri nequit:
 Quod factum est, ita vocare possunt, ne-
 mine reclamante, sed quaestio est, an
 id sit eo nomine non indignum: Multi
 sunt Alexandri, multi Iulii, at vnus sal-
 tem Magnus rebus gestis dicendus, & v-
 nus Cæsar à casu matris, inuentus est: Cæ-
 teri illis sunt nomine, non omine. simi-
 les: Sed de his alias. Si quis iam exami-
 nare vellet efficacia Remedia nostratia,
 licet viliora, latissimum excursionis cam-
 pus reperiret: At nos iam dictis conten-
 tos breuitati studere oportet & illa alteri
 loco & tempori discutienda relinquere.


Pro secundo, magna lis sub iudice re-
 lieta est, an sincere & candide in suis
 com.

compositionibus vel operationibus egerint, nec quid pro substituerint: Humana enim imbecillitas posita inter iustitiam & utilitatem, facilius ad hanc, quam illam declinat, nullo arbitro præsente: Honestum non raro est cum rigore, utile cum iucundo iunctum, quæ duo si in bilancem Critolai ponantur illud præponderabit huic, si in vulgi, hoc illi: Consideremus, ex mercatoribus quam plurimos fere omnes merces adulterandi modos scire, & si qui sint earum defectus aut vitia palliandi, in quibus duobus magna pars eorum disciplinæ consistit, quod tamen de omnibus intelligi nolim: Vnde Thebani nullos ex illis ad magistratus iustitiæ gerendos euehebant, nisi per decennium à mercatura abstinuissent, hac ratione, quod tanto tempore habitum imponendi, ante sibi comparatum, deposuissent, & iniuste agere didicissent: An non illis hi similes, qui medicamenta ægris vendunt, siue sint Pharmacopæi, siue medici, si abuti sua professione velint? Præsumptio est contra eos, non probatio, quæ de indiuiduis clarior reddenda
& de-

& demonstranda esset vberius, hic de specie non item: Tertium erat, quod specifica Remedia ex vegetabilibus & vilioribus facta magis contrariari morbo contingat, quam illa preciosa: Cuius causa haud dubia occurrit ideo, quia quæ ex delectu proprietatum fiunt, magis certa sunt & efficaciora, quam quæ casu: Si quis ad varia opera mechanica perfectissime efficienda, vnum Hippiam nobilissimum, qui omniscius videri voluit, adhiberet, effectu suo frustraretur, at si singulos peritos in iis artifices, etiamsi sint de vulgo, eodem frueretur: Quod enim quisque didicit & exercuit, in eo excellere potest, non alius, qui vix eam rem audiuit aut vidit: Ita si quis morbos diuersos curare & propulsare velit, faciet id certius & foelicius Remediis appropriatis ad singulos, licet sint non magni valoris vel precii, quam preciosis, caris, non appropriatis, cuiuscunque sint nominis: Non vnus homo, etiamsi sit Centimanus ille Briareus, magnum exercitum, variasque phalanges superare potest hoc æuo, sed exercitissimi milites, longo vsu animati, iu-

F sta ma-

ita manu id præstare possunt, præsertim
si cum singulis singulatim, vt cum mor-
bis, dimicandum sit: Sic nec vnum re-
medium multas ægritudines tam exa-
cte vincere potest in genere, quam mul-
ta & probatissima in specie. De homi-
ne dicitur, Pluribus intentus non curat
singula sensus: Et Polypragmones sæpe
propriæ sunt immemores professionis,
in alienis Lyncei, in suis talpæ: Idem de
Polychrestis medicamentis intelli-
gendum, ne in his lon-
gius moremur.



CAP.

CAP. IX.

*Quod multi medicorum abhor-
reant ab omnibus Chymicis,
non pauci à vegetabilium clas-
se petitis & Galenicis Reme-
diis, quorum neutrum fieri de-
beat demonstratis causis, cum
utrisque pro casus varietate
utendum sit.*

VT magna est palatorum differentia
in hominibus, cum quod vni sapit,
& placet, alteri aduersum sit & displiceat,
c quoq; est animorum iudicium diuer-
simum, q; virumq; accidit partim ex na-
turali antipathia aut sympathia cū vna
e magis conspirante, cū altera minus seu
discrepante, partim ex preposterā imagi-
natione, seu discretionē corrupta: Sunt q;
aseo abstinēt per totā vitam, alii à nati-
uitate per multos annos, quidā à vino &
cere-

cereuisia, sola aqua contenti viuunt: Et in his mira est varietas, vt quotidiana experientia testatur: Impressiones vero factæ in mente non minus variant, vnde illud, quod duo, qui se ante non viderint nec de se inuicem audiuerint, primo conspectu mutuam amicitiam affectent & ineant: E contra quis ab eo abhorreat, à quo nec verbo nec facto læsus sit: Verum quantum gustatus, sensus crassior & brutalis, superatur à subtilitate intellectus, tantum quoque sapiens palato differt à sapiente vero seu ratione: In eo non est proprie actus reflexus, hoc est, respectus in id quid & cur agitur, in hoc autem maxime viget: Inde intellectus imaginationem sæpe, vt præceptor seu magister discipulum, reprehendit, corrigit & emendat, non autem illa gustatum: Inde mirum est, inter doctos & sapientiæ dedito inueniri, qui discretionem suam ita abutantur, vt in vnum, veluti bonum, vltro ruant in aliud non minus bonum sinistro respiciant oculo: De Medicis hic contrauehitur, cur illorum quidam solis Remedia ex vegetabilibus petitis & vsitato modo
Pha

Pharmacopæo præparatis, vtantur, & à
Chymice cōcinnatis prorsus abhorreāt?
Aut cur alii nouam sectam anteponant
veteri in Theoricis & practicis simul, &
abstineant ab omni Medicamento, quod
non nouitatem & Chymiam redoleat.

Vtrique sane mihi videntur potius à
Phantasia duci, quam intellectu: Nam
Veteri, Dogmaticæ & rationali Medici-
næ in primis operam dandam esse, cense-
mus, quo ad Theorica & practica, & in his
& illis si quæ dubia occurrant, quocunq;
modo emēdanda, veluti iam ante de qua-
ritatibus primis, secundis & tertiis differ-
imus, Remediis quoque tam Chymicis,
quam aliis, dummodo vtrique sint abs-
que fraude & suspicione, tanquam instru-
mentis Medicis, nitendum & vtendum,
quod hoc capitulo insinuabimus: De ve-
teribus prius, post de nouis dicendo.

Iam ante satis demonstrauius, esse in
simplicibus proprietates occultas seu
qualitates specificas, veluti nec vllus ex
ere doctis Galenicis negare potest, cum
in sexcentis locis ex à practicis inculcen-
tur, illasq; esse agentes in morbos potius,

F 3 quam

quam à materia seu elementorum compositione desumptas, qualitates primas, secundas aut tertias: Eas, non has, oppugnare morbos, tollere causas, mitigare symptomata & sanitatem in corpus humanum, veluti Regem (Ægypti Ptolemæum olim Pompeius) in suum regnum, reducere.

Quod si ita est, cur non illis aucupandis & in simplicibus conseruandis maxime sunt intenti Medici? Fernelius in lib. de abditis rerum causis oblique rem eo deducit, vt deniq; probasse videatur, hanc qualitatem specificam, quam formam vocat, in omnibus partibus cuiusque simplicis latere, & per omnia elementa diffusam esse: Hinc si per Chymiam simplex aliquod distilletur in aquam, post in oleum, denique in cineres & ex his in salem redigatur, tradit omnes has partes, aquam, oleum & salem participare specifica qualitate dicti simplicis, singulas, vt opinor, integre (& non diuissim) sed vnā magis intense, quam aliam, omnes simul iunctas integerrime & intensissime.

His

His stantibus & confirmatis, sequitur, corpus palpabile cuiusq; simplicis, quod tunditur, scinditur, cribellatur, coquitur, miscetur in sua corpulentia cum aliis, esse carcerem vel (si mauis) domicilium quæsitæ qualitatis specificæ, morborum curatricis, & veluti nidum auiculæ: Idcirco dubitet quis de præparatione communi Pharmacopæorum, qui nullam separationem boni à malo, qualitatis idoneæ à corpulentia instituunt: A ratione alienus videtur ille, qui dominum alieuius domus accersere iussus, domum vna cum domino apportari institueret (quāuis dominus à domo denominationem & authoritatem habeat) qui aues cum nidis coqueret, cochleas cum testis suis deuoraret: An ita quoque censendum de illis? Neutiquam: Faciunt enim Pharmacopæi, quod possunt, q̄ licet per naturā & artem: Qualitates n. occultæ captari nequeunt, absq; suis retinaculis, nec cōseruari absq; corporea mole: Camphora expirat tota fere, nisi foueatur semine lini rhabarbarū exiccat, nisi cera, spiritus

vini & sal sanguinis ceruini exhalant omnino, nisi in vitris optime clausis à fuga detineantur, quæ tamen omnia sunt corpora, licet illa densiora, quam hæc.

Quid igitur dicendum de specificis illis qualitatibus separatis à suis corporibus seu hospitibus: An non tenderent in patriam elementarem quæq; suam, ignis ad ignem, aër ad aërem? Hoc omnino rationabile & credibile est: Ad hæc, quis separaret qualitatem specificam ab igne, quæ est, vrere, ab aqua, quæ est, humectare, à terra, quæ est siccare? Si hoc impossibile est in simplicibus, multo magis in compositis corporibus, seu mixtis? Ad impossibilia autē nemo obligatur, quod si sic, frui potest beneficio restitutionis in integrum.

Ex his sequitur, Dogmaticos medicos medicamentis vti naturæ & rationi consentaneis, licitis, possibilibus, ab aliis abstinere, quæ magis optanda, quam speranda sunt. plus ostentationis, quam veritatis obtinent.

Boni itaque sunt syrapi, condita, iulepi & conseruæ, nisi sacchari copia obruat illam

illam vim in corpore simplicis latentem, quæ quæritur; Bona sunt electuaria, opiata, antidota, nisi inconueniens plurium confusio potius, quam vera mixtio eandem proprietatem (quæ in multis non eadem est) impediat, obscuret & extinguat: Bonæ sunt pilulæ & omnia alia Remedia amara, acria, austeræ, graueolentia in magna quantitate propinata & exhibita, nisi ægris & sanis stomachum vertent, nauseam conciliarent, vt morbum potius, quam illa admitterent & tolerarent: Si amarities, acredo, austeritas, graueolentia essent de qualitatibus specificis alicuius simplicis, hæc sane in eo magis freno, quam stimulo indigerent & satis excellerent: At non sunt eiusmodi, sed saltem ministræ & pedisse quæ veræ illius Dominæ, seu qualitatis specificæ: Inde vt ministræ ab hac discernantur & auocentur, quo colloquio vel bono huius quis frui possit, occasio obseruanda est, quæ certe per Chymiam obfertur: Chymia enim separat superflua impedimenta ab vtilibus qualitatibus, si modo vere & rationabiliter tractetur & in vsum adhibea-

F 5 tur.

tur: Non quasi existimandum sit, Chymica Remedia esse omnino spiritualia & corporis expertia, sed magis purificata, quam alia, magis penetrantia, quam corpulenta, magisque efficacia, communia pleraque & à proprii corporis & additi sacchari mole, vel aliorum mixtura incondita obrui, eorumque qualitates específicas, quæ liberari & in lucem produci deberent, magis suppressi & incarcerari.

Vnde constat, Dogmaticis medicis non fastidiendam adeo esse Chymiam, ut plerisque persuasum fuit, sed ea, ut ancilla & coqua utendum, ad magnæ illius Reginæ, Hygieiæ, placitum & emolumentum: Non solum vrendum, cauterizandum, & secundum est medicis, ut morbus eiusque causa extirpetur cum iactura virium ægri, maximoque dolore vel incommodo, sed quoque symptomata sedanda, viresque restaurandæ sunt cum gratis & acceptis, nec non tutis Medicinis: Archagatus Lyfaniæ filius, Peloponensis, primus è medicis Romam venit, L. Æmilio & M. Liuiio consulibus, vt

Cassius Hemina apud Plinium (capit. 7. libr. 25. & cap. 3. libr. 30.) testis est: Eique ius Quiritum datum & taberna in compito Acilio empta: Fuit autem Chirurgus, eiusque aduentus mire gratus ab initio: Mox à sœuitia secandi, vrendique nomen carnificis meruit: Quæ eadem causa fuit, cur vno tempore medici omnes Roma expulsi sint, cum carnificinam potius, quam medicinam, & Libitinam magis quam artem liberalem sanitatis restauratricem, excercere viderentur.

Hinc illud Iuuenalis:

Quot Themison ægros autumnò occiderit vno:

Martialis de alio scribit Choraule, qui prius medicinam, post Libitinam fecerit, nec aliud post, quam prius, nempe homines sepulturæ tradiderit: Charmis ex Massilia medicus aliorum inuenta pleraque & blandimenta damnauit, frigidaque aqua hybernis algoribus ægros lauare voluit: Mersit ægros in lacus adeo, vt Plinius dicat, se vidisse capulares senes in iis rigentes: Acesias podagricos curare volens respiciens ad
mor-

morbū dolorem neglexit, & auxit: Vnde nātū adagium, Acesias medicatus est, vbi res in deterius vergit, vt habet Erasmi. in Chiliad.

Præ iam dictis magis salutarem ægris præstiterunt tum opem tum operam, qui miscuerunt vtile dulci & salubria naturæ acceptis: Asclepiades Prusiensis, Cn. Pompeii familiaris rationem primus reperit qua vinum ægris mederetur, relato è funere homine & conseruato: Dicebat salutem constare cibi potusque abstinentia, præterea gestatione, ambulatione & fricatione: Idem blandimenta & lenocinia ad ægrotorum gratiam & iucunditatem commentus est: Siquidem & balnearum consuetudinem fecit, primusq; lectulos excogitauit suspensiles, quorum molli iactatione irritaretur & obreperet somnus: vt tradit Plinius lib 7. cap. 37. & lib. 26. cap. 3. Idem lib. 24. ait, Democritum fuisse medicum, qui in valetudine Confidiæ, M. Seruili consularis filiæ, omnem curationem austeram reculantis, diu efficaciter vsus sit lacte caprarum.

Agron, vt Cælius refert lib. 13. cap. 22.
Athe-

Athenis fuit medicus, qui pestilentia ibi grassante plerisque affectorum opem intulit salutarem, accensis in proximo ignibus, quod & Hippocrates fecit, unde magnum nomen adeptus est.

Vnde patet magis humanum esse, ægris mederi absque sæuitia, symptomata non negligere, dum curatur morbus extirpando causam, refocillationes virium instituire & gratiam ac confidentiam inire apud ægrum, quam rigido tenore perstrepere, eadem oberrare chorda & Misandrum se gerere: Non semper plenis velis utitur nauta ad portum, nec viator recta linea ad scopum, nihilominus uterque eo, quo vult, peruenit: Fabius cunctando Romanam restituit rem, quæ forte per temeritatem incōsultam periisset: Lente festinandum persuadent prudentes, & maturanda consilia: Nihilominus methodus medendi dogmatica manet integra & continuata, eiusque axiomata inconcussa, sublata causa, tolli effectum morbum, curato morbo evanescere symptomata, & quod Ovidius canit; immedicabile vulnus ense recidendum est, ne
pars

pars sincera trahatur: Atq; illa omnia ad cito, tuto & iucunde curandum morbos, per Chymiam maximum adiuumentum impetrabunt, quod ab aliis latius expositum est, nec opus eandem cantilenam toties reiterare: Aures enim ad hanc induratae, non capient, veluti Bæoticæ & crassæ, apertæ vero & faciles iam dicta percipient, iisque acquiescent.

Sed nunc ad alterum latus obuertamus proram, & contemplemur meros Chymicos & omnino, vt videri volunt, novos medicos: Horum alii diuini eloqui affectant titulum, hoc est Theophrastici videri volunt, nescio, quo iure, cum ipse author tale nomen nec à patre, nec matre in baptismo acceperit (Philippus enim Bombastus vocitatus fuit) nec à summo Principe impositum habuerit, sed sibi à se ipso, quod cum sit magnificū & laudabile, seipsum magnificet & laudauit: At sapiens,

*Ne te collaudes, inquit, nec te culpa ueris ipse,
Hoc faciunt stulti, quos gloria vexat inanis:*

Virum doctissimum & singularem in Medicina cum fuisse non est dubium: An
pro-

propterea sat causę habuerit, omnem veterem conculeandi & nouam his vltimis seculis in mundi senio, introducendi Medicinam, aliorum sit iudicare.

Ridiculum aliqui putarunt, si sexagenario maior medico carpum porrigat, hoc est, à morbis curari velit, siquidem tum morbus morti, tanquam frater fratri, pactum & hæreditatem cōcedere cogitet; Quid dicemus de huius mundi Silicernio, an ipse quoque nouam medicinam Medicinæ, seu marasmo potius, quàm morbo suo medelam postulare audeat? An illi quis inuito obferre & infundere elleborismum præsumat? Contrarianti nihil dari, aliquid auferri per vim potest, si cui lubeat: Ita vereor, ne & antiquæ Medicinæ multa ab illo authore ablata sint, mundo autem senī pauca ad vtilitatem accommodata: Bona medicamenta, quæ habet, non recuso, sed monarchiā eius, & tot plaustra calumniarū in omnes alios (se vno excepto) medicos congesta & effusa, non agnoscimus pro rationalis hominis, nedum virtute præditi tecmyrio, vel insigni,

Quod

Quod Thessalus olim, Neronis tempore affectauit, cuncta maiorum placita transiliens & rabie quadam in omnes eius æui medicos perorans, idem hic nostro & auorum tempore: Chrysippus similiter, Erasistrati præceptor, Hippocratis placita & aliorum ingenti, vt scribunt, garrulitate mutauit: Crinas Massiliensis ad lyderum motus ex Ephemeride mathematica cibos dabat, horasque obseruabat: Huic non absimiles & nunc inueniuntur, plus habentes in promissis, quam effectis: Hoc scimus, aliis maledicendi studio non acquiri posse Monarchiam, nec propriis speculationibus (quæ sunt phantasiæ opera, non intellectus agentis) artem vetustissimam, quasi arcem munitissimam, subuerti, inque eius locum nouam substitui vel ædificari.

Chymici vel Medici, qui Paracelsi doctrinam sequuntur, vtinam nec in mores sui magistri degenerarent, & res relictis personalibus tractarent: Multorum hoc seculo eius farinæ inueniuntur libri, ex quibus si calumniæ & canina eloquentia, in medicos exercita, tollantur, quod reliquum

quum est, tantum doctrinæ, quātum inania stramina frugis, continebunt: Figantur obelisci in locis illis maledicis, non asterisci, apponatur litera Θ. non Α. notentur carbone, non rubrica blasphemix & curentur Ostracismo tam crudeles affectus, quibus vna Anticyra non sufficit: Personę maneat intactę, communis hostis est morbus, eiusque causa & effectus seu symptoma: In hunc Medici insiliant, tanquam canes in lupos, nec se inuicem allatrent, aut mordeant, quod signum est degenerum: Taceant, qui nil nisi latrare nouerunt, hominum est ratione vivere, non sola oratione, intellectu, non rabie aduersantem aggredi, quod mouisse sat est.

Quod ad medicamenta mere Chymica vel Paracelsica attinet, ea quatenus bona sunt, laudamus, sed ita, ne Galenica & dogmatica vituperemus: His & illis alternatim vtendum erit, in nullius præiudicium aut contemptum: Non sumus nos homines meri spiritus, sed corporeæ substantiæ, inde nec opus habemus meritis purificatis ad summum medicinis

G

sem-

semper in omni affectu, loco seu parte læ-
sa indiuiduo vel persona: Sunt morbi, qui
Chymica remedia respuant propter cali-
ditatem vel siccitatem, ipsi calidi & sicci
valde, & si admittant, non tamen hæc alia
propterea anteuertunt, aut repellunt:
Sunt mercatores in republ. sunt & agri-
colæ; non hos illi, nec illos hi excludere
possunt aut debent: Ita in officina Phar-
macopolii bene ordinata, vtraque vsur-
pantur Remedia, Galenica & Chymica,
non hæc aut illa sola, sed nunc in persona
delicata, vel rustico, nunc in morbo leui
vel aspero, nunc in hoc vel illo tempore:
Indicationes enim quæ sumuntur à causa
morbi valde vel leuiter infixæ, à morbi ge-
nere, & symptomate id sequente minus
vel magis grauiore, à parte affecta, ab egri
naturæ proprietate vel cōsuetudine, sunt
præcipuæ, nec omnino negligendæ ad
qualitatem & efficaciam, iucunditatem
vel quantitatem Remedii indiuiduo
accommodati inueniendam
& definiendam.

CAP. X.

*De vitiis in persona medici non
tolerandis, à quibus Fraterni-
tas R. C. immunis est.*

EXcursum hunc à Fraternitatis R. C. Medicorum legibus in abusus quosdam nostratis medicinæ hætenus institutum non abs re fecimus, cū intelligamus dictos fratres prima sua lege, qua gratis medetur aliis, omnes hos abusus & enormitates exclusisse, quæ potissimum ab auidate lucri emergunt & procedunt: Hinc enim illi longarū Receptarum authores stimulantur, nec nō nobilium Medicamentorum artifices mouentur, ac deniq; solis vegetabilibus, aut meris Chymicis videntes Remediis, nempe vt aucupium sibi cum sacra Medicinæ dedecore faciant, quorum multi dant longas schedas, inanes fæculas vel rixosas nēnias pro auro ægrotorū: Habeatur quidē proprii lucelli ratio, sed ita, ne negliget honesti, iustitiæ & veritatis respectus sit amicus Æsculapii filius, sed vsque ad aras, ne Æsculapii de-

spiciantur nepotes, Hippocrates & Galenus, eorumque methodi sequaces: quibus tamen natura longe præferenda est, si aliquando illi ab hac declinent ad inuia rationis inextricabilis, hoc est, si experimenta probatissima ex naturæ arcanis eruta & deprompta habeantur, quæ sunt proprietatis occultæ & qualitatis specificæ, non nuda ratio à regulis qualitatum primarum seducta sequenda est: At præter ante dicta abusuum genera, quæ circa artis Medicæ opera & instrumenta: veluti sunt remedia, contingunt, percurremus quoque nonnulla, quæ existunt in persona Medici vitia: His enim non raro salus aagri periclitatur & in discrimen adducitur, & si quid boni per medicationem fiat, vtilitate sua priuatur: Sunt autem talia Philautia seu superbia, odium & inuidia, rixæ & calumniæ ore vel scripto sparæ, avaritia, incruditio cū audacia coniuncta & his similia, quæ Medici personam dedecent: Hæc qualis esse debeat, satis ab Hippocrate & aliis descripta est, nec hic repetitur, quod vulgatum alibi: Philautia seu superbia nullum ex mor-

mortalibus decet, siue hominem, cui ve-
 humanitas, sic illi mors præscripta est: In-
 flatio vesicam extendit, sed in periculum
 adducit: Hinc Iohannes Gerson aduer-
 sus superbiam de ea sic scribit:

Vidi ego vesicam modico turgescere flatu,

Quæ pisis sonuit quatuor impositis:

Hanc puer unus acu pupugit, displosa repente

Vilis & absque sono flaccida detumuit:

Ita superbia hominem prætumidum
 efficit, ut sonet & strepat bombos, crabro-
 num instar, at mors vel leui febricula
 eum iugulat & prosternit: Omnium ve-
 ro minime medico Philautia competit,
 multorum vitiorum nutrix: Menecratis,
 Thessali & his similiū ante meminimus,
 nec desunt exempla nostro ævo: Quod
 dicitur, scientia inflat, intelligi debet de
 stolidâ, seu stultâ, vnde Germanis super-
 bus (*stolz*) denominatur: Qui enim pu-
 rat se scire id, quod nescit, illius attollit
 vacuum plus nimio gloria verticem, ut
 Horat. inquit: Socrates vnum se scire
 professus est, idque erat, quod sciret, se nil
 scire: Hoc vnum si ignari scirent, non ad-
 eo superbirent, & literati forent humanio-

res, Quid homini humanitate magis proprium? Quid medico medicina animi, quæ est philosophia, (cum corporis profiteatur) magis congruum: Hinc in vernacula lingua ab artibus (Ar̃t) medicus appellatur: Prudentius de Philautis: Desine magna loqui, frangit Deus omne superbum: Et alius; Magna cadunt, inflata crepant, tumefacta premuntur. Odium quoque & inuidia dehonestant medicos, qui plerumq; (nonnullis exceptis) se mutuo dignantur illis exercitiis: Syl. lib. 13. de inuidia scribit hoc modo:

*O dirum exitium mortalibus, ô nihil unquã,
Crescere nec magnas patiens exurgere laudes
Inuidia;*

Quid. lib. 2. Metam. Pallor in ore sedet, macies in corpore toto: Hoc enim boni inuidia in se alias pessima obtinet, quod se ipsam consumat & emaciet, secundum versiculũ: Inuidus alterius rebus macrescit opimis: Hinc melius est inuidiã aliorum, quam misericordiam mereri; Huius enim subiectum, circa quod versatur, est miseria & rerum inopia, illius fœlicitas & copia: Hoc vitium, vt hederæ arbores, quibus

bus adhæret, damno, sic illos, quos se superiores agnoscit, liuore adficit: Vnicum illi remedium est, Virtus: Hinc in disticho vere dicitur:

*Inuidiam virtute, malum bonitate, fauore
Osores vincas, speque fideque Deum:*

Quem non magnanimum & virtuti deditum hæc belua confecit? Hac periit Abel furis Caini fratris, Æsculapius, ut poetæ asserunt, fulmine Iouis, quod Hippolitū suæ medicinæ virtute in vitam reuocasset. Talus, Dædali discipulus, qui spinas in pisce notauit, Ouidio teste, & ferrā, figuliq; rotam inuenit, præceptoris odio: Ob hanc declinandā multi patria sponte excesserunt & in aliena terra vixerunt, ut fecit Iphicrates in Thracia, Timotheus in Lesbo, Chabrias in Ægypto, Chares in Sigæo, qui omnes Græci sunt: Apud Romanos Pompeius post tot triumphos & imperia, domi aut ruri se continebat, raro in publicum prodiens: Hac Gorgone incitati discipuli non pepercerunt præceptoribus: Sunt, qui dicant Aristotelē magistro suo Platoni adeo inuidisse, ut bonā eius operum partem flammis & incendio

dederit: Ajax inuidit Vlyssi, Zoilus Homero, Didymus Alexandrinus M. Tullio, eidem Asinius Pollio, Palemon grammaticus M. Varroni, quem porcum appellauit, Themistocles Atheniensis Miltiadis trophæis, Cæsar Catoni, Adrianus Traiano, M. Crassus Pompeio, Alexander Achilli, viso eius sepulchro, Iulius Cæsar Alexandro ad Gades apud Herculis templum, & quis enumeret omnes Inuidiæ Lytas & prolytas? Quanta mala hinc exorta sint, æstimari nequit: In medicis eodamnosior, quo Medicinæ subiectū, quod est corpus hominis ægrum, nobilius existit, quam aliarum artium: Hoc vitium non raro in rixas & calumnias exerefcit, longe se peiores: Cacoëthes est nostri seculi & Noli me tangere, bene calumniari: Hinc tot chartæ emissitiæ, nigro felle, stillantes, hydrophobiæ obnoxia circumferuntur: Calumniam Apelles penicillo, Lipsius calamo optime descripsit cui quid adiicere, superuacaneum arbitramur: Auaritia radix malorum non absque causa dicitur, cui nihilominus quamplurimi ex Pæoniis sunt deditissimi, non existi-

existimantes se vitio teneri, cum insatiabili desiderio cumulandi opes noctu, diu, per fas & nefas angantur & crucientur: Huic malo vnice student & se mancipāt, quod, cum cætera ætate decrescant, solum augetur, viresque acquirit ab annis: Vnde non immerito mirantur quamplurimi, inter quos Tullius, cur homo ad senectutem accedens vel appropinquans fiat ad rem attentior & nummorum, rerumque ad humanam vitam commode agendam necessariarum cupidior & tenacior, cum ridiculū & à ratione absonū sit, illum, cui multum itineris peragendi superest, minus viatici, cui parum, plurimum requirere: Lucri odor non ingratulus est senibus, etiam si alterum pedem, ut dici solet, in Cymba Charontis, vel sepulchro haberent: Inde & medici dum senescunt & vsu artisque operibus inclaruerunt, ut plurimum auari redduntur: quocirca sæpe iustitia cogitur apud illos de via cedere auaritiæ, & conscientia lucro: Hoc vitium multas actiones bonas in medico impedit, malas causatur: Idem si Pharmacopœo accidat, cum damno to-

rius ciuitatis coniunctum: Nullæ compositiones rite ab eo fient, aut ex simplicibus inueteratis & cassa nuce non æstimandis: Hinc fallitur medicus & sua intentione, ob vitiū remedii, frustratur: Fallitur & æger, omnesq; ad eum spectantes in sanitate obtinēda & faciendis absq; causa sumptibus: De ruditate medici examinati & probati nihil dicimus, sed de imperitia multorum huic amplissimæ prouinciæ leaddicantium, cui cum sint ob defectum doctrinæ & experiētix longe impares, patronam sibi adsciscunt Audaciam in sermone vernaculo, in opere medico, & opinionis suæ patrocinio: Imo quo quē incurtiores animaduertes, eo in suo placito defendendo impudentiorē inueniris: Oracula sibi videntur promulgare & mysteria, cum manifeste falsa adfirmant, ne dicam mendacia: Nisi his ad nutum steteris & omnia feceris, habēt calumniā clandestinam, vel apertam rixam ad manum, nec deest iis odium aut inuidia: Sed niger est, hunc tu Germane caueto: Ad dicat aliquis, tu ne es censor alienorum vitiōrum? Fateor, neminem absque vitiis

iis in hoc mundo degere, sed alios ea
 carpere digitis, alios integra manu: quos-
 dam delectari & satiari illis, à quibus ta-
 men multi abhorrent: Hæc & his similia
 de medica ista Fraternitate R. C. dici aut
 intelligi non possunt, qui omnes absq; ar-
 rogantia aut superbia viuunt, non odio
 nec inuidiæ indulgent, sed in eo se oble-
 ctant, vt alter alterum erudiat, nec aliquid
 sciat, quod vni ex fratribus sit incogni-
 tum: Calumnia aut rixa apud eosdem lo-
 cum non inuenit, multo minus auaritia:
 Ab his omnibus veluti iugis nostratium
 medicorum sunt liberi, quantū humanæ
 naturæ imbecillitas permittit: De erudi-
 tione vero eorum tum in Medicina, tum
 in aliis artibus liberalibus omnibus, liber
 M. testimonium reddet, & sunt aliquorū
 hac de re specimina Wetzlaræ, & M. edi-
 ta adhuc in recenti memoria, præter ea,
 quæ in libro Famæ, Confessionis & aliis
 scriptis illorum Mineruæ publicatis con-
 tinentur: quæ si quis attente legat & inter
 se, cumq; ratione natura & aliis circum-
 stantiis comparet, hætenus dicta veracis-
 sima inueniet.

CAP.

CAP. XI.

*Andicti Fratres vocati ad mor-
bum aliquem curandum te-
neantur comparere, & num-
eurent absque discrimine om-
nes morbos, tam incurabiles,
quam curabiles, & demon-
stratur, quod neutrum.*

NEgotia illa, quæ in communi vita a-
guntur, legibus subiecta, cum non
minus, quam homo, variis mutationibus
temporis, aliarumque iniuriarum obrui
& suppressi, atque ex memoria rerum ge-
starum, hoc est, historia politica excidere
soleant, inuenta est ars notoria seu nota-
riatus, quo illa notarentur, & ad seram
posteritatem, tanquam fide digna & vera,
pro utilitate eorū, quibus interest, trans-
mitterentur: Et si quis hoc officio sit in-
signitus & legitime instructus, ad voca-
tio-

onem cuiusque egentis eius scriptura
 testimonio tanquam publicus Iustitiæ
 ministrandæ aut promouendæ mini-
 ster, comparere & non emanere tenetur:
 vero in paruo eo mundo, homine eius-
 que vita quicquam contingat, quod præ-
 ternaturale seu contra naturam omnino
 est, utpote morbus cum sua causa & effe-
 ctu, ad medicam subito confugit æger o-
 mnis: Verum cum medicatio non sit res
 publica, sed ad priuatam alicuius indiui-
 diui sanitatem recuperandam spectet, hinc
 medicus cogi ex officio nequit, ut illi, cui
 non est obstrictus de iure vel seruitio, me-
 dicinam etiam inuitus faciat: Nec enim
 publice ministrat omnibus Medicus, sed
 priuatim propulsat morbos, velut naturæ
 minister & altera manus, non autem æ-
 roti: quem regit sub Regimine debito
 rerum sex non naturalium, & usu Phar-
 maceutico, donec victa ægritudine eiusque
 causis pristinam reducat corpori valetu-
 dinem: De Fratribus R. C. posset quæri,
 num ipsi Medicinam ex professo tractent,
 nec quicquam aliud præter eam, secun-
 dum primæ positionis seu legis (in qua
 euol-

euoluenda adhuc versamur) præscriptum, an inuitati & rogati publice per Epistolam, vel oretenus ad curandum certam egritudinem in loco determinato (vt per multi petierunt) se sistere teneantur, ex promisso vel quasi, vel officio, ex obtestatione vel charitate in proximū? Respondeo, nullo modo ex his, nec quoquā alio. Si enim nullus alius ad id cogatur medicus, multo minus ipsi, qui dant sua munera gratis, quibus volunt, non coacte, quæ arrham à nullo, nisi Deo acceperunt, cui soli, vna cum summo Magistratu, absque dubio morem gerunt. Si aliter esset, non ultra hæc crenam meam extendero. Verum cum de hac quæstione in tractatu nunc quoque edito, cui titulus, SILENTIVM post clamores, latius egerimus, cramben illam hic reoquere supersedebimus.

An insuper curent omnes morbos abque vlllo discrimine tam incurabiles alia quam curabiles, vt sunt ex illis lepra, hydrops, pestis, cancer, phthisis, hæctica, podagra, & his similia, à multis curiosis inquiri posset?

Qu

Quibus responsum reddimus, quantum ex ipsorum scriptis & factis colligere potuimus, ipsos fateri, quod suæ propriæ mortis & fati instantis nullam cognitionem habeant: Quod ut verum est, sic inde patet, quod nec remediis suis, quantumvis efficacissimis morbos ad mortem destinatos in se aut aliis curare præsumant aut valeant: Idenim tentare, esset Dei Prouidentia & voluntati contraire, seq; aduersantes præbere.

Sunt autem antedicta mala triplicis augmenti, primo in principio, secundo in aliquali duratione & confirmatione, tertio in radicali infixione & diuturniore afflictione: Si sint in principio, curabilia sunt pleraque ex illis etiam dogmaticis in arte peritissimis; si in acme & confirmata sint, tum absque dubio Fratres R. C. Remedia quoque habebunt, quibus ea tandem propulsent & extirpent ex Dei altissimi nutu; quod si vero ad mortem ea tendere debeant, nec in initio, nec in medio curationem recipiunt, sed mox ostendunt, quem finem sortitura sint: Quæ in tertio sunt ordine
toto

toto genere sunt incurabilia, ad quæ exulceratio canerosa mammæ in muliere Wetzlaræ non curata, sed lethalis, derelicta fatis, spectauit.

Quod ad reliqua morborum agmina pertinet, ut ea omni experto medico Remedia debita usurpanti cedunt, sic etiam illis, qui communia tam Galenica, quam Chymica non solum possident medicamenta, sed etiam, ut ante traditum, longe alia, quæ nullibi prostant, & à paucissimis in mundo concinnari possunt.

Quod de omnibus medicis dici potest, idem de illis:

Non est in medico semper releuetur ut ager:

Sæpe etenim docta plus valet arte malum, vel Sæpe etenim longæ præualuere moræ: Causæ, cur medici etiam probatissimi non omnes ægros sanitati pristinæ restituere possint, sunt multiplices: Primo malum pœnæ excludit bonum illud gratiæ, vel ad moram, vel ad mortem, ordinatum: Et hæc est causa primaria; secundariæ sunt, morbi suo genere lethales, per se, vel ex aliis morbis præcedentibus generati, ut iam dicti & quamplures alii:

FRATERNIT. R. C. 113

alii; Pleuritis, seu inflammatio pleurae
norbis est per se periculosus, at saepe cu-
ratur per debita media in tempore adhi-
bita: Quod si eius materia inflammans
non educatur sanguinis missione, efflatio-
ne, vel derivatione per tussim, intra 40.
diem, corroditur pleura & pus effundi-
tur in cauum pectoris, fitque aliud morbi
genus, Empyema dictum, seu suppuratio
in thorace contenta; Cui nisi natura sub-
ueniat, per puris educationem in urinarios
meatus clandestinis viis, vt aliquando fa-
ctum esse obseruatum est, vel ars per inci-
sionem musculorum intercostalium &
puris per canalem vulneri inditum, ex-
tractionem, intra 40. diem ab effusione
eius in thoracem, exulceratur pulmo &
fit tabes, quæ est malum incurabile fa-
ctum ex curabili.

Sed hic illa quæstio occurrit, si saltem
curabilia curentur ab illis, ea quoque per
solam naturam absq; arte euanescerent,
& sic ars est superuacanea, nec plus pro-
mouetur per illam, quam si malum natu-
ra committeretur? Hæc est hydra mul-
torum capitum, quæ forte magis intacta
H relin-

relinquenda sit, quam male occisa: Sed nos breuiter eam contundemus: Quæ sunt in toto mundo, non solum in Medicina curatione, an ita fieri necesse sit, vel num aliter quàm facta sunt, fieri potuissent, disquirant alii longis discursibus: Cardanus omnia Fatali necessitati ascribere videtur, atq; ea est Stoicorum antiquorum opinio, qui tamen Deum ipsum Fato subiiciunt, quasi coactum, nec illi resistere valentem, quæ est impietas: Dicimus autem, Deum esse liberrimū & omnipotens Numen agēs, quod naturam ordinauit, tanquam ministram, & hæc procedit in sua operatione sibi cōmissa fideliter & naturaliter omnia producit vel ad gratiam, vel poenā hominibus, vt sunt inter hæc, morbi, casus superueniētes, & tandem, mors naturalis ex causis morbificis sufficientibus, vel longo æuo pducta, inter ista sunt liberationes à morbis naturaliter vel artificialiter, à casibus seu infortunio: Interea Deus omnia & singula, tam mala, quam bona omnib. & singulis impēdientia prouidet: Ipsum autem solum prouidere Deum nihil mutat, sed cursum finit naturæ ordinatum


ntum; Post tamen accedit voluntas Dei
 pettrima, quæ agit libere contra cursum
 naturæ quasi fatalem, eumq; interrumpit
 nonnunquam, nunc in his, nunc in aliis
 mēdando, eiq; derogando, hunc ex mor-
 o, in quo naturaliter per malā victus ra-
 onem vel diutius esset permanfurus, vel
 minino obiturus, liberat vel absq; mediis
 miraculose & per naturæ vias, vel cū me-
 diis alicuius probati medici: Quod si, quæ
 præuidet mala secundū naturæ ordinem
 alicui impendentia, non prohibeat Deus,
 sed pro pœna adfligit, non tamen est au-
 gmentum mali præuisi, per naturam adducti, li-
 cet nō raro & pœnā miraculose alicui im-
 mittat: Inde illud, Israel perditio tua ex
 te est, quia tu malum nequitie operando,
 malum pœnæ tibi attrahis: Quod cum
 animaduernerint quidam sapientiores ex
 ethnicis, finxerunt voluptatem colliga-
 tam cum dolore pedisse quo, quasi omnis
 immoderata voluptas, quæ est vitium lu-
 turia, iræ vel libidinis, dolorē sibi habeat
 adiunctū vel superuenientem, ut est mor-
 bus qualiscunq;: Deinde dixerunt mor-
 tum fratrem mortis, quasi hæc illum
 H 2 sequa-

sequatur, sudorem ante virtutem possum, & Gloriam eam sequi, & his similia: Eo quoque spectat in sacris illud: Non est malum in ciuitate, quod non fecit Dominus, nempe pœnæ, vel per naturam ministræ id inducendo, vel miraculose absque mediis naturalibus.

Vnde autem sit malum nequitie vel actionis hominum, nempe vitium, seu enormitas contra legem Dei commissæ, inde apparet, nempe ex corrupta hominis natura & peruersa voluntate, quæ etiam post lapsum libere agit in terrenis, non autem in cœlestibus: Vt enim in motu brachii æger admodum imbecillis, non potest suis viribus brachium ad superiora eleuare, at versus inferiora facile, quo brachium labitur suo pondere, sic homo ad terrena: quæ deorsum tendunt, & vitiosa sunt, peccatis inquinata, sua sponte & natura deprauata ruit, absque Dei peculiari instinctu, sed vis, quæ hominem ita in vitia & peccata immersum releuare in altum, versus Deum & obedientiam erga eum, imo ad vitam æternam, in quam peccatores non intrant, debeat, non est in ipso

pso homine, sed in gratuita misericordia Dei: qui miseretur eius, cuius vult, neminem tamen excludens à gratia sua, qui libera sua voluntate in terrenis non abutitur, sed regit quantum potest sub dictamine veræ rationis, orat & laborat, hoc est, functione sua legitima fruitur, naturæ præterea & supra hanc, Deo committens: ex his patet, quid de dicta questione difficilima sentiendum sit illis, qui maiestatem diuinam, eiusque arcanissima lura & Myseria ipsi reſeruata non perſcrutari, aut angustis ſui cerebri cancellis comprehendere præſumunt, ſed in ſpe & fide, amore & reuerentia erga eum perſiſtunt:

Quæ præter hæc ſunt Theologica,
hic vt non profiteſcuntur, ſic
nec tractamus.



CAP. XII.

Quo remediorum genere utantur, quod esse non nisi licitum & naturale, probata causa, asseritur.

DE Hiskia rege Iudæ memorabile extat exemplum in sacris, quod metat mortis à natura & malitia morbi ei tuo impendentem, peste decumbēs, ex diuino nutu & clementia, Esaia propheta medicante & ficus coctas buboni pestiferæ & lethali ad maturandum & discutendum imponēte, aliquot annorum spaci trāsiuerit & superauerit, vnde ante dicta probari possunt, nempe Deū præiudicare posse, naturæ (veluti princeps summi sui commissario) miraculose vel naturaliter adhibitis malo instanti mediis: H vtroq; genere utitur, nempe miraculo prædictione per prophetam, quo scire quid futurum esset, & naturali curatione per ficus impositas: Vtq; hoc est licitū r medii genus, cuius causa in natura ne ign

ignota est, ita queritur, an etiam dicti Fratres R. C. in suis curationibus tam licitis & naturalibus utantur remedijs? Author illius multiuocæ Echus, nuper editæ, quæ veluti cicada Philomele cantillanti astrepit, sic se Fraternitati R. C. in arcanis (ut putat) accommodat, meminit benedictionis & execrationis mirabilis, qua aliquis in sanitate, fortuna ac omni vita benedictioni & prosperitati, aut e contra maledictioni & diris deuoveri possit, & quæ multa alia idē author incantat & inculcat: Sed quis hæc iudicabit bona & licita, & non potius mala & illicita? Eiusmodi inuentis, quæ hætenus anicularum quarundam fuere arcana, non sine suspitione maleficii, velle onerare magis quam honorare dictam Fraternitatem, est hominis, ut opinor, huic iniuriam ingerentis & valde inconsiderati: Non talibus insistent, sed naturalibus omnino & nulli superstitioni obnoxiiis, quantum animaduertere licet ex eo, quod quidam eius ordinis Wetzlarie fecisse scribitur: Dolores & cruciatus acerrimos cancri exulcerati vno simplici, cui⁹ laudes Phantias phy-

sicus prædicauit, optime leniuit & sustulit: Deinde radículas & herbas per nemora idem collegit, quas in sacculo portauit: Bryoniæ radicis vim maxime celebravit, eamque pro alexipharmaco licet amatam in delitiis habuit: Ac præterea de occultis & admirandis viribus innumerorum simplicium eloquētissime disseruit, vt ipsi tum assistens vir doctus doceat tantum cumulum optimorum remedium cum fluuio sermonis abundantissimo præterfluxisse, nec calamo notatum fuisse: Hæc & nonnulla alia indicia satis probant, illis non nisi naturalia esse remedia, nec innaturalia vlla, quibus vrantur ad morborum propulsationem.

An vero illa simplicia iuxta certas constellationes eruenda & colligenda sint, in medio relinquimus: Scimus hanc esse opinionem multorum, & in primis illius Barthol. Carrichterii, quondam Cæsarei medici, qui simplicia præcipua & efficaciora, inque morbis magis probata diuidit iuxta quatuor triplicitates Zodiaci signorum, & in singulis facit tres ordines seu gradus: Cui nouimus quosdam deditoros

tos curasse morbos etiam pertinaces, præsertim antiquas exulcerationes & externa mala, felicissime.

Non esse faces illas frustra & quasi o-
giasas, et ceteras illatas, nempe stellas lucidio-
res, credimus, sed eas agere in hac infe-
riora diuerso respectu, veluti in Die I, Se-
ptimanæ Philosophicæ demonstrauimus:
Nec est dubium, vegetabilia, mineralia
& animalia inde suas formas & occultas
proprietas deriuare: verum ut hæ sunt
maxima ex parte occultæ, tanquam effe-
ctus. sic superiores actiones nobis ut plu-
rimum manent incognitæ, velut causæ:
Fœlix igitur, qui hos effectus ex causis, &
causas ex effectibus nouerit deducere &
diiudicare: Plantas tam poli, quam soli,
non saltem nomine tenus, sed iuxta virtu-
tes illis naturaliter inditas, quoad licet,
perfecte cognoscere, magna est Magiæ
naturalis & diuinæ pars, & bina folia im-
mensi illius mundani libri, in his studuis-
se Fratres, constat tum ex ipsorum con-
fessione & fama, tum aliunde.

Eam vero Astrologiam & Botanicam
in multis à communibus differre non dif-

H 5 fidi-

fidimus: Axiomata in vtrisque dicuntur ab ipsis immobilia & certa, nulli loco aut temporis cedentia (veluti Terminus agrorum olim Deus) immutabiliter in suo valore & virtute perseverantia.

Sunt autem talia axiomata alias adeo labilia & infirma, ut multa redarguantur loco & tempore, & innumera nostro ævo correctæ sint: Omne vinum esse calidum, est axioma, quod verissimum huc usque creditur: At si forte ex aliis locis adferatur vinum sua natura frigidum, tunc illud labasceret: Omne, quod volat, habere pennas, dicit ille, qui vel pertilionem non novit, aut insecta non considerat: Sunt quoque pisces volantes absque pennis, & datur exceptio ab illa regula amplissima: Quis non credat hoc verissimum, quod quadrupes absque volatu non possit per aerem, ut per terram incedere? At refellit experientia hanc credulitatem, cum aliis notum sit, in India esse felem, quæ expansis membranis, (non alis) à posterioribus pedibus ad priores, per aerem eat quocunque velit, veluti Lappones adaptatis pedibus latissimis asleribus in calcei modum super

per omnes hybernas & altissimas niues,
 instar tipulae super aquas, currunt & vena-
 tiones ferarum instituunt. Verum Frater-
 nitatis axiomata in artibus & scientiis po-
 sita statuuntur immutabilia, & infallibi-
 lia, cum ex principiis ad finem per ea, tan-
 quā media omnia tendant, q̄ est summæ
 eorum perfectionis signum: Quod si ita
 est, oportet curationes illas ex stellis &
 plantis deductas, cognitis singularū pro-
 prietatibus, esse certissimas, cū axiomata
 earum nō anticipent effectus debitos, sed
 eos, ut verissimos & proprios ex causis suis
 educāt & mutuentur: Qui igne elemen-
 tari quid pollicetur calefacere, siccare
 vel ignite, vel in fugā verrere, nō fallitur,
 nec fallit, quia habet causam ea certo a-
 gentē in sua potestate, ita erit apud illos, si
 alicuius morbi curationem suscipiant, nō
 est dubium, quin illum percurent, cū ha-
 beant certa remedia in manu, & cogno-
 scant tum morbi naturam, tum ægri, per
 signa occultissima, vel etiā physiognomi-
 ca, diagnostica, anænestica & prognostica:
 Et hæc omnia media sunt mere naturalia
 & thesaurus naturæ, dona preciosissima
 Dei & arcana sapientioribus ad inda-

gandum relicta: Nulla ipsis Magia in vsu
præsumitur, nisi naturalis, quæ est scien-
tia secretorum naturæ, & non nisi viris
piis, bonis & eruditis à Deo conceditur.
De hac Origenes, tractat. 5. super Matth.
vbi ait: Ars Magica non mihi videtur ali-
cuius rei subsistentis vocabulum: Sed et-
si sit, non est operis mali, nec quod haberi
possit contemptui. Idem 23. Homilia su-
per Numer. de Magia naturali loquitur,
eam distinguens à Dæmoniaca, fallaci &
impia, quam damnat & improbat: Apol-
lonium Tyanæum in licita & naturali ex-
ercitatum fuisse, vt multi asserunt, sic nos
non negamus: Philo Hebræus lib. de le-
gibus ita scribit: veram Magiam, hoc est,
perspectiuam scientiam, per quam opera
naturæ clarius cernuntur, vt honestam
expetendamque non plebei tantum, sed
etiam Reges Regum maximi, præsertim
Persici tam curiosi harum sunt artium, vt
regnare non liceat, nisi familiariter ver-
sato cum Magis.

Nam Magia hæc est, vt alii definiunt,
summa, perfecta & consummata cog-
nitio Philosophiæ naturalis, in suis operi-
bus

bus miraculosis adiuta à notitia intrinseca & occulta rerum virtute, quæ applicata subiecto conuenienti, parturit miracula in rerû natura. Vnde Magi, tanquã diligentissimi naturæ exploratores, cognoscentes ea, quæ à natura præparata sunt & tempestiue actiua cum passiuis conuenienter applicantes, sæpius ante statutum tempus & à natura ordinatum, producunt effectus, qui vulgo miracula iudicantur, cum sint opera naturæ; neque interueniat aliud aliquid, quam anticipatio temporis: Vt si quis rosas florere faciat mense Decembri, frondere arbores Ianuario, maturescere vuas Maio, mouere pluuias in aëre, vel tonitrua, proponere videnda animalia diuersi generis, vt docet Ioh. Baptista Porta Neapol. lib. 2. de Magia naturali, vbi infinita traduntur miraculosa in natura; Idem quoque facit Rogerius Baconus: Iulius Camillus homo fide dignus asserit ab amico suo per alembicum formatum fuisse infantem, cui vitam aliquot horarum tribuit. Res mira, si vera sit. Huic simile est, quod Cælius de Budda, Gymnosophistarum princeps,

cipe, scribit, eum ex latere suo virginelū
produxisse: Sed nos hæc, vt accepimus,
ita relinquimus.

De Magia naturali & Magis, qui Abra-
hæ dicuntur ex concubinis nepotes fuisse
& in prouincia Maabas, margaritarū ca-
ptura celebri consedisse, (quorum tres ex
Oriente Bethlehemum ad adorandum
Christum natū venerūt, partim prophe-
tia, partim sua scientia ductu stellæ) alibi
in symbolis aureæ mensæ satis tractau-
mus: sub Bacono lib. 10. & Albert. Magno
lib. 6. De hoc Francisc. Georg. lib. de Har-
monia mundi testatur, eū conflasse caput
aheneum, q, vocem distinctis & intelli-
gibilibus verbis protulerit, veluti loco cita-
to de Bacono narrauimus, eum tale quid
conatum fuisse, vt vulgus Anglicanū re-
fert. Verum cum huius scientiæ, vt & reli-
quis, abusus accedit, nō multū abest, quin
in illicitā negromantiam, ad aliā eiulmo-
di magiæ speciem degeneret, q̄ fugienda
sit & detestāda, magis, q̄ amplectenda aut
exercenda: Cumque magiæ nomen hinc
male audiat, alio nomine cōuenientiore
hanc scientiam dignandā putamus: Non
ita-

itaq; sunt Magi dicti Fratres, sed philosophi, non inexperti medici, sed longo rerum medicinalium usu exercitatissimi, quorum Remedia non solum sunt licita, sed Manus Christi potentissime & diuinæ: Et sic eorum legem tam dignitate, quam ordine primam satis euoluimus, in reliquis breuiores futuri.

CAP. XIII.

Secunda lex Fraternitatis R. C.

*quod sit de habitu peregre itur-
ris mutando ex necessitate &
absque præiudicio alterius.*

NON pauci capitib. his de prima Fraternitatis R. C. lege huc usq; se extēdentibus perlustratis, veluti est plus Momorum hoc æuo, q̃ æstu muscarum, forte dicent, me culici Herculeos adaptare cothurnos, sed iis responsum velim, ex maioribus esse mundi tam magni, quam parui, (qui est homo) negotiis, quæ strictim saltem & per summa cacumina rerum percurrimus, non pro dignitate & precio suo consideramus: Ita de breuitate

potius huiusmodi sc̃riptionis excusandi,
quam copia accusandi videmur: Magno
nobis ore sonandum foret, si talia & tan-
ta pro sua magnitudine amplificare vel-
lemus & merito celebrare: Sed de his for-
sit tractatu. DE VERO INVENTO, vber-
rius dicendi occasionē habebimus. Nunc
ad secundam Aureolę Themidos legem
enucleandam aduertemus; Quę est:

*Dictos Fratres in sua peregrina-
tione nullo vestium habitu cer-
to & definito astringi, sed quem-
que se gentium, apud quas viuit,
moribus & vestitui accommoda-
re posse.*

Hęc positio est, sine qua nō possit prior
in actum deduci, ita vt id fiat cum emolu-
mento proximi & propria securitate.

Vt enim avis, etiam si taceat, ex colore
pennarum, vna ab alia distinguitur &
proditur, sic quoque quilibet ex suo ha-
bitu non mutato facile à quocunque alio
dignoscitur: Plurimos in potestatem ho-
stium vestitus agnitus redegit, non pau-

Quos idem mutatus ex eadem liberauit:
 Otho II. Imperator ad Basentellum vi-
 ctus in Calabria scapha delatus ad mare
 propter fugiendum à Piratis captus est, at
 non agnitus ob personę dissimulationem
 in vestitu & ob Graiæ linguæ cogniti-
 onem, magna numerata pecunia facile ab
 hostibus se redemit.

Econtra Richardus Angliæ rex è Ter-
 ra sancta redux, nescio quo malo consilio
 cum classis eius mare mediterraneum
 domum versus ingrederetur, re non ita
 bene in Terra sancta gesta, ideoq; odium
 omnium fere Christiani orbis principum
 meritis, præcipue Ducis Austriæ, per
 mare Adriaticum venit in huius ditionē,
 sed agnitus, grata præda inimico extitit,
 nec prius dimissus, quam magnam pecu-
 niæ summam illi, à quo detineretur, per-
 soluisset: Hic habitus prodidit, ibi cela-
 vit in casu personas.

Quodque Regibus contigit magnis,
 longe facilius privato alicui exitium at-
 traheret, præsertim si prædones aliquid
 utilitatis apud eiusmodi inermem olefa-
 cerent: Attritis vestibis plebei media
 l soli

foli in sylua cantare possunt, nec medica-
ta pocula reformidant, à quibus cau-
dum magnatibus: Nec vero sub vili veste
sapientia habitare presumitur, non in hu-
mili casa seu caula, sed in Regali aula:
Imo vulgus de sola veste externa & ha-
bitu de eo, quem cernit, iudicium sumit,
quod ut plurimum verum, at non raro
falsum est: Animus est melior pars ho-
minis, & habitat, ut hospes, in corpore:
Hoc utitur vestitu, non ille, qui per ser-
monem videtur & auditur, & à philoso-
phiæ scientiis proprie contra iniurias
mundi munitur, ut corpus à sartoris ve-
stibus contra elementorum furias cir-
cumcingitur.

Magaretha Gallix regina Alani Flan-
dri philosophi pulchram mentē in inue-
nusto corpore inclusam, eo dormiente,
osculata dicitur, cuius rei causam admi-
rantibus declarauit, quod hoc medio per
suam animā cum illius anima colloqui
quasi instituisset, nec basium corporis ad
eo deformis sensisset: Utque sic optima
mens in corpore Æsopico delitelcer
potest, hand aliter homo optimus, ment
& con

corpore, sub viliori vestitu: Causæ vero
 ar quis honesta veste decorari debeat,
 ant multiplices, quas partim in lusu serio
 b bombyce, partim in symbolis aureæ
 ensæ commemorauimus, hic non re-
 nsendas nisi obiter: Sunt autem his
 thmis metricis inclusæ:

*Hunc hominēs decorant, quē vestimenta decorant,
 In vili veste nemo tractatur honeste:
 Vir bene vestitus, pro vestibus esse peritus
 Creditur à mille quamuis Idiotæ sit ille:
 Si careat veste, nec sit vestitus honeste,
 Nullus est laudis, quamuis sciat omne, quod audis.*

Et iura videntur suffragari iam dictis;
 am talis prima facie, inquiūt, præsumi-
 quis esse, qualem vestes eum indicāt.
*em apud 15. §. si quis virgines ff. de iniuriis
 famos. libel. Speculator de his videatur
 us. Vnde Seneca ad vxorem Neronis:
 lue te delicate, non propter te, sed pro-
 er honorem imperii: Fuit autem ista
 ppæa Sabina, Titi Olii filia, equiti Ro-
 no Crispino ante nupta, ex quo filium
 spinum genuerat, quem impuberem
 R o occidit: Post diuortium tamē O-
 uia vnice dilectam eam in vxorē duxit*

I 2 Nero:

Nero: quam conuitiantem sibi, ictu calcis, suscepta prius ex ea filia Augusta, contudit: Illa Poppæa adeo delicate vixit, vt mulas, quibus agebatur, haberet aureis funibus subligatas, & quingentas asinas, quæ recēs peperissent: Eæ quotidie mulgebantur, vt ipsa earum lacte lauaretur. Formam enim & nitorem corporis magno studio curabat: Nam cum aliquando se non satis bona forma in speculo cerneret, mori quam senescere malebat.

Cleopatrz Ægypti Reginae & Lollia Paulinae meminit Plinius libr. 9. cap. 31. Hec fuit Caii principis matrona; Medicum, inquit ille, sponsalium cœna, victus, margaritis Imaragdisque opertam, quæ summa quadringenties H-S. colligebat. Sed hi muliebres in vestibus luxus, omnem modum superarunt, & Senecæ regulæ haud conuenerunt, qui honestatem maiestatem absq; dubio, cœu Philosophum respexit, non nimiam pompam & immoderatam luxuriam.

Verum dicti Fratres ad virtutem, non vitium exercendum & excolendum diuerso seu mutabili habitu collimarum
que

quem non vilem omnino, nec delicatum
 uel preciosum, sed honestum & medio-
 rem usurpant, nec suspiciendum, nec
 despicendum vulgo: Non enim amant
 ardes telasve araneorum, nec laquearia
 aurata, sed munditiem: Omnium ho-
 rum sunt homines, habentque causas
 auissimas, cur Prothei, Morphei vel
 vertumni vulgo occurrāt, ne tales expe-
 ritur mente, quales ipsi sunt veste: Mul-
 tum enim est mel in ore, fel in corde, laus in
 actis, fraus in factis.

Pluribus modis homines decipi pos-
 sunt, siue id fiat per fallaciam æquiuoca-
 tionis, siue amphibologiæ, accidentis,
 insequentis, compositionis, seu diuisionis
 aut figuræ dictionis: De his late per
 h. Andr. in reg. sine culpa. ii. col. de reg. iu-
 rin 6. in Mer.

Sunt igitur cauti Fratres, ne ignomi-
 osum simul & detrimentosum illis sit,
 ignorantiam decipi: l. 2. §. cum ser. ver.
 pe est enim. ff. de orig. iur. De iure quoq;
 est fraudem fraude repelli à quo-
 que, nisi in falsi crimen incuratur,
 ff. sing. in c. cupientes. in verb. malignan-

*tium, de elect. lib. 6. & inc. Dominus noster. 2.
q. 2. l. cum pater. ff. de leg. 2.*

Sed tale quid non intenditur per Fratres, qui sunt simplices, ut columbæ; prudentes ut serpentes, iuxta Saluatoris nostri admonitionem: Dolum non cogitant, sed cauent, nolunt decipere nec decipi: Vestem mutant, ne alii mentem Honorem ex hac appetunt, non ex illo: imo vix appetunt, quia incogniti non ne maneant & oblatum Fraternitatis gratia non agnoscant, at recusent: ut viri bene ni vero, admittunt: Nulla est hic presumptio doli.

Licet enim non solum vestem, sed nomen variare in diuersis locis, cum fiat absque præiudicio aut iniuria alicuius hominis, sed cum bono id agatur. Nec vero signum mutat signatum, et accidens substantiam tollit: Sunt nota nota & vestimenta velamenta induorum, sine quibus horum nuditas, et tunc obscuritas permaneret: Philosophi antiquis, veluti & sacerdotibus Ægypti linea & alba fuit vestis, qua illi ab aliis sunt agniti, veluti Pythagoras, cuius

sectatores & Apollonius eadem vfi sunt, tum ob mundiciem corporis, tum vt mentis candorem eius candore indicarent: Istum illi habitum nunquam mutarunt, nulla existente causa, vti nec monachi suo quique vestitu gaudentes: Sunt multæ volucres quibus natura hoc privilegium indulfit, vt vocem mutant cum pennis hyeme, vt patet in Coccyge, ne scilicet male exciperentur ab aliis, quibus ingrata forent.

Idem in non paucis contingit animalibus: Liuania & Lithuania, cæteræque istæ Sarmaticæ regiones Brumali tempore lepores albos, æstiuo eosdem communis coloris habent: Chamæleon mutat colorem pro colore rei, cui appropinquatur, & sic sæpe venantium insidias effugit & latet: Ita pisces nonnulli, Polypus, Sepia & similes euadunt: Formicæ & pleraque insecta ex reptilibus fiunt volatilia, nec agnoscuntur, qualia fuerint prius.

Quod itaque omnis natura docet, ratio suadet, ius admittit, mos hominum requirit, rei necessitas postulat.

I 4 nempe

nempe vt Fratres R. C. non certo alicui vestis generi sint adstricti, quidni instituto & lege introducerent, vsu probarent & actu exprimerent?

C A P. XIV.

Tertia lex est, quod quotannis ad certum diem & locum conuenire debeant, vt nimirum fiat animorum coniunctio, inque rebus arcanis collatio.

OMnis ordo equestris vel monachus habet suas Regulas multis in eadem societate viuentibus ab Authore eius primo præsriptas, inter quas hæc semper reperitur, quod singuli commanere debeant, aut si hoc non licet, certo tempore & loco conuenire: Nisi enim aliquando cœtus cogerentur & semper dispersi essent, nulla animorum & consiliorum fieret collatio, nec vnus alteri doctrina, pietate & virtute præluceret aut exem-

exemplum præberet: Multæ amicitie absentia perpetua amicorum dissolutæ sunt & obliuione prorsus deletæ: Quid enim amicus prodest alteri, cui nunquam adest? Quid frater fratri, quo carere cogitur in necessitate? Literis quidem inter absentes fieri colloquium potest, & absentia mutua remedium, at nescio quid sermo loquentis, oculi, aures, manus amici peculiaris efficaciam habeant, præ mutis & surdis chartis, quæ nec responsum dant quærenti, nec se interdum satis explicat, ut viua vox vtrinque desideretur.

Hac de causa voluerunt quoque Fratres R. C. ut ad minimum semel in anno omnes vno in loco conuenirent, ne semper dispersi sui instituti immemores euaderent: Quæ lex ut tertia est in serie, sic dignitate; quæ Synodus vere Pythagorica quotannis indicitur: Conueniunt enim in ea philosophi antiquis neutiquam cedentes doctrina, rerum naturalium & admirabilium experientia, virtute & morum modestia, qui non de numero filiorum Niobes aut simili materia differentes diem terunt, sed abdita nature myste-

l 5 ria,

ria, automata, Mathematica, Astronomica & Astrologica in medium discutienda proferunt: Pythagoras discipulos suos monebat, vt domum reuerſi quotidie hæc apud ſe voluerent:

Πῶς πρὸς βίω, τί εἰς ἔργα, τί μὲν δὴ οὐκ ἐπὶ δέξιν.

Quo ſum progreſſus? quid geſtū in tempore? quid nō?

Eundem ad modum Fratres R. C. domum reuerſi, ſeu ad locum notum, ruminant quid boni egerint, noui audierint, miri viderint: Quid in artibus & ſcientiis didicerint, quid cum axiomatis earum conuenire, quid non, obſeruarint: Libris inſcribitur, quicquid memoria dignum & ſcitu neceſſarium, vt ad ſucceſſores idem perueniat, quod ab illis ratione indagatum, vel experientia probatum eſt: Sic cumulus doctrinæ accreſcit, & indiuidua plurima faciunt ſpeciem, hoc eſt, ſingulorum experimenta dant axiomata & vniuerſalia, quæ deinde Intellectus contemplatur amplius voluendo & reuoluendo, donec indubitata & certiffima appareant.

Hæc Schola ſeu Synodus non cedit Lycæo Ariſtotelis, & niſi fallimur, illud quo-

quoque longe superat: Ibi enim ambulantes philosophi (hinc Peripathetici dicti) diserebant in vtramq; partem de quacunq; re proposita, nimirum de naturalibus, moralibus & Metaphysicis, nec aliquid certi tandem concludebant in principiis aut finibus, semper herentes, rixantes & aliis contradicentes, Exempli gratia, quid sit anima hominis an Actus primus, an quid aliud, an ἐνδελέχεια, an ἐντελέχεια, an sit ex traduce, an vero ab extrinsecus in corpus mittatur, & huiusmodi questionum aliquot Myriades: Raro conveniunt in vno vero, cui non contradicatur ab aliis: Vt fluctus fluctum pellit in vasto Oceano, sic apud illos opinio opinionem in philosophia.

Inventum est ad hoc instrumentum, quo in vtramque partem disputandi fit professio: Verba sunt, quæ à multis proferuntur, rebus inania, nec vnquã ad probam seu effectum perveniunt: Disputent, quoad lubet, de metallorũ natura, ortu, & transmutandi vnus in aliud possibilitate vel impossibilitate; Disputent, q̃ per Logicã veritas ignota ante, possit fieri notior
&

& quis fieri ex ea doctior & rerum abditarum peritior: Mihi nihil eorum persuadebunt: Si nihil eorum, quæ tanto zelo propugnantur, possit in actum perducì, ita disputare est saltem ludus ingenii & iactantia: Hic Rhodus, hic salta.

Quidam philosophus audiens alios de virtute, quid sit, disputantes, & quando, inquit, hi tandem incipient virtute uti? Si quis Physicus sit optimus, ut multi se venditant, cur non disputationibus vanis omissis, Physicum opus, hoc est, Tincturam naturalem perficit? At hanc negat & somnium esse putat, nulla alia causa, quam ut celet ruborem suæ ignorantia, & velum obtendat imperitiæ: Alii vero vicissim eius Physicam negabunt, quæ multa in meris verbis, nulla in rebus ipsis convenientia fingit, disputat & profert: Quomodo Eques dici poterit, qui nunquam equitavit, quomodo faber, qui nihil fabricavit, quomodo Philosophus, qui philosophiam nullo experimento reali, nisi verbotenus, veram declaravit.

Sed obiiciunt, aliam philosophiæ partem esse mere contemplatiuam, ad quam
Phy-

Physica omnis, Mathematica & Metaphysica referuntur, aliam actiuam, ad quam Ethica & Politica: Plato ægre tulit Mathesin ab Eudoxo & aliis ad sensibilia subiecta translata esse. (utpote Arithmeticam ad proportionem numerorum inueniendas in communi vita, Musicam ad cantiones & sonos formandos harmonicos, Geometriam ad corporum capacitatem, spaciorem, terræque interualla metienda & inuenienda, ad automata & mechanica efficienda, & sic de aliis) ac ille forte magis inuidia, quàm ratione motus fuit: Quid enim nuda speculatio horum tantorum Dei Magnalium profuisset humano generi? An melius est, cogitare bonum, quàm dicere, & dicere, quam facere? Idem de Physica intelligendum, cuius sola contemplatio non est vera, nec utilis: Quomodo enim vera esse potest in causis, quæ nunquam probatur opere uel effectu? Fuere tamen philosophi, ut ante relatum, qui non minus Physicam seu naturæ scientiam actu, quam Mathesin exercuerunt, quales Magi apud Persas, Gymnosophistæ apud Æthiopes, Brach-

Brachmanę apud Indos sacerdotes apud
Ægyptios fuere.

Eiusmodi & Fratres R. C. habentur a-
pud Germanos: Horum conuentus non
est abiq; fructu veritatis: Habent Eccle-
siastici sua concilia, & seculares comitia,
quibus de bono vel Ecclesię, vel Reipub.
agitur, ita & hi conuocantur, vt veritati
testimonium perhibeant, naturę domi-
næ homagium præstent, aut potius vt
Deo omnipotenti hymnos canant, gra-
tias agant, pro naturę bonis & veritatis
donis.

Qui Feudi Regalia solenniter sibi con-
firmari negligunt à superiori principe,
eo priuari possunt, tanquam superbi &
ingrati: Sic qui accepto Naturę feudo
non compareret ad summi largitoris vo-
luntatem & nutum loco & tempore de-
bitis, indignum se eo munere declararet,
& qui priuari deberet, pœnisque subiici.

Verum vt nulla Regula tam firma est,
quin exceptionem admittat, ita & huic
legi ea additur, nempe vt absens suę ab-
sentia causas exponat per alios vel per li-
teras: Infirmus enim excusatur quocun-
que

que iure vt ab ignorantia supina, hoc est, ab eo, quod facile potuisset scire, sic quoque ob absentiam, *c. Apostolica, de cler. excomm. c. proposuisti. 82. distin. Bartol. in l. is potest. ff. de acquir. hered.* Et regulare est, quod quis per se potest, hoc ipsum & per alium facere potest. *Salic. in l. non ideo minus. C. de accusa. & in script.* Impedimenta autem alleganda sunt in scriptione, *Bart. in l. diuus. 25. §. idem in filium. §. ff. ad leg. Corn. de fals.*

Quis vero sit locus, & quod tempus eorum conuentus, determinari nequit: Maneant illæ circumstantiæ aliis quorū nil interest, adhuc obscuræ, quamuis de loco satis per ænigmata, vt decet, in Symbolis aureæ Menlæ lib. 6. differuerimus, quibus forte rem tetigimus, aut si aberrauimus à veritate loci, non tamen à re ipsa longe abfuimus.

Vidi aliquando Olympicas domus, nō procul à fluuiolo & ciuitate nota, quas S. Spiritus vocari imaginamur: Helicon est, de quo loquor, aut biceps Parnassus, in quo equus Pegasus fontem aperuit perennis aquæ adhuc stillantē, in quo Diana se lauat, cui Venus vt pedissequa, & Saturnus

tur-

turnus vt ante ambulo, coniunguntur: Intelligenti nimium, inexperto minimum hoc erit dictum. Tempus, Brumale potius arbitramur, quam æstiuum, quia illud magis, quam hoc, aptum peregrinationi multi putent, quod tamen in dubio relinquimus & aliis indagandum, si qui forte curiosiores extiterint, propinamus.

C A P. XV.

Quarta lex est de persona in locum cuiuslibet idonea eligenda, ad Fraternitatis continuationem inuenta, cum indiuidua perdurare nequeant.

CVM sublunaris huius regionis Indiuidua perpetuæ sint vicissitudini obnoxia, vt non immerito ille apud comicum seruus dixerit: Heus tu, omnium rerum vicissitudo est, ac nullum eorum, præsertim in hominibus, admodum diu perdureret, sed quodlibet transcat, mutetur & per-

crearet, hinc propagatio seu generatio illis pro Remedio à creatore concessa & indulgentia est, quo illud, quod non posset eodem in numero, saltem in specie permaneret. Hoc est mundi, alias perituri, Alepharmacum, quo quodlibet incitatur ad sui multiplicationem, tam terræ immissa & infixæ, ut sunt mineralia & vegetabilia, quam animalia, & inter hæc nobilissima creatura, homo. De cuius vitæ brevitate multi philosophi conquesti sunt, ut Hippocrates in aphorismorum initio, vitam longam, vitam breuem, & Theophrastus ille Aristotelicus cornici longiorem, quam homini, datam vitam, deplorat, inquit eo naturam, nouercam huic, illique matrem fuisse, accusat.

Cum quoque Fraternitatis indiuidua singula ei naturæ necessitati & citationi peremptoriæ sint subiecta, ita ut esse in terris apud viuos desinant, inque locum omnibus mortalibus communē abeant, non iniuriā ab eorum Legislatore & hæc ex promulgata est, ut quisque sibi prospiceret de idoneo & digno successore, qui eius defuncti vicem & locum suppleret:

K In

In qua philosophica & libera electione, a libi scribunt, nihil valere ius naturæ, aut cognatorum successionem, imo nec ipsorum filiorum aut fratrum, sed solam virtutem, eruditionem, taciturnitatem, pietatem & alias dotes huc spectantes.

Apud Ægyptios filii in patrum vt hæreditatem, sic functiones & artificia antiquitus succedebant: Inde figuli filius figulinam & fabri fabrilem artem ex lege disciebant: Reges vero ex sacerdotibus, sacerdotes ex philosophis eligebantur, & philosophi erant philosophorum filii, sed in scientiis hic pater & filii erant valde impares: Bona fortunæ transmitti possunt ad hæredes, non semper animi: præsertim huiusmodi, qualia Fraternitati sunt propria: Qui hæc favore alterius rei, quam virtutis, vel precio, vel pæce concedit, præiudicat summo ludici & Datori, & Talentum suum male collocat: Feudâ ab alienari nequit absq; consensu Domini, multo minus ad inimicos seu hostes Domini transferri: Quid dicendum de hoc DEI Dono, alicui mutuo dato, non proprietario? Philosophi volunt id muneri

is nemini cōcedendum, nisi cui Deus
 conferat, vel illuminet intellectum,
 apprehendat obscure dicta & enigma-
 pientū: Alii tradunt, nulli fidendum,
 absumpto salis modio cum eo in so-
 rate & bene probato, veraci, docto, fi-
 quales perpauci inveniuntur: Ami-
 as nonnulli dicunt, nō comparandas
 nequis, qui quo iuniores, eo gratiores
 entur, sed cum vino & auro, quorum
 id antiquius, melius censetur, cæteris
 bus. Ita quoq; iudicandum erit de hac
 anda societate, in quam illi neminem
 piunt, nisi probatum virtutibus, vt au-
 gnibus: Antiquitus Lampadopho-
 certamina seu festa Athenis institue-
 tur in honorem Promethei, Vulcani
 lineræ hoc modo: Quidam faces in-
 las currentes deferebant in urbem, &
 as fax exstinguebatur, sequenti victo-
 concedebat, quiq; ardentē ad metam
 elerat, victor erat; hinc illud, Lampa-
 cursu alicui tradere: Qua festiuitate
 aliud adumbratū est, nisi arcanorū
 rundā propagatio, cum fax extincta,
 cedentis mortē denotet, & successio

alterius cum ardente face, vitam subsequens: Dii autem illi, qui aram communem habuerunt, spectant ad arcana Chymica, quasi ea per manus vni ab alio tradantur & in mentem instillantur.

Hæc est scientia scientiarum, quæ ex Iouis cerebro prognata fingitur, ipsa Pallas seu Minerva, Sapientia, diuinæ lucis radius, qui spargit igniculos in mētes humanas, easq; illuminat, vt videre possint quid verum, quid non sit in rebus naturalibus: Hæc est intellectus soboles, cuius propagatio equæ necessaria est, ac corporis: Corpus non cum quocunq; conspirat corpore, ita nec animus cum animo. Probandi sunt spiritus & ingenia hominum, ne gladius in furiosi manū aliquando incidat, & passim damna fiant: Res nim per se bona, pessima fit à malo possore, vt vinum salubre & clarum in vase impuro & male olente inficitur in colore & gustu: Archimedes gloriatus est, si vixisset, saltem pedem in alio loco posset firmare suis artibus mechanicis totum hunc terrarum orbem moturum esse: Quid maleuoli conarentur, si ad tanta fecerant

eruenirent, eorumq; potestatem in sua
 manu haberent? Forte idem, quod ille,
 non arte, sed Marte, non ingenio, sed do-
 ctore. Humanus appetitus in eiusmodi indo-
 citis non patitur cancellos aut repagula,
 sed libere vagatur in immensum.

Verum quæritur, cur electionem noui
 patris initiandi suis rebus instituunt, &
 non potius omnem illam scientiã, quam
 crete habent, omnino intercidere si-
 nt, aut, si hoc nolint (vt & indignum est
 statu) cur publicis typis non commit-
 unt, vt ab omnibus haberi, legi & intelli-
 possit, aut, si neque hoc, cur non singuli
 uires adoptent, & Fraternitatem sic am-
 plissimã faciant seu in centenas fere per-
 sonas extendant? His satisfaciendum re-
 sponso autumamus, ne nodum frustra in
 ipso quæsisse videantur.

Ad primum, cur eligant paucos & ar-
 guta sua perire nolint, dicendum, quod
 iusque causam habeant grauissimam;
 Augustus Cæsar prohibuit Æneida Ma-
 ius defuncti ex testamento huius man-
 dam flammis, ne periret laus Romani
 minis, cui ille Poeta multum adfinxit,

K 3 fabu-

fabulas pro veritate seminans per orbem
veluti Homerus fecit apud Græcos: A
non multo magis Fratres R. C. & h
um Antesignanus seu Author, sua a
cana, naturæ opera, DEI Magnalia,
ex omni hominum memoria excidat
prohiberent? Absit, vt tantum ne
committatur & in Chaos redeant tan
artificia, in obliuionem tam pulchra,
cunda & vtilissima inuenta: Non in
Romani, sed Diuini nominis gloria
est, nullis fabulis, sed veris inuentis p
paganda.

Antiquorum plurima arcana deside
mus, quæ partim scripta, per incēdia, p
tim nō scripta, ex mente & vltu homin
perierunt; cui interitui vt remedium
hibeatur, vtile est, per paucos myst
nunc nota conseruari & aliis ministr
Sic artes ante diluuium binis colum
inscriptæ leguntur, ne aquis vel fla
mis delerentur, post apud Israelitas
aliqui tradunt, Cabala seu rerum se
tarum scientia, ore tenus alteri cree
da, inoleuit, cuius adhuc vmbra
tius, quam quid solidi Iudæorum F

hini profitentur: Apud Ethnicos varia
 fuere collegia & societates, quibus non
 nisi castæ & immaculatæ vitæ tam fœ-
 minæ, quam viri initiabantur, vt sunt
 Eleusinia, Samothracia, Dionysiaca, seu
 Trieterica, & multa alia, quorum alibi
 meminimus; ne quid de Ægyptiorum
 sacerdotum, Brachmanum, Magorum,
 Gymnosophistarum, Pythagoreorum,
 Democritorum & his similium congre-
 gationibus philosophicis quid dicamus:
 Non in has quilibet ex vulgo receptus
 fuit, sed optimus ex doctissimis, vel do-
 ctissimus ex optimis: Perpauci itaque
 & selectiores non immerito quoq; à Fra-
 ternitate R. C. sibi associantur.

Ad alterum quæsitum, cur sua arca-
 na non diuulgent per publicam impres-
 sionem librorum, referendum, id in-
 consideratum & Mida dignum iudicium
 esse:

Sunt multa in Republic. plurima
 in diuinis, non pauca in natura, quæ in
 vulgum spargi non conuenit; ideoque
 non inprimi ea debent, nec permit-
 tuntur, ne scilicet confusio in mundo

contingat: De Reipub. arcanis quidam
iam pridem in genere scripsit: De diuinis
nemo ausit, quamuis Dei arcana propa-
landa, Principum magnorum celanda
dicantur: Alexander Magnus in Ægy-
pto agens à Leone sacerdote cognouit,
Deos ibi & tum per orbem cultos, utpote
Iouem, Dionysium, Martem & alios ma-
iorum gentium, ut vocât, non esse veros,
sed allegoricos, & homines fuisse, quod
arcanum ille ad Olympiadem matrem
perscripsit, mandans ut lectam epistolam
Vulcano consecraret, ne scilicet inde o-
mnium conturbatio hominum, eos pro
diis colentium fieret: Hoc itaque publi-
cari inconsultum fuit: Ita in natura oc-
cultum apud philosophos huiusce ordi-
nis inuenitur, quod apertum non minus
multorum confusioni ansam præberet:
Neque id inuulgari vlla ratione debet:
Ad tertium, dico, arcani naturam nō pa-
ti, ut simul arcanum maneat & pluribus
cōmunicetur: Nam etsi multi forte sint,
qui satis idonei foret ad id recipiendum,
tamen inter illos pauci, qui apud sese so-
los conseruarent: Quis enim Pythagoræ
per

per quinquennale silentium & vocis cō-
pressionem, doctrinam magis appeteret,
quam locutionis consuetudinem serua-
ret? Quis seruituti linguam, vt mentem
scientiarum libertati addiceret? Nemo
computrescere verbum in ore suo sine-
ret, nisi forte paucissimi, exemplo illius
philosophi, cui graueolentia oris obiecta
cum esset, Nil mirum, inquit, quia multa
in eo arcana computruerunt: Ad paucio-
res ergo ea secreta spectant, ne multi in-
ueniantur publici secretarii & plures ar-
canorum aucupes,

Cur vero fors non tangat omnes, qui
id exoptant, non est forte in eorum cul-
pa, sed decimationis, qua ex bonis opti-
mi, ex doctis doctissimi eliguntur: In ma-
gnorum principum aulis non semper ad
gubernacula & officia sedent omni ca-
rentes vitio, sed quales placuere Domi-
nis, præ iis, qui cogniti fuerunt, non præ
incognitis simul, illorum enim nulla fuit
cupido, nec ex iis electio; licet forte non
minus virtuti aut doctrinæ sint dediti,
quam alii: Inde nec causa est, cur ignoti
obstrepāt ignotis, ac illis suam ostendent

K 5 digni-

dignitatem, de quibus suo loco, nempe in Silentio post clamores tractata dicto, fatis differuimus, vnde quemlibet ad Silentium illud ea de causa ablegamus.

C A P. XVI.

*Quinta lex, quod litera R. C. Fraternitati debeant usurp-
ari pro Symbolo characteristico
seu sigillo, quo agnoscatur.*

A Pud Ægyptios duplices fuisse literarum notas accepimus, sacras, Hieroglyphicas à Græcis dictas, quia sacris solis adhiberentur rebus, & sacerdotibus cognitæ fuerint, non vulgo, & prophanas, quæ cuicunque per doctrinam innotuerint: Sacræ per animalium, vegetabilium aut mathematicas fiebant figuras, marmoribus insculptas, velut adhuc Romæ ad Portam populi seu S. Mariam de Niue, & Maiorem, alibique ex Ægypto

pto Pyramides eo nauibus integræ ap-
portatæ Augusti auspiciis, apparent, vn-
dique istis literis refertæ, quarum scul-
ptura interius tendit, nec protuberat,
vnde maxime est durabilis: Prophanæ
per ductus linearum, instar Græcarum
aut Hebræarum constabant: Vtrasque
Sacerdotes ibi tenuerunt, his ad captum
vulgi, illis ad sapientum vsi: Hierogly-
pha Grammata enim fuere sapientibus
veluti Symbola & Characteres sibi co-
gnitæ sapientiæ, quam non licebat alteri
aperire vel exponere sub iuramento in-
initiationis Isidi, cæterisque diis, aut po-
tius summo Numini præstito.

In his se exercebant iuniores philo-
sophi & studebant, vt ad intellectum co-
rum peruenirent, suo ingenio & Marte,
& omnes his sibi mutuo communica-
bant consilia: Hic Phœnicem (qui pro-
prius est Chymix, nec alio spectat vt alibi
in Noctux præfatione demonstraui-
& in Symbolis) soli dicatum animal ha-
buerunt, eumq; omnibus aliis notis sacris
æquiuallere tradit Orus Apollo: Eun-
dem ad modum moderni in Germania
phi-

philosophi, Fratres R. C. dicti, diuersas habent literas, quibus vtuntur, quo ad significationem mentis erga notos, celtationem contra alios.

Symbolum vero & caracterismus eorum mutuae agnitionis ipsis à primo auctore præscriptus est in duabus literarum notis, nempe R. C. eaque est quinta Fraternalitatis lex & positio: idque ideo, ne omnino Anonymi essent, cum nomen Auctoris latere sit necessarium tum pro continuatione societatis, tum tutela: Interim fruerentur his binis adminiculis, quæ pro cuiusque captu interpretationem admitterent. Nec enim diu abfuit, cum primū hæc Fraternalitas per aliquod scriptum emanauit, quin mox interpretes illorum se obtulerit, qui ea Roseam crucem significare coniecero, cum R. rosas & C. crucem designent: In qua opinione hucusque res permanfit, licet ipsi testentur fratres in posterioribus scriptis, se ita perperam vocitari, sed R. C. denotare nomen sui primi Auctoris symbolice: Si mens hominis vnus, alterius mentem introspiceret & ideam seu speciem sensibilem & intelli-

telligibilem in ea formatā videret, non opus esset verbis aut scriptis humano generi: At quia illud homini negatum in hac corporea subsistentia & meris Intelligentiis absque dubio indultum sit, rationis concepta per orationis & scriptionis symbola alteri alteris explicamus: Hæ itaque literæ magnæ sunt efficaciam, cum complectantur totam societatem inque ordine retineant, ne curiosioribus detur occasio ex integris nominibus deducere omina, vel ex familiis loca, ex locis personas, ex personis rerum arcana.


Habent ordines equestres quique sua insignia, Rhodii seu Maltenses duplicis crucis, Burgundiaci Velleris aurei, S. Georgii fasciæ tibialis (olim de crure mulieris in chorea delapsæ) & alii alia: Hi vero fratres, qui non minus Deo militant bonam militiam, habent R. C. pro suo sigillo, quod non auro ostentant, sed in papyro: Melitenses scimus equites magno pietatis zelo elegisse imaginem geminæ crucis in memoriam Christi saluatoris, qui in ea pependerit, accipientes signum pro signato, vel continens pro contento:
Idem

Idē de Velleris aurei signaculo statuendū
 est q̄ licet prima origine magis sit allego-
 ricum & Chymicum, q̄ historicum, vt in
 Hieroglyph. lib. 2. satis demonstrauimus,
 tamen ad agnū Dei tropice referri potest
 in pietatis exercitiū. An tale quid de peri-
 scelide leu tibiali muliebris cruris vincu-
 lo intelligi possit, nescio, an non magis ad
 partē spectet, cui illigatū fuit, corporis, q̄
 mentis, non est meū iudicare: Veritas hic
 loquat̄ nuda & S. Georg. (Vtopienfis) sit
 arbitet. Ita nō est dubiū, has quoq; literas
 R. C. reuera aliquid denotare, ad q̄ respi-
 ciāt Fratres, quoties eo vruntur simbolo:
 Augur nō sum, neq; vates, licet laurū ali-
 quando momorderim & in Parnassi vm-
 bra paucas horulas dormierim, nihilo-
 minus, nisi fallor, eotū characterum R. C.
 expositionē in ænigmatib. lib. 6. Symbo-
 lorū aureę Mensę, latis euolui: R. n. Pega-
 sum & C. Iuliū significat, si ad mentē non
 sonū verbi respiciatur: Sit tibi clauis, A R-
 CANORVM COGNITIO: En dabo Arcā:
 d. w m m l. z i i. w. f g q q b k a. x. Si potes, ape-
 ri: Nec pluribus, nec clariorib. opus est:
 An nō hic est vnguiculus Rosei illius Leo-
 nis aut gutta Pegaseæ Hippocrenes? Nec

propterea Isidis aut Eleusi sacra aperui:
 Nullus est, q̄ me intelligit, nisi sit valde in
 rebus & verbis expertus, cui parū dixi nō
 omne, genus, nō speciē: Sunt q̄ ex nomi-
 nū priorū literis conformēt Anagrā-
 mata, p̄ bono nominis omine: At specu-
 lari, quid in R. C. sit ominis, operæ preciū
 iudicauero: Rosea Crux, γλυκίπικρον qd de-
 notat, Ha ha, eheu, cachinū & querelam,
 dulce-amarū, gaudiū & mœrorē: Nam in
 rosis viuere & sub cruce sunt cōtraria, hu-
 manæ vitæ nō inconueniens Idea. Homo
 in hunc mundū, dum nascitur, (dolore ex
 mutatione loci & vena vmbilicali, qua in
 vtero nutrit⁹ fuit, rescisa exorto) illachry-
 matur, & nō ridet, vt Plin. ait, ante 60. diē:
 quo intermedio tempore multū lachry-
 marū, eiulatus, & querimonix effundit,
 cui gaudium, quo per annū fruitur inte-
 grū, neutiq̄ par est: Plus itaq; crucis, quā
 Rosarum tum sentit, vt & tota sua vita:
 Sed ego potius R. pro substantiali & C.
 pro adiecta parte habuero, contra quam
 fit in Roseæ Crucis, vocabulis.

Cæsaribus Germaniæ antiquis, Caro-
 lo Magno & eius successoribus, in vsu
 fuit,

fuit, signa manualia vsurpare & in subscriptionibus suis adpingere, veluti & Notariis, aliisque adhuc consuetum est; Tale quid, huic Fraternitati conueniens, ponere, nec deficiens, nec superfluum, possibile foret, & propter ingeniosiores, quibus hæc scribimus, sit eiusmodi Anagrammaticum:



In hoc enim R. C. sunt acrostichis, cætera dabit indagatio: Nemo autem adeo erit p̄posterus, vt existimet huic figuræ literali inesse singularem efficaciam, vt in voce, Abracadabra, multi imaginantur & eiusmodi aliis: Id enim non inuimus, sed nostræ coniecturæ de literis R. C. pro symbolo vsurpatis Fraternitati, saltem causas & demonstrationem reddimus: Fingat sibi alius alias, pro libitu, cui non contradicimus: Clode no marri im iun die sit udaoltan plesaritto: leait os Vperrimit cegmufiemon tus polcopitto, im oe igmon cemflu musalun, im hee musaluron os immusaluron: Hæc esse vera, nemo negabit, qui nostra scripta mente perlustraerit.

Non

Non multum de verbis curandum, qui-
 lam inculcent philosophi, si de rebus cō-
 tet. cum res sint absque verbis, non ver-
 ba absque rebus quid significant: Laco-
 nismus quidem est in R. C. quoad literas,
 sed Aſiana redundantia, quoad intelle-
 tum: Cum quidam rex minitaretur La-
 conibus longa ſcriptione, niſi ſibi gratifi-
 arentur in negotio tum præſenti, vel ex-
 quiſite explicarent, cuius eſſent animi
 ſacones Epistolæ Regiæ aliam quantita-
 te correfpondentem, nihil in ſe, niſi has
 ſuas literas maiuſculas, O Y. continen-
 tem remiſerunt, indicantes ſe eius verbo-
 tatem vno Non, reſtringere, & minas
 troces, vix duobus apicibus vel jota æſti-
 mare: Nec enim curandum eſt ſemper,
 quantum, ſed quale dicatur, cum bonitas
 aſciotis præponderet magnitudini ma-
 ioris, ſeu qualitas quantitati.

Hinc canina illius litteræ R rabies &
 media illa C. Luna non ſunt deſpicien-
 tia Elementa: Si enim Sol illis medius
 dueniat, cor efficiunt, quod prima-
 tum eſt in humanis viſceribus, ſi ſyn-
 critatem coniunctam habeat, ſacrifi-
 cium

ciū vnicū Deo grātū, quoad voluntatem, existens.

CAP. XVII.

Sexta & vltima lex est, Fraternitatem R. C. centum annis occultari debere.

Cum vulgus quid occulte geri vel habere sentiat, nec causas tantæ rei intelligat, mox ex Idiotica sua imperitia iudicat, id esse malignæ proprietatis ac erubescere, vt in prospectū veniat; Mala, inquit, in tenebris fieri solent: Hoc qualecūq; sit, non audeat videri, palpari, diiudicari: Ergo malum est: Cumq; hāc apud se captionem alogisticam formarit, in ea, tanquam re bene confecta, acquiescit & Censoriam stringit virgulam, vocans id pessimum quod occultum, & fugiendum vt vitium, quod ignotum sit.

Idem arbitrii sacra illa Eleusinia antiquitus abditissima habita & reliqua omnia eius census passa sunt; Cur nō in apri coguntur, quæ sunt honesta, quærun

per

multi, cur si fugiunt oculos & iudicium
 honestorum, non omnino supprimuntur?
 quasi omnia honesta arcana propalan-
 sint, aut inhonesta non cognita: Quic-
 quid in thesauris & gazophylaciis princi-
 palium continetur, imo in cancellariis aut
 secretorum claustris, an hoc omne, quia ho-
 nestum vel bene partum sit, eliminandum,
 veligi oculis & manibus exponendum? Ne-
 cessario sane mentis hoc dixerit, nisi forte pre-
 torio sit animo, & adunca manu: Ad
 pseudologysmum illum dico, quod in foelici
 sortu natus sit: Maior nam si negative (iux-
 ta terminos minoris) intelligenda sit, pure
 negantes nihil concludunt; si minor vero af-
 firmative, ut maior: Mere affirmantes in se-
 cunda figura nihil sequitur: Si alterutra nega-
 tive & affirmative, quatuor termini non
 sunt syllogismus: Cum itaque simile iudici-
 um de Fraternitatis occultatione, simile
 responsum nobis erit in promptu, quod
 rem iudicatum cadere debet: Cur vero
 fratres R. C. latere non debeant in loco
 personis, cum in latibulis non semper he-
 rent, sed maxime per mundum, ut sapien-
 tes, quibus omne solum patria est, versentur?

Cur non peregrinentur incogniti? An forte, si agnoscerentur, tantum boni expectent, an plus mali? Qui multum & sæpe homines & terras obeunt, multa dicuntur hospitia experiri, pauca candoris fœdera, varias blanditias, nullas fere amicitias, ita vere dicendas: Si hoc etiam illis, qui ortu, nomine & officio agnoscī nō refugiunt, contingit, nulla est causa, cur se quis totum aperiat & quantus qualisq; sit, omnibus absq; discrimine ebuccinetur: Dicunt ne tam sacræ quam prophanæ literæ, nos omnes in hoc mundo esse peregrinos, ac cœlum appeti debere pro patria? Nil itaque mirum, si peregrinus peregrinum non agnoscat: Peregrinantur mortales etiam in natali solo, proprio agro & paterna domo, respectu veræ & permanentis patriæ, suntque congenitales omnes: Ete contra in patria viuunt, etiam si orbem terrenum pererrēt, mundana: Ciues & exteri in nullo differunt: Vnde eandem viam esse, alii dicūt ex hac vita migrandi in aliam siue bonam, siue malam, vndecunque instituatur: Cur itaque non se absconderent a mentibus illorum

rum, quos probe non habent cognitos, ab oculis, auribus & linguis vulgi, etiam cum videntur, audiuntur & nominantur ab illo? Lupus in fabula esse dicitur, cum quis præsto est, qui longius abesse putatur: At in his nihil minus, quam quid lupini est aut vulpini: Omnia sincere & beneuole agunt, & aliquando ad sunt etiam illis, à quibus desiderantur insciis: Si hoc est, occultari, *Vlysses* ille, qui fingitur tot orbium & gentium spectator, toto vitæ suæ cursu delituit, quia plurimum peregrinatus est: An non potius Cyclops ab eodem leoculatus, ut versus in latebris & cauis, insenuit, qui gloriatus est, se neque solem orientem & occidentem vidisse vnquam, nec timere Deorum quemque, nec colere nisi vnum, nempe ventrem suum?

Huic per similes multi in orbe degunt, qui magis facto, quam verbo sese eius imitatores declarant, in mediam stertentes uicem, vino somnoque sepulti, instar Sieni illius, *Hesternæ inflati venas, ut semper, accho*: qui ventri ingerunt, quicquid à diversis mundi locis comportatum est, sequeq; saginæ potius, quam sapientiæ mancipant:

cipant: Hi omnibus agniti vicinis sub vitis occultantur suis, hoc est mens eorum rationalis sub brutali cestro corporis, qui non bibunt & comedunt, vt uiuant, sed vice versa, viuunt, vt bibant & liguriant habentes animam (vt suillum genus) in corpore, ne hoc putrescat, pro sale: liden ea exercitia luxuriandi noctu, diu, continuant, putantes honesta, ideoq; non pallianda, multis cōmunia, & hinc nō abhorrenda aut tegenda, sed aliis quoq; pro exemplis ministranda.

Helotas Lacedæmonii ebrios & scurriles pueris ob oculos in ludibriū statuerunt, vt eorum deformitate oris & moris deterriti abstinerent ab ebrietatis vitio: quod Lycurgus in legibus instituit: Atque magis alliciunt, quam deterrent alios: apud nostrates, & mos malus bonam naturam corrumpit.

Tegantur prius hæc & similia center vitiorum plaustra, tanquā inhonesta, turpia, pessimi exempli, malorum irritamenta, & extirpentur omnino, & absq; dubio omnia, quæ bona sunt & latēt tanquam arcana, in lucem proferātur, inuulgentur & cu

& cunctis innotescāt, tum quoq; Fraternitas R. C. non erit postrema in sui detectione, cum se regendi causas nullas habeat: At vereor, illa magis dici, quam fieri, optari, quam expectari posse: Plurima enim mala sunt & manent in consuetudine hominum, adeo etiam ut pro vitiis nō agnoscantur, sed virtutum externos vultus mentiantur: Et ecōtra, quia mala bonis præripuerint locum, nō pauciora sub occulto naturæ gremio, sapientumq; delitescent bona. Hanc forsitan causam habuit Fraternitatis primus Author, cur voluerit lege quadā præcipere, ut tota illa societas centum annos maneret ne nomine cognita, quia tanto dono non patere subsellium eo dignum in mundo præviderit, omnibus à vitio præoccupatis, iperās tanto temporis intermedii spacio occasione oblatum iri, quo virtus prædominet vitio & veritas errori: Videmus quoq; & agnoscimus interim maximā in mundo mutationē, quo ad artes, præsertim per Germaniā contigisse, multa dona inuenta, abusus varios taxatos & remotos, nitorem artibus quasi omnibus restitutū, &

ad maturitatis flores peruenisse fere omnia: Cur igitur cunctandum foret diutius, quo minus Fraternitatis nomen innotesceret ex Fama, Confessione & aliis libris? Certe si authoris primi mens bene inspicitur, voluit ille centum annis hanc societate tegi debere, & per consequens, post id temporis licitum fore fratribus, ut scriptis aperiat: Præterfluxerunt autem ducenti anni inde, cum primo ea lex lata est, huc vsq; ut superius demonstraui-
mus, nempe ab A. C. 1413. in A. C. 1613. circiter quod tempus Fama primo sparsa est: Quamuis vero eius detectionis non fiat manifesta expressio, eaq; inde rationabiliter magis, quã secundum literam, educatur, tamen post, aperto monumento & sepulchro primi authoris (quod circiter A. C. 1604. contigisse conicitur ex natiuitate & ætate eius, additis annis prophetiæ, post 120. annos patebo: Nam 106. ad A. C. 1378. faciunt 1484. & post 120. faciunt 1604.) inuenti sunt in ea societate, qui manifestationem illam à prædecessoribus, prædictam certo affirmauerint.

CAP.

CAP. XVIII.

*Quid commodi vel incommodi
ex Fraternitate illa in perpe-
tuum detecta, vel certo tempore
(ut iam factū) detecta, Reipub.
& literaria accidere possit.*

EX productis huc vsque Fraternitatis
R. C. legibus nihil mali suspicari aut
præsumere reuera quis possit, nisi forte sit
natura Aranei malefica, qui ex floribus
quoque fragrantibus, vnde apiculæ mel
comportant, venenum exsugit, non quasi
proprie venenum melli sit adiunctum,
sed quod alias optimum mel in veneni
speciem corrumpat, dum necessum sit,
quod alimentum transeat & assimiletur
in substantiam & naturam aliti & non e-
contra: Phalangium, bestiola quidem
exigua est corpore, similis formicæ, (ma-
ior tamen) ruffo capite, alias nigra, albis
intercursantibus respersim guttis, at a-
cerbissime pungit, in Sardinia lethifera

L 5 est

est ita vt puncti Sardonio (vt dici solet) ringentes risu pereant, nisi debite per medicinas curentur.

Huic persimile venenum Pleudocritici quidam per aculeata sua scommata in hanc Fraternalitatē, eiusq; leges, stringunt, bilem capite, nigrorem pectore, candoris non nihil simulante & præ se ferente, pro-dentes: Sed nos illi remedium quæremus accommodatum ex suo genere ostenso vel cantu tiliarū iucundissime modula-to, si alia defuerint Alexipharmaca

Quid, inquit, commodi ex Frater-nitate illa detecta ad nos, quid non potius incommodi, peruenit? Nil inde nobis se-ritur aut metitur, sed audimus permultos sub hoc nomine fallere sese & alios, dum non paucos comminiscantur, quos ven-dant, dolos & occasionem confusione præbeant non tolerandam.

Fateamur, nullum esse bonum ea dote præditum, quod in abusum rapi nequeat, sed omne qualecunq; sit, pessimæ patere voluntati maleuolorū: At propterea non illud abiiciendū erit, sed malum accidens separandum à bona essentia, abusus à le-gitimo

gitimo vsu, quo fruendum: Ita Fraternitatem eiusque leges, esse bonæ institutionis, magni conatus & optimi effectus, nō dubitamus, sed accedente ad eā malitia hominum quorundam male feriatorū, multas suspiciones & dubitationes in plurimorum animis relinquit: Quas etsi peculiari tractatu, Silentio post clamores, fusius refutauerimus iam ante, tamē ne desit & hisce legib. siue aureæ Themidi, nostra opella, hoc capite breuiter de cōmodo vel incōmodo ex ea Fraternitate semper remanente recta, vel nunc detecta ad Remp. ac literariam redundante, differemus: Quatuor sunt bonorum summa genera, necessarium, honestum, iucundum & vtile, quibus homines mouentur ad rē siue subiectum aliquod amplectendum, aut contrario sensu auersandum vel fugiendū: Ex iis priora duo sunt magni census & anthoritatis, reliqua minoris: Verū hæc non raro apud multos præponderāt & præferuntur illis, siquidē humana natura multum teneatur iucundo & utili, ita vt si alterutris carendum sit, aut necessariis & honestis, aut iucundis & utilibus, in hæc ruat, vt amicissima & illa

relinquat, vt dura & aspera: Inde iucunditas & vtilitas potius considerata hic venit, quam alia, sic, ne diuortium faciant à necessariis & honestis, nec cum iis aperto Marte pugnent: At quid vtilitatis ex Fraternitate nunquā aperta vel cognita, aut damni? Neutrius plus, quam nūc inde ad Æthiopes vel Indos proueniat: Illi famā hanc non audierunt, nec confessionem cognouerunt & si hanc & illam percepissent, pro fabulis haberēt, aut si verum existimarent nonnulli, quia tamen ad se non spectet, nec vtilitatem, nec damnum sibi adferat, instar cassæ nucis æstimarent: Vt enim nihil ad nos Indorum metalliferi montes & fluuii spectant, aut quomodo illi Elephantis pugnent aduersus suos hostes, aliaq; illorum negotia, sic nec ad eos nostræ artes aut dotes: Si Fraternitas latuisset, nec se scripto aperuisset, nullus defectus tamē in scientiis & doctis viris fuisset, cum illius apertione, (siquidem incognita maneat) nulla accessio aut numeri augmentatio ad eos facta sit: Non defuit Argentinus vel Æsculanus vnquam ante id Germaniæ, qui dii nūc, vt semper, magis

gis arrident diuitibus, quam pauperibus: Nec defuit Æsculapius vel Hygieia, hoc est morborum curatio aut sanitatis conseruatio: Scientiæ quoq; & artes antehac fuerunt restauratæ & purificatæ, præsertim hoc vltimo annorum centenario, seu seculo, vt nullo purificatore aut elucidatione magis opus habeant, nisi velimus, vt instar Polyporum in fame, ipsæ se conficiant suaq; membra corrodat: Nil enim superfluum aut deficiēs in artibus obseruatur, quæ tot Criticos & censores hactenus expertæ sunt: Vice versa, si eadē Fraternitas latuisset, sunt qui & commodum ex eius latentia maius sperassent, quā de rectione: Namque, inquiunt, nulla superuacanea curiositas hominum mentibus, qua se inani studio macerarent instar Corydonis illius frustra Alexin insequentis, iniecta esset, non tot Polypragmones & suarum rerum obliti eos, qui latent, quærerent, nec frustra Echo eos respondentes expectaret, non tot diræ in nulquam apparentes effunderentur, nec multorū spes & desideria ex promissis illorum cōcepta, cum luctu & querela eorundem
peni-

penitus confunderentur: Quid multis? Non tot cōfusiōni occasiones præberentur. At hæc quia aperte falsa sunt, nō amplius prosequimur, cum ex dictis dicenda argui & concludi possint: De bonis vel malis incognitis incognitæ Fraternitatis satis, nunc cognitæ commoda profereamus.

Tanta nunc est in mundo omnium rerum abundantia, specierum diuersitas, indiuiduorum multiplicitas, vt non facile ad sensum percipiatur incrementum vel decrementum singulorum, multo minus vniuersi. Hinc Personæ, dum viuunt, etiam summæ in terris spectatissimæ, necessariae & vtilissimæ, si fatis cesserint, vniuerso nil defectus pariunt, cum alii succedāt aliis; Et nihil fere est quo, exceptis ad vitam necessariis simplicissimis, homo carere non possit, si alia sint ad vsum præsentia & absentis vnius locum supplētia.

Hac ratione quoq; Fraternitas si occulta penitus mansisset, nihilominus mundus absolutus & integer fuisset: Bonum enim incognitum vix desideratur vulgo, nec eius absentia prænoskitur, nec utili-

tas

tas æstimatur: Talia esse quamplurima in nature profundo abdita, non est dubium: Nemo imaginari potuit, esse nouū mundum, Americanum iam dictum, ante Columbi inuentionem, eiusq; detectionem: Nullus Typographiæ bonum vel utilitatem ponderauit ante eius productionem in vsum, tot scribis in scribendo occupatis atq; inde vitæ necessaria lucrantibus: Mundus absque his inuentis defectum passus nō esset, nec quis bonum incognitum hoc sensit, antequam apertum fuerit: Vnde nos multum commodi ex binis illis iam cognitis bonis, ex consequenti iudicamus, (quia id sentimus) ad hunc mundum peruenire, quo prior perfectio mundana auctariū accepit vberimum.

Vt enim nulla linea adeo longa est, nec corpus tam magnum, cui non aliqua portio adiici possit, ita quoque mundi perfectio nō adeo apparet absoluta, quin noui inuenti additionem admittat.

Eundem ad modum Fraternitatis apertæ utilitas mundo absolutionem non diminuit, sed multipliciter auxit, q̃ quomodo fiat, si quærat, respondeo: Per
natu-

naturæ, magnæ matris, bonorum & arcu-
norum scientiam, vni Fraternitati con-
cessam, nec alius, nisi longissimo annorū
curriculo per aliquot myriadas experi-
mentatorum inuestigandam: De Antæo
multimano, immensæ longitudinis gigan-
te, fingunt Poetæ, quod cum Hercule ad
luctam commissus sæpius in terram pro-
stratus recuperarit vires matre tacta (ter-
ræ enim filius erat) maiores, nec vlla arte
aut robore vinci potuerit, donec ab Her-
cule dolum præsentiente in aerem sub-
leuatus, brachiis compressus violentissi-
me, expirarit: Per Herculem autem labo-
riosissimum Artificem & Philosophum
exercitatissimum, denotari in Hieroglyp-
lib. 5. copiose demonstrauius, & per
Antæum subiectum philosophicum, in
quo contrariæ sunt vires: Hoc non facile
agnoscitur cum vbiq; lateat & in propa-
tulo sit simul, hoc secundum intellectum,
illud sensum accipiendo, & si cognitum
sit, præparatio tamen manet in obscuro:
Eius parens Terra est philosophica cuius
vis & proprietas cum inexplorata habeat-
ur, hinc Antæus ille à matre sua occulte

COR.

Corroboratur, & sic omnis actio in vanum in Antæo trucidando consumitur & adhibetur: Non absque causa Osyris ad peregrinationem Indicam (vt Ægyptii tradunt) se adcingens, Isidi Prometheum vt consultorem, Mercurium, vt gubernatorem, Herculem veluti prouinciarum præsidem, adiunxit, quorum maturo consilio, subtili artificio & immani labore ad negotia sua perficienda nunquam non vteretur, hoc est, in Vulcani officina, & Æde aurea, vbi Apis pascere-
 tur: Horum enim trium singulæ dotes & operæ requiruntur omni artifice philosophico: Quid hæc, dices, ad Fraternitatem R. C.? Maxime: Illi enim Antæum iam pridem subiugarunt & Herculeas suas vires & potentiam, nec non Mercuriale ingenium & Promethei prouidentiam, ipso effectu demonstrarunt & libris suis editis in lucem attestati sunt, ne opus sit de nouo Terræ emissitiam virtutem ignorare, admirari vel stupere, inquirere, eiq; remedium idoneum inuenire: Hæc est Fraternitatis illa scientia ex Terræ abditis & profundis hausta & producta, quam
 M ite-

iterum perdere & ingrato animo ad naturæ latebras relegare, esset imprudentis & temerarii: Nemo est in Chymia exercitatus vel tantillū qui hæc nō intelligit: Qui Indias Orientales & insulas petunt nauigiis, aqua dulci carere nequeūt, & si in loco quodā noto fontem limpidissimū inuenerint, summa diligentia annotant in chartis & libris, vt sequentes ipsi vel alii eiusdē beneficio fruātur: Multo magis in Indica hac peregrinatione (q̃ Olyrin & Dionysiū, Chymica subiecta, nō sine causa peregrisse narrāt) inuēto tā dulcis aquæ saliente riuo, ad multorū sitim extinguendā utilissimo, ille nō amittendus aut floccifaciendus erit: De aqua philosophorū viua, quā passim Authores, & Geber inter eos, laudibus suis in cœlū euehunt, nō de alia quacunq; mortua, mihi sermo est: Indagata hac vna, non opus erit Penelope telā texere & retexere, cū Vlysses, seu erabundus artifex sit præsens, nec Sisyphus lapidem voluere & reuoluere, Tantalus sitim sitire & famē famere: Totum n. vno artificio p̃ficitur, vna via, vno igne naturali (nō neglectis adhuc aliis tribus, in naturali, contra naturā & occasionato) vno

vase, tempore labore; quod tamē dextre intelligendum est. 2. Ad eiusdem naturæ scientiam, manu & mente Fraternitatis R. C. tenendam & ad posteritatem se- ram transmittendam spectat liber M. qui absq; dubio omniū artium in mundo vtilium summā perfectionem continet incipiendo à cœlestibus & vniuersalib. Harmoniaq; mundi Musica, & descendendo ad omnes alias scientias: Mens n. hominis, nō idiotici, desiderat omnia, quæ sunt vera in mundo, scire, falsa seu nō entia refutare & intellectū pulchris, honestis & vtilibus axiomatis p̄ficere & decorare: Et hæc omnia nō ad ociosam & nudā speculationem, q̄ per se iucunda fert florē quidē, sed absq; fructu, instar talicis frugiperdę, spectāt, sed quoq; ad ipsam praxin, quę est naturalis Sophia, in qua effectus respondent suis causis. 3. Ne quid de Physicæ illa parte, quæ remedia morbis propria & specifica accommodat, dicam, cuius supra satis memini. 4. Deniq; habēt iidem Fratres, nescio quid arcani maximarum viriū, quo se posse & velle succurre vni, si quādo opus sit, personæ, quo pie-

M 2 tas,

tas, iustitia & veritas superiorē locum obtineant, nec supprimantur à suis cōtrariis vitiis: Hoc quaecunq; sit, nō nostrum est exprimere, sed tēporis: Faxit ille, qui gubernat omnia humana, tenui pendentia filo, vt ad laudē sui nominis, totius Reip. Christianæ & Germanicę emolumētum, omniumq; nostrum salutem & commodū, hęc & his similia magni spiritus conanima referātur & spectent, quod vnice ardentibus votis à nobis & piis omnibus optandum est.

CAP. XIX.

Quod multa fabulosa sub Fraternitatis nomine spargantur, quorum tamen non illa, sed effrenata multicipitis belua, hoc est, vulgi, iudicandi de non intellectis libido, causa sit, vt solet quoque in aliis.

Fleri non potest, Fraternitate ita in genere detecta, in specie vero vel indiuiduis

duis adhuc latente, quin multa incredi-
 bilia, inconcinna & aperte falsa sub eius
 nomine spargantur: Solent enim res visu
 ipso vel auditu, aliove sensu probatæ, lon-
 ge aliterquam reuera sint, narrari, à sin-
 gulis pro captu aut libitu adiectis nōnul-
 lis tantisper, donec omni veritati contra-
 riantur, ab ea *δὲς δ' ἀπ' αὐτῶν* discrepantes; id-
 que contingere videtur vel ex imbecilli-
 tate discretivæ vel memorativæ virtutis,
 aut ex mala ratiocinatione, vel affectu &
 voluntate, quæ ut dictis vel auditis fauet,
 vel invidet, vel succēset, ita fert calculum
 & iudicat: Qui discursu destituuntur &
 memoria, merito se continere deberent,
 ne audiant illud vulgatum: Ne sutor ultra
 crepidam: Illi n. ad epulas huiusce conui-
 vii philosophici non sunt inuitati, multo
 minus p̄ testibus aut arbitris in tanto ne-
 gotio discernendo & diiudicando ab aliis
 admittuntur: Testis cæcus quid testabitur,
 se vidisse, aut surdus audiuisse? Qui ratio-
 ne imperfecte utuntur, seipsos decipiunt
 & alios: Putant enim se percipere quod
 non est, tanquā esset, aut quod est, tanquā
 non esset, hoc est falsitatem pro veritate,

& vice versa, amplectuntur: Tricas sibi iniectas non intelligunt nec defectum mentis, (nisi alia & integra mente) animaduertunt: Nihil supra se ascendere potest, ut se in profundo iacentem contempletur, quod est intellectus agentis, quo dicti non vtuntur: Qui ex affectu amoris vel odii veritati aduersantur, aut voluntate ab intellectu agente non directa, plus vel minus, vel aliud, quā par est, loquuntur aut statuunt in Fraternitatis negotio, maleuoli habentur seu peruersi: Quod cornices sunt in auguriis, hoc illi sunt in arbitriis, id est, nunquam non sinistri & loquaculi: Verum desinant anseres, ad saginam reservati, cygnis Phœbeis obstrepere: Intermittant graculi fides tractare: Cessent Grilli amaracino se pollueri: Nō est hæc aqua, pisces, in qua vos natetis, non est hoc studium vel stadium, in quo vos curratis vel exerceamini: Redite ad carceres, nec pedem inde mouete elumbes & plumbei: Quid opus est in Fraternitatis nomē fabulas congerere atq; illi vestras gerras & nœnias ascribere? Viri docti & prudētes ab iis sunt liberi, vos autem
non

non item: Vos estis amurca olei & tartarū vini, à quibus veluti fēcibus, tā minerva, q̄ Dionysius abhorret: At quæretis, quas fabulas sparseritis? Respondeo, nō est operæ preciū, eas hic narrare vel repetere, quas alibi, sub silentio post clamores, satis indigetauimus: In eo cōueniunt omnes, quod innocuæ Famæ & synceræ Confessionī Fraternitatis multū detrahatis, nūc pro hēreticis, magis, nigromāticis deceptoribus, exploratorib. & Reip. perturbatoribus illius socios habētes: O tempora, ô mores: quousq; abutemini vestra illa effrenata maledicēdi inoportunitate? quē ad finem sese iactabit illa maleuolētiae rabies: Quid sibi vult istę calumnias innocentibus intentādi furor? An nō satis indultum est loquentiae? Non sunt illi tales, quales ex vestro iudicātur ingenio: Nihil, vt opinor, habēt prauitatis hēreticæ, nisi forte addicti Deo, pietati & sacris scripturis, eo solo nomine hēretici vocandi sint, quod fieri nequit, nisi ab impiis & hēreticorum pessimis: Nihil habent magiæ, nisi naturalis scientiæ, ne minimum Negromantię, nil deceptionis aut doli: Quæ ex-

plorat, in nullius incommodum cedunt,
sed in illorum utilitatem: Nec arbiter est
cōsulendus in hisce, nisi à fratribus igno-
rantia, quorum ordo (Patauii in destil-
landis aquis simplicium ad Pharmaco-
pæorum vsum duntaxat occupatus) nunc
præualet in mundo, plurimis tacito con-
sensu se illi addicantibus: Nil magis hi o-
derunt, quam scientiam nimiam, ideoq;
omnes quæstiones propositas vno, Ne-
scio, tanquam Tenedia bipenni soluunt
& enodant, eo fœliciores, quo ignoran-
tiores: Alii vero ab his diuersi eo se bea-
tiores vere statuunt, quo plura cognoue-
rint, id enim diuinitati proximū & intel-
lectui vniuersitatis capaci cōgruum non
iniuria æstimant: Inde non solum conti-
nua lectione, sed etiam exploratione re-
rū opus est, sine qua senex bis puer & qui-
libet alius indiscretus est iudex: Sapientis
est, si possit, omnia scire, cum non possit,
quamplurima: Magni principis, procul
videre & audire quoq; longius remota, &
in hoc differt à vulgo, tam hic, quam ille:
Vt utiq; has proprietates Fraternitas nō
immerito imitatur, vt omni perfectioni
magis

magis appropinquet: Quod de perturbatoribus Reip. inuehitur, plane calumniosum est in Fraternitatem: Nihil enim ex illis quispiam perturbat, ne minimo in Remp. iniuriolus: nec credo illa omnia, quæ à calumniatoribus dicuntur, alicui statui tantillum nocere posse: Sunt enim ficta & excogitata in calumniantium cerebro, eorumq; linguis in aerem effusa, nec ullius veritatis, nec efficaciar: Sint, qualiacunq; velint, redeant ad suos authores, illorumq; iugula premant, quia ad Fraternitatem nō magis spectant, quam conuitia ad illum, qui iis oneratur & læditur: Si de iniuriis sibi illatis conquerendum sit, id maxime Fraternitati incumbit, non iniuriantibus: Quod tam multæ sint hæreses in Christiano orbe, an sacræ literæ propterea incusandæ sunt, vel abiiciendæ, vel prohibendæ omnino? Absit, quia hominum peruersitas, illis abutēs potius coercenda foret: Ita quid hoc ad Fraternitatem, q̃ multi in ipsam blasphemias conuehant, & calumnias spargunt? Si accusare satis foret, nemo non rei nomen assumeret à quolibet actore: Si calumniari

M 5 suffi-

sufficeret ad probationem, nemo accusatus absolui posset, iustum, iniustum, verum, falsum, album, nigrum, rectum, curuum, vno discrimine venirent, quod ab omni ratione alienissimum est.

CAP. XX.

Quod Fratres R. C. nullam reformationem in mundo, religione, Iudeorum conuersione, Politia, qualem Enthusiasta quidam etiam ex sacris adducen-tes ad id probandum sententias, somniant, sperent aut intendant, at veritati & iustitiae se semper addictos testentur.

VT homines quicquid in mente & votis habent interdum, sepe solet notu illis in phantasia recurrere, iuxta Claudiani versus:

Omnia

*Omnia quæ sensu voluntur vota diurno,
 Pectore sopito reddit amica quies:
 Venator defessa thoro cum membra reponit,
 Mens tamen ad sylvas & sua lustra redit:
 Iudicibus lites, aurigæ somnia currus,
 Vanaque nocturnis meta cauetur equis.*

Ita quoq; desideria cuiusque compleri præsumuntur, quam primum vel leuissima occasio eorum seu mentio sola se offerat: E g, qui ditari expectant & cupiunt, nihil lucri negligunt, nihil laboris subterfugunt, nihil spei amittunt, vt id perficiant, quod habent in animo: Si qui mutationibus Politicæ, religionis, artium vel scientiarum suas cogitationes intentius infixerint, leuissima quæq; insectantur, vt id fiat, secundum voluntatem eorum: Hæ causæ fuerunt multorum in Rep. tumultum, quibus deliræ persuasiones non raro principium & fundamentum præbuerunt, vt in Anabaptisticis & Enthusiasticis motionibus nimis conspicuum euasit: Esse in super nostro æuo quamplurimos nouitatum studiosos, conturbationem magis, q̃ reformationem multarum rerum appetentes, & animo præcōcipientes nescio q̃ Reip. lite-

literariæ & religionis formã, forte Idzani
ciuitatis Platonica, indubitatum est, qui
postquam de Fraternitate R. C. obscuros
dubiæ auræ rumusculos & Famam, audi-
uerint, nunc suis desideriis satisfactum iri
arbitrati sunt: Illos n. tam opibus, quam
sapientia instructissimos & posse & velle
vniuersalem reformationem in mundo
instituire, omnino sibi sunt polliciti: Id-
eoque suam opinionem tuto euulgant &
fratrum dictorum authoritate stabilitam
& confirmatam defendunt, dictâtes, Im-
perium vnum, vnam religionem, vnam
concordiam dissentientium, Iudæorum
conuersionem, (& veluti nos gentes ex
ipsis nostrum Messiam, Christum Iesum,
accepimus, sic eos ex nobis suũ acceptu-
ros) & his similia iam iam instare: Sed hæc
esse figmēta fabricata in Enthusiatarum
cerebro, hic declarabimus; Nec n. Fra-
ternitas R. C. eiusmodi vnquam asseruit,
nec id ex eius scriptis eliciendum erit: Est
quidem Reformatio totius mundi tracta-
tu quodam Famæ Fraternitatis adiuncta,
quæ nullo modo ad hanc referenda, sed
veluti à Viro docto accepi, ex Italico idio-
mate

mate antehac translata, quasi vnus noui-
tatis aut sensus esset, cum Fama edita est:
De Reformatione artium ibi quid legi-
tur, tentata à primo eius ordinis authore,
ante ducentos & 17. fere annos, nempe
circiter A.C. 1400. Et sane tum temporis
Reformatione quadã indiguerunt, quam
nonnullæ earum acceperunt hoc vltimo
seculo, vt cæteras gentes taceam, in Ger-
mania, à Rudolpho Agricola, Erasmo
Roterodamo, tanquam duobus lumini-
bus omnis bonæ literaturæ, à D. Luthero,
Philippo Melanchtone, Theoph. Para-
celso, Ioh. Regiomontano, Copernico,
Tycho Brahe & aliis innumeris, de qui-
bus in tractatu de VERO inuento ex pro-
fesso agemus: Nec dubium est, adhuc ma-
iorem Reformationem posse institui ali-
is; qui naturæ latebras magis cognitas
habent, quam alii: Ex his nihil de Repub.
aut religionē induci potest: Tyrannidem
in religione occupatam & tanti tempo-
ris præscriptione possessam illi, qui Septi-
collem falso sibi ascribit urbem, Aquilæ
Germanicæ subiectam, Regum ceruices
(instar superbissimi illius Sesostridis Æ-
gyptii)

gyptii) calcare solitus & regna ad se trāf-
ferre verbis, quasi alieno labore & sangui-
ne partam gloriā, vt Thraſo apud Comi-
cum, non excepero, ſed vt in verā Chriſti
eccleſiā, quæ non gladiis ſibi regna querit
aut tuetur, quā primo redeat, relictis mū-
danis, vnice optamus; Et forte ſaltē opta-
mus, quia lucrum, vtilitas & cōmoditas il-
lius poſſeſſionum, nō admittit, vt pietas &
veritas præualeat illis abdicatis, ſed cogi-
tur hoc eſſe piū & vere religioſum, q̄ ma-
xime lucroſum poſſeſſori exiſtit: Diuites
& potentes raro audiunt verum de ſeſe, &
ſi audiant, facile vertitur in falſum; Cauſa
hæceſt, quia veritas nuda eſt & honeſtas
ſimplex, diuitiæ autē & potentia veſtibus
non careant blanditiarū, adulationumq̄;
• At Reformatio omnium heresum potius
ad Deum, quam hominem ſpectat, nec à
Fratribus affectatur, licet ab omnibus bo-
nis ſperetur: Illuminatio intellectus hic
magis, quam coactio volūtat̄is valet: Hæc
enim ab homine vt cogi nequit, ſic ille à
ſolo Deo illuſtrari ſaltem poteſt: Ille vnus
dat poſſe & velle; ad quē hanc Reforma-
tionē referimus: Quis ludæos adeo per-
tina-

tinaces cōuertat ad Christianismum, etiam si potētia miraculorum clareat? Sunc quidem dicta in sacris, quæ eo detorqueri possunt, quasi ex Ethnicis illi Heroa, quæ expectāt, accepturi sint, sed ea sunt nimis obscura humano intellectui, nec prodest Enthusiasmus, qui ea interpretanda assumit, nec se falli posse existimat: Experientia enim reclamation & rei impossibilitas, ita ut quæ in verbis & concordantiis illorum, figurisq; affectis optime conuenerint, in rebus longissime à se inuicem discrepēt, & magna sapientia in Moriam desinat: De iis, qui morbo animi, siue Mania, laborant, nihil dicimus: Hi enim, (veluti nec illi in hoc genere desunt) potius bonis medicamentis, quam documentis refutandi sunt, cū potius misericordiā, quam elusionē, ut homines ab hominibus, mereantur: Fratres illi nunquam fuere Acephali, sed semper habuerunt seniore, ut etate, sic autoritate prævalentē, cui p̄ ut par est, obediunt & quiq; sua officia accepta referūt: Vtq; nō est possibile per naturā, ab ignis substantia separare accidētia p̄pria caliditatis & siccitatis, sic nec ab hac soda-

sodalitate, virtutibus adeo insignita, optimos effectus: Pietati sedulo vacant, sacras literas scrutantur per noctes & dies, dant eleemosynas frequētes, ut ipsi testantur, gratis medicantur omnibus, omnem naturam inuestigant, eiusque arcana in experimenta ducunt, astronomica, phŷica, mechanica, medica, chymica innumera habent verissima, quibus mirabiles producunt actiones: Sunt laboriosi, & minus ociosi tum, cum videantur, frugales, temperantes, silentii tenaces, omnibus prodesse cupientes, quoad licet, & nocere nemini: Et ut multa paucis dicam, sunt tanti, de quibus Fama mentiri erubescat.

Atque hæc de legibus dictæ Fraternitatis discurrissē hoc loco
sufficiant,

F I N I S.

